

顧亭林先生年譜

甲午夏
吳之



831731

高齋
精讀



道光廿四年刻
道州何紹基署



亭林先生中年以前小像



第七世姪孫淳德家藏本道州後學何慶涵敬摹

顧亭林先生年譜

謹案 本朝學業之盛亭林先生實牖啓之而洞古

今明治要學識賅貫卒亦無能及先生之大者聞桐

城胡雒君虔嘗爲先生撰次年譜惜未之見大興徐

丈松鈎稽各書依年排纂已寫有定本會何太史紹

基自金陵來攜有上元車明經守謙號秋所輯譜互

用勘校車氏差詳蓋車氏本之崑山吳廣文映奎號

而吳氏又本之先生撫子衍生也徐文欲更事釐

訂以出守榆林未遑穆乃不自揆度比而敘之綜兩

顧譜

譜之異同究大賢之本末世之景行先生者尙其有

攷於斯道光二十三年五月初日平定後學張穆記

明萬曆四十一年癸丑五月二十八日先生生

先生初名絳更名繼紳後仍名絳字忠清元譜案復社姓

氏崑山弟六人 乙酉後更名炎武徐譜閩百詩與劉

顧絳字忠清 案山東通志采先 字寧人學者稱亭林先生元譜華

居此修輿地志因以爲名其地今爲寶雲寺 穆案

輿地紀勝嘉興府古蹟有顧亭湖在華亭縣南三十

五里舊經云黃門侍郎顧野王居此無林字又海鹽

縣東有顧林亭有陳顧野王讀書堆東坡顧林亭詩

云平林豈舊物歲晚室扶疏云云唐詢詩云平林標



大道曾是野王居云云宋輝詩云昔時高士宅今日
梵王居云云林亭字凡兩見皆不作亭林然據下所
引東坡詩云平林豈舊物唐詢詩云平林標大道似
乎華亭海鹽兩縣境內皆有一亭因野王納稱瀕水
則曰顧亭湖傍樹則曰顧亭林傳鈔誤倒作林亭爾
近志於湖上竝增林字亦誤也至宋輝梵王居云云
則又與華亭之寶雲寺其事適同不知輝卽指華亭
故蹟而象之誤繫之海鹽下否 又案宋嘉祐六年
法雲寺重修大殿記弟一行題云大宋秀州華亭縣
顧亭林法雲寺重修大殿記此顧亭林三字之見於
石刻 又嘗稱名曰圭年 元譜康熙中題吳縣李灌溪
者 侍御詩署名曰圭年謙案歙
孝廉程易疇瑤田云嘗見萬年少自跋所作秋江別
思圖送先生由淮陰渡江歸唐市謂顧子名圭年自
云余再轉注 亦或署蔣山傭 元譜謙案蔣山卽鍾山
而得此名 後更名神烈山先生嘗
僑居山下也 穆案江藩漢學師承記庚寅有怨家
欲陷之僞作商賈變姓名爲蔣山傭又鄒平縣志前

顧譜

二

列修志姓氏有顧傭字寧人崑山人同時
較編疑傭卽傭字之譌亦或單署曰傭也 顧氏系出

吳郡五代之際徙滁州南宋時有名慶者自滁徙海

門之姚劉沙 見先生顧氏譜系攷姚劉沙自注今崇
明縣 又鈔書自序炎武之先家海上

世爲 慶次子伯善又徙崑山遂爲崑山縣人世居縣

之花蒲保 譜系攷崑山縣之二十四保地 後徙千墩
名花蒲自注今太倉州六都

元譜崑山縣之千墩人謙案崑新合志千墩在城東
南三十六里泖川鄉 徐譜先生家與徐健庵比鄰

見憺園集舅母朱孺人壽序穆案蘇州府志崑山縣
第宅園林內載妙喜園在西關外金童橋北初徐嚴

氏園徐坦齋營爲別墅荷池竹圍踞西郊之勝徐乾
學宅在半山橋西堂曰冠山堂復構傳是樓聚書其

中宅後有園曰憺園又有遂園在馬鞍山北麓徐秉
義第在富春橋西有培林堂徐元文宅在半山橋東

塘內有舍經堂園中有古樟一株因名得樹園蓋徐氏鼎貴後父子兄弟各營第宅不復與顧氏爲鄰矣厥後健庵兄弟欲迎先生南歸以別業居之殆指金童園亭歟

自慶而下十二世至

明正德間曰南京工科給事中廣東按察使司僉事

溱 譜系攷溱字梁卿號小涇正德庚午舉人辛巳進士 刑科給事中 濟 譜系攷濟字舟

卿號思軒正德丙子舉人丁丑進士 歷官行人刑科給事中 何紹基案類姓登科攷於顧溱注崑山縣

人顧濟顧章志顧紹芳皆注太倉州人 穆案鈔書自序先高祖爲給事中當正德之末又衍生繕寫書

目有思軒公諫垣疏一卷又蘇州府志給事中顧濟第在崑山縣尚書浦西蔣涇 刑科生兵

部侍郎章志 譜系攷章志字子行號觀海嘉靖丙午舉人癸丑進士 歷官行人行人司副行人司正刑部員外郎中江西饒州府知府湖廣廣西按察司副使貴州布政司參政貴州山東按察司按

顧譜 三

察使南京光祿寺卿應天府尹南京兵部右侍郎贈都察院右都御史 徐譜南京朝天宮後有侍郎公

祠又日知錄云余家有嘉靖年買地文契蓋在侍郎公時又浯溪碑歌序云萬厯元年先曾祖官廣西按

察副使 穆按衍生繕寫書目有觀海公船政疏一卷又車譜云章志字行之據譜系攷作子行當是車

誤又鈔書自序嘉靖間家道中落先曾祖繼起爲行人使嶺表而倭闌入江東郡邑所藏之書與其室廬

俱焚無孑遺焉泊萬厯初而先曾祖歷官至兵部侍郎中間歷方鎮三四清介之操雖一錢不以取諸官

而性獨嗜書往 侍郎生左贊善紹芳 譜系攷紹芳字實甫號學海萬

厯丙子舉人丁丑進士翰林院簡討經筵日講官左春坊左贊善兼翰林院編修管理制誥贈左春坊左

庶子 車譜紹芳選庶吉士移疾歸起補檢討父喪服除進經筵日講官遷左贊善後移疾歸不兩年卒

年四十七 穆案鈔書自序祖贊善公文集至數百篇衍生繕寫書日有學海公寶庵集十二卷靜志居

詩話實甫工於五律不露新穎矜鍊以出之頗有近於孟襄陽高蘇門者又王世貞作紀遠近交游四十詠紹芳其一也蘇州府志崑山縣有遺清堂在柴巷內宮贊顧紹芳所居及國子生紹芾

譜系攷紹芾字德甫號蠡源生員增例入國子監車譜紹芾天才俊逸工詩古文奇奧秀拔在太白長

吉間尤善書法為董香光稱許詳見崑新合志穆案紹芾又號夢庵見憺園集又先生三朝紀事闕文

序臣祖生於饒州官舍隨臣曾祖之官廣西山東南京一切典故悉諳而當日門戶與攻門戶之人兩黨

之魁皆與之游臣祖年七十餘矣足不出戶猶日夜念廟堂不置閱邸報輒手錄成帙細字艸書一紙至

二千餘字自萬厯四十八年至崇禎七年九月共二十五帙又鈔書自序先祖書法蓋逼唐人性豪邁不

羣然自言少時日課鈔古書數紙今散亡之餘猶數十帙贊善生官廕生同應

攷紹芳子二長曰同德生員次曰同應字仲從廩生萬厯乙卯戊午副榜恩廕入國子監穆案同應又

顧譜

字賓瑤見憺園集曰公清修篤學負東南重望蘇州府志文苑門同應生十歲而孤哀毀如成人長而穎

敏好學精舉子業工詩文為諸生七試不售兩中副榜卒年四十二性澗達家雖貧好施與卒之日戚友

哭之幾於罷市所著有藥房秋嘯等集明詩綜引王平仲語云仲從詩詞澹意遠有白雲自出山泉泠然

之娶何氏穆案憺園集先妣顧太夫人行述曰母何致序曰何夫人性嚴重嘗竟日不言獨愛讀書又曰自

外祖賓瑤公未仕捐館外祖母以未亾人支持門戶荼苦百端家兄孚若詩集序

也穆案同應五子長曰細字遐篆次即先生次曰紉字子嚴次曰纘字子叟次不知其名字子武先生

一女兒一女弟皆嬪於徐女兄生履忱女弟生健庵兄弟又一女兒嫁陳皇士濟生健庵寄皇士太僕詩

注太僕夫人余從母也是也然元譜稱健庵太夫人為先生弟五妹又有仲姊適馬氏則女兒兄弟之可考

者亦四人也
紹芾生同吉早卒
元譜謙案同吉字仲逢崑新合志謂其早卒無子產

願聘王氏未婚守節撫先生為嗣
徐譜貞孝之歸願當在萬厯二十九

年辛丑其年貞孝十六歲
車譜貞孝太僕寺卿宇孫女諸生述女事載明史本傳及餘集先妣王碩人

狀行

四十三年乙卯三歲

先生患痘頗危及脫痂左目為眇
元譜謙案全謝山神道表謂先生雙

瞳子中白而邊黑見者異之不言眇也或有雲翳未可知弟元譜係衍生所作不應有誤故仍之

是年本生父賓瑤公中式副榜
元譜知縣陳君祖苞

拜於貞孝之廬
穆據行狀補進士履歷便覽祖苞字令威海鹽人萬厯癸丑進士歷官

顧譜

五

順天巡撫明史附顏繼祖傳

四十四年丙辰四歲

七月先生第五妹生
穆補愴園集先妣行述吾母生於萬厯丙辰七月二十八日

未時

四十六年戊午六歲

春白氣亘天自東而北
元譜穆案三朝紀事闕文序自臣母授臣大學之年而東方

兵起白氣亘天明夏四月
年三月覆軍殺將

大清兵克撫順七月克清河堡
徐譜

貞孝以大學授先生
元譜賓瑤公鄉試又中副榜
徐譜

冬十一月蠡源公配李碩人卒元譜 穆案碩人有兄名箕見先生

所作先
妣行狀

四十七年己未七歲

二月經略楊鎬誓師於遼陽總兵官李如柏杜松劉綎

馬林分道出塞三月甲申杜松遇

大清兵於吉林崖戰死乙酉馬林兵敗於斐芬山兵備

僉事潘宗顏戰死庚寅劉綎深入阿布達里岡戰死六

月

大清兵克開原馬林敗沒徐譜

顧譜

先生就塾元譜 徐譜日知錄云愚幼時四書本經俱讀全注

四十八年庚申八歲

秋七月神宗崩光宗立甫一月崩熹宗立時朝議欲以

明年為泰昌元年左光斗請以七月以前為萬厯四十

八年八月以後為泰昌元年從之元譜

本生母弟紆子嚴生元譜謙案崑新合志紆字子嚴同應弟三子少負經濟才明

後絕意仕進隱居干墩舊廬居喪哭過哀目遂盲秉性耿介兄炎武講學秦晉間屢徵不起紆寓書益相

砥礪甥徐乾學兄弟勢望方隆紆獨養高自重華陰王宏撰稱其闇修於不見不聞之地不媿隱君子

天啟元年辛酉九歲

三月

大清兵取瀋陽遼陽

徐譜

先生讀周易

元譜

季弟纘子爰生

徐譜案子爰妻朱氏健庵有舅母朱

孺人壽序

二年壬戌十歲

正月

大清兵破西平堡取廣甯

徐譜

蠡源公命先生讀古兵法家孫子吳子諸書及左傳國

語國策史記

元譜

穆案三朝紀事闕文序天啟初元遼陽陷奢崇明安邦彥並反其明年

顧譜

七

廣甯陷山東白蓮教妖民作亂一日臣祖指庭中艸根謂臣曰爾他日得食此幸矣遂命之讀古兵法家孫子吳子諸書及左傳國語戰國策史記

先生程正夫詩序余自少時侍於先王父其終日言

而無擇者皆祖考之世德鄉先生之行事

徐譜

三年癸亥十一歲

蠡源公以資治通鑑授先生

元譜

穆案鈔書自序先祖自炎武十一歲即

授之以溫公資治通鑑曰世人多習綱目余所不取凡作書者莫病乎其以前人之書改竄而為自作也

穆案先生所作先妣行狀吾母居別室中晝則紡績

夜觀書至二更乃息尤好觀史記通鑑及本朝政紀

諸書而於劉文成方忠烈于忠肅諸人事自炎武十數歲時卽舉以教

四年甲子十二歲

始習科舉文字

元譜 穆案三朝紀事闕文序臣祖故所與往來老人謂臣祖曰此兒頗慧何不令習帖括乃爲是潤遠者乎於是令習科舉文字已遂得爲諸生

五年乙丑十三歲

時有納穀寄學之例蠡源公以先生天資穎異合早

取科名遂爲先生應例

元譜 謙案明時寄學亦經提學考取歲試後準作附生

六年丙寅十四歲

顧譜

讀通鑑畢讀書詩春秋

麻城周提學邦基取入本

學二十二名庠名繼紳

元譜 先生入學在十三歲謙案先生撰寇公墓志謂天啟

六年寇公爲蘇州知府某年十四以童子見公被一言之獎云云則入學當是十四

入復社

有名

徐譜 常熟王峻次山作先生傳年十四爲諸生入復社有名松案吳應箕所編復社姓氏目錄

前卷崑山縣入社者十八人先生名在第六先生乙卯歲孫徵君葬詩引云適吳中有傳示同社名氏者感觸之意遂見乎詞 穆案 靜志居詩 語寧人早年入復社與同邑歸莊齊名

賓瑤公卒

先生居降服憂

元譜

先生荅徐公肅書云幼時侍先祖自十三四歲讀資

治通鑑後卽示之以邸報

徐譜

崇禎元年戊辰十六歲

陝西饑流賊大起

徐譜

歲試惠安陳提學保泰未發落卽告病去祇取賞卷

蔡復襄以下十二人先生未與

元譜

先生與潘次耕書云自庚申至戊辰邸報皆曾寓目

徐譜

穆案三朝紀事闕文序先帝卽位天下翕然以爲中

興更化之主無復向時危迫之意又當先帝頒孝經

小學釐正文字之日臣乃獨好五經及宋人性理書

顧譜

九

而臣祖乃更誨之以爲士當求實學凡天文地理兵

農水土及一代興革之故不可不熟究

三年庚午十八歲

六月流賊陷府谷

徐譜

六月科試上虞李提學懋芳拔先生卷列一等二十

名

元譜

是年先生當應鄉試日知錄載是年應天鄉試題舉

直錯諸枉能使枉者直以媚奄諸臣初定逆案也

徐譜

穆案是年先生弟五妹歸同邑太僕少卿徐君應聘

之孫開法

應聘萬厯癸未進士翰林院檢討開法字茲念號坦齋恩貢生時年十七

四年辛未十九歲

八月

大清兵圍大凌城閏十一月登州游擊孔有德反

徐譜

二月歲試李提學連任先生卷列一等十一名仍更

名絳 元配太倉王孺人來歸

元譜

是年甥徐乾學生

徐譜乾學字原一號健庵官至刑部尙書

五年壬申二十歲

正月孔有德陷登州九月流賊連陷山西州縣

徐譜

顧譜

十

三月歲試鄰水甘提學學潤拔先生卷列一等十四

名元

元譜

六年癸酉二十一歲

二月流賊犯畿南河北七月

大清兵取旅順十一月流賊渡河陷澠池諸縣分掠南

陽汝寧遂犯湖廣

徐譜

正月科試甘提學連任先生名列三等

元譜

本生母

兄緡遐篆中式順天舉人

元譜謙案崑新合志緡天才俊逸世傳其兩京賦將

平子時務策比長沙年未四十卒徐譜緡以天下多故好言兵事舉鄉試一上公車而卒見健庵舅母

朱孺人壽序細有同年長沙陶汝鼐見先生楚僧元
瑛談三十年來事詩注 穆案靜志居詩話陶汝鼐
字仲調壯歲好游自吳入越晚際
仕離出監軍事捍禦鄉邦有力

是年甥徐秉義生 徐譜秉義字彥和號
果亭官至內閣學士

七年甲戌二十二歲

正月賊自鄖陽渡漢連陷紫陽平利二月陷夔州六月

賊降復叛陷所過州縣七月

大清兵入上方堡至宣府十一月賊自陝西分犯河南

江北湖廣 徐譜

巡按御史祁君彪佳表於貞孝之門 穆據行狀補
彪佳字宏吉浙

顧譜

士

江山陰人
明史有傳

是年甥徐元文生 徐譜元文字公肅號立
齋官至文華殿大學士

八年乙亥二十三歲

正月賊陷鳳陽六月賊復走陝西七月賊復東犯十一

月賊陷陝州攻洛陽 徐譜

六月歲試上虞倪提學元珙置先生卷二等 元譜

九年丙子二十四歲

五月賊復入陝七月

大清兵入塞八月東歸 徐譜

六月科試倪提學連任置先生卷二等元譜

是年先生當應鄉試日知錄載是年應天鄉試春秋

題宋公入曹以曹伯陽歸先生譏其以公孫彊比陳

啟新曹伯陽比思陵非所宜言大不敬徐譜

巡按御史王君一鶚具題貞孝事狀奏旌其門報可

元譜謙案貞孝受旌在九年見先生康熙十八年與史館諸公書縣志亦同元譜列入十年誤

穆案先生所作先妣行狀貞孝請旌之歲已齒文會

知名且十年

十一年戊寅二十六歲

顧譜

三

九月

大清兵入塞徐譜

二月歲試濰元提學煒置先生卷三等 十二月科

試元提學連任仍置三等元譜

穆案是年冬蘇州府承天寺浚井得宋鄭所南所藏

心史鐵函巡撫張國維刻其書又為所南立祠堂詳

見先生所作井中心史歌序閻潛工曰有偽書出近代佐證分明苟一言及

輒譁然起被以大不韙之名且以寧可信其有者莫過史彬之致身錄鄭所南之心史一為史兆斗所撰

一為姚士粦所撰前說余徵諸牧齋後說聞諸曹秋岳云又與公肅甥書憶昔時

邸報至崇禎十一年方有活版自此以前竝是寫本
十二年己卯二十七歲

正月

大清兵入濟南德王由樞被執二月

大清兵北歸徐譜

七月城固張提學鳳翮覆試科舉先生取遺才二等

元譜

先生撰肇域志始於是年見自序又郡國利病書序

云崇禎己卯秋闈被擯退而讀書徐譜

顧譜

三

十三年庚辰二十八歲

九月張獻忠陷劍州徐譜

四月邑中修葺文廟先生與葉秀才奕荃歸秀才莊

重新兩廡木主而正其位次元譜謙案崑新合志奕荃字元暉一字水修由

諸生入太學性剛直好義工詩古文詞師事劉宗周
徐石麒陳龍正講求性命之學尤究心邑政刊斲乙
酉夏以父榷杭州關過國變藝星往省還至嘉善爲
亂民所戕覓其尸不得以衣冠葬之莊字元恭爲諸
生博涉羣書乙酉後凶命薙髮僧裝稱普明頭陀後
乃廬金潼里先墓側生平最善顧炎武以博雅獨行
相推許而俱不諧於俗有歸奇顧怪之目 穆案先
生書孔廟兩廡位次攷後歸生名莊更名祚明工艸
隸爲東 吳高士 十二月歲試張提學連任置先生卷二等

元譜

先生荅徐公肅書憶昔庚辰辛巳之間國步阨危方
州瓦解而老成碩彥品節矯然下多折檻之陳上有
轉圜之聽思賈誼之言每聞於諭旨烹宏羊之論屢

見於封章

徐譜

十四年辛巳二十九歲

正月李自成陷河南殺福王常洵遂犯汝州城陷知州
錢祚徵不屈死張獻忠陷襄陽殺襄王翊銘十一月李
自成陷南陽殺唐王聿錞

徐譜是年大旱

顧譜

古

二月蠡源公卒先生居承重憂

元譜穆案三朝紀
事闕文字臣祖父某

年五十一而始抱臣炎武為孫先妣行狀貞孝請旌
之歲先王父年七十有四則蠡源公之卒也年七十
九矣 十月葬蠡源公及元配周碩人繼配李碩人於

司馬賜塋之穆位

元譜

將葬既祖奠火作於門里人救

之得息

徐譜按健庵作舅母朱孺人壽序述
此事云家難復作室廬失火被焚

十五年壬午三十歲

二月

大清兵克松山下錦州五月張獻忠陷廬州九月李自

成決河灌開封城陷十一月

大清兵入薊州連下畿南山東州縣

徐譜

兄遐篆卒弟子叟生子洪善嗣遐篆後

元譜記遐篆卒於順治十

一年甲午穆案遐篆中式崇禎六年癸酉舉人健庵稱遐篆舉鄉試一上公車而卒歸元恭送先生北游序稱崇禎之末祖父蠡源先生暨兄孝廉捐館健庵為顧氏甥元恭與先生總角至交皆不當有誤又崑新合志稱遐篆年未四十卒若卒於甲午則先生之年且四十有二矣推尋其故元譜蓋譌歲壬午為歲甲午耳今為刪正即以子叟生子洪善之年為遐篆溢逝之年與各書所言乃一一符合也
謙案洪善字達夫號柏亭康熙丙辰進士官中書年未四十卒

十六年癸未三十一歲

正月李自成陷承天五月張獻忠陷武昌八月陷湖南

顧譜

五

諸郡十月李自成破潼關遂陷西安延安諸郡

徐譜

夏釋承重服循例入成均

元譜案例貢自萬厯間始

子叟生次

子洪泰

元譜 穆案健庵舅母朱孺人壽序教二子達夫來白皆有聲鄉校來白當即洪泰之字

蓋亦諸生矣

先生謠觚序僕自三十以後讀經史輒有所筆記

徐譜

十七年甲申十月朔為

大清順治元年三十二歲

正月張獻忠寇四川二月李自成陷太原遣別將犯畿

南陷真定李自成陷寧武關三月陷京師

徐譜

十九日明

莊烈帝崩於宮中萬壽山中帽局

元譜謙案陳濟生再
生紀略謂在山之紅

閣御元色鑲邊白絲綢半
臂紅閣蓋建以復內操者

四月二十九日李賊西走五

月三日

王師入睿親王攝政

元譜恭案
甫七齡駐

世祖章皇帝時
蹕盛京九月入關十

月朔 御極
定鼎京師

是月初一日明鳳陽總督馬士英等迎立

嗣福王由崧於南都仍稱崇禎十七年以明年乙酉為

宏光元年

元譜

四月先生率家人侍母遷居常熟之唐市

元譜謙案
常昭合志

唐市舊名尤涇在雙鳳鄉去縣
東南三十里又東南則崑山界

十月歸千墩被劫十

顧譜

去

二月復遷居常熟之語濂涇

元譜謙案常昭合志語
濂涇黃涇東北入尤涇

穆案先生撰先妣行狀兵入南京炎武奉母僑居

常熟之語濂涇介兩縣之間又從叔父穆庵行狀語

濂涇去千墩八十餘里又憺園集兄孚若詩集序舅

氏亭林先生避兵常熟之窮村兄往依之朝夕討論

故詩日益工 又案望雲樓帖刻先生手札云醉德

無何忽云改歲兄今其脫然愈乎弟則馬學士所云

百憂熏心三冬少暇往日之舉犯而不校逆獸已無

所用其忽然今乃黑夜令人縱火焚佃屋一所弟既

蕩無一椽僕輩亦瞻烏靡集夫行強雖武士之恒談

火攻則兵家之下策况於臨池之畏實為扇焰之謀

包藏禍心日甚一日公宮之火先告於寺人陵門之

戟首誅乎元濟燎原之惡已盈自焚之禍行及布諸

左右憑楮愴然元恭仁兄足下弟絳頓首所云黑夜

縱火不知卽指千墩被劫事否時尙未更名炎武則

與葉方恒構鬻一案無涉

崑山令楊君永言應南

也未得其實附記於此

都詔列薦先生名於行朝詔用爲兵部司務

元譜永言字岑

立昆明人崇禎癸未進士崑城破後走陳墓訶事彌月知不可爲復入黃浦依吳帥吳敗視髮珠溼萬壽庵中釋名嬾雲旋入中峯後入金華歸滇卒勝朝徇節錄稱其徇乙酉之難追諡忠節誤

先生編年詩起是年有大行哀詩一首感事詩六

首 徐譜按感事詩云日角膺符早天枝主鬯臨安危宗社計擁立大臣心謂南都擁立福王之事

其年四月乙酉魏國公徐宏基等迎福王於江浦丁亥百官迎見王素服角帶哭五月庚寅王行告天禮升殿徐宏基跪進監國之寶王受訖大赦戊戌羣臣勸進箋三上王許之王寅卽皇帝位改元宏光先生詩所謂告天傳玉冊哭廟見諸侯詔令屯雷動恩波解澤流也詩又云上宰承王命專征指大江出關收漢卒分陝寄周邦又云登壇推大將國士定無雙謂史可法以東閣大學士督師揚

顧譜

七

州又云聽律音非吉焚旗火乍紅自注云六月壬午督師標下兵與浙江兵鬪於鎮江西門外焚民居數百家標下兵者先生聖安皇帝本紀所云標下總兵官于永綏等兵也

二年乙酉南都宏光元年三十三歲

五月初九日

王師渡江初十日夜宏光帝出走十五日

王師入南都明亡

元譜

春膺楊永言之薦至京口 四月偕從叔父穆庵赴

南京

元譜謙案崑新合志穆庵名蘭服字國馨紹芳從子以諸生入太學才名著一時明亡後棄儒

業永麻稱號南中遣使授冠帶辭疾不赴遁跡田野以醫濟人先生餘集有從叔父穆庵府君行狀寓

朝天官因拜先兵部侍郎公祠

元譜謙案詩集誤編拜祠詩入辛卯年穆

案此年拜祠事有金陵襍詩記得尙書巷一首足證辛卯年再至金陵而再拜之何云誤也

拜祠

畢卽歸語濂涇

八字穆臆補

是年貞孝年六十五月朔同

邑歸莊嘉定吳其沆及從叔父穆庵姊子徐履忱持

觴登堂爲母壽退而飲至夜半旦日別去

徐譜事見吳同初行

狀

穆案行狀貞孝誕辰爲六月二十六日而稱觴乃在五月朔者蓋卽生日不受賀之義先生所終身

秉承者也其沆字同初少先生七歲履忱字孚若先生伯姊之子生於崇禎二年時年十七與健庵爲再

從兄

弟 將復詣闕未旬日而南都陷先生從軍至蘇州

元譜

徐譜時

大清兵已定江浙大軍駐金陵一軍駐蘇一軍駐杭一軍駐沿海吳松等處有明江南

顧譜

丈

總兵吳志葵者吏部主事夏允彝門人也頓兵海上

又有十將官者屯兵陳湖中與湖旁諸生陸世鑰等各

有衆千餘閏六月十日明兵科給事中陳子龍舉人徐孚遠章簡聞南都不守起兵松江與陳湖兵合

允彝又入志葵軍爲之馳書檄聯絡士大夫華亭則總督兵部侍郎沈猶龍下江監軍道荆本徹中書舍

人李待問嘉定則左通政司侯峒曾進士黃淳耀總兵蔣若來崑山則鄖陽撫臺僉都御史王永祚編修

朱天麟吳江則職方吳易總兵王蜚太倉則總兵張士儀宜興則行人盧象觀等互爲聲援先生與楊永

言吳其沆歸莊皆佐王永祚軍諸軍謀以松江兵攻杭嘉定太倉兵攻沿海宜興兵趨南京約伏艦江中

獨吳志葵先進向蘇州俟蘇州捷音至尅日同發先生詩云千里吳封大三州震澤通戈矛連海外文檄

動江東卽赴吳時事也志葵旣薄蘇州參將魯之瑛以三百人先登斬胥門而入 大清兵匿騎於學官

俟其退擊之殲焉旣而松江破陳子龍走嘉定陷侯峒會死先生遂歸而崑山兵起死者四萬人吳其沆

與焉楊永言遁之蘭谿

六月仍歸語濂涇

元譜按先生餘集有

惟先生與歸莊得脫
云吳中諸縣並起義兵自守而余以母在獨屏居水
鄉不出自六月至於閏月無夜不與陳君露坐水邊
樹下仰視月食遙聞火礮云云是崑邑
守城事先生一不與謀故後得免於難
閏六月十

五日崑山士民閉城拒守

元譜先是五月初七日以後居民聞王師已入南都

紛紛移遁四鄉而張浦菴葭安亭諸村鎮奸民乘機
劫掠縣令楊永言以二十二日盡放獄囚至月杪郡
中大吏及守令皆先期遁六月初七日豫親王方駐
金陵遣刑部侍郎李延齡巡撫土國寶統兵蒞蘇新
郡守王鎮發安民榜至崑並取圖籍永言棄印潛逃
於泗橋陳宏勳家水利縣丞閻茂才偕邑紳耆老於
初八日赴胥門納款十二日院遣郡人周荃來崑安
撫十八日以茂才知縣事閏六月十一日薙髮令下
十三日茂才出示薙髮且親持名刺謁緝紳城中大
譁焚縣治殺茂才十五日貢生陳大任等議推舊狼

顧譜

九

山總兵王佐才為主帥十七日楊永言及陳宏勳等
亦以所募兵數百人入城永言遂為監紀仍知縣事
偕城中紳士裹糧移檄為久守計七月初二日王
師東下越二日縣西真義村兵出迎戰敗績初五日
黎明王
師渡濠 十六日丙申月食既星流竟夕
元譜見日知錄星隕
如雨注而系以甲申年閏六月
按甲申無閏當是記憶偶誤耳

明靖虜伯鄭鴻逵戶部主事蘇觀生奉唐王聿鍵如閩

黃道周張肯堂等奉聿鍵稱監國六月丁未卽位於福

州改元隆武

元譜

魯王以海亦稱監國於紹興

徐譜

七月初六日巳刻

王師下崑山城

元譜

先生生母何

太孺人被游騎斫右臂折弟子叟子武並遭難子叟

妻朱氏引刀自刺其喉僵卧瓦礫中得免

穆補園集舅母

朱大孺人壽序歲在乙酉 王師南下眾議登陴守禦紛紛挈家避去何夫人曰老嫠婦必死於此子叟子武兩舅與舅母俱不敢去未幾城破兩舅並遭難舅母朱夫人知事急引刀刺其喉氣息纔屬僵卧瓦礫中死者纍纍何夫人守婦尸不去俄游騎過斫何夫人右臂損折久之朱夫人得甦起覓其姑悲不自勝手裂舊襦為姑裹纏重傷復自塞其頸相抱匿廡下破屋以免越日扶掖登舟出城外外祖母嘗稱曰孝婦孝

越九日 王師復下常熟貞孝於十四日聞

變卽絕食至三十日乃終遺命先生勿更出仕

元譜穆

案先生撰先妣行狀七月乙卯崑山陷癸亥常熟陷吾母聞之遂不食絕粒者十有五日至己卯晦而吾母卒八月庚辰朔大斂又明日而兵至矣遺言曰我雖婦人身受國恩與國俱亡義也汝無為異國臣子

顧譜

辛

無負世世國恩無忘先祖遺訓則吾可以瞑於地下 穆案元譜九日作二日以行狀乙卯至癸亥推之知二字誤十四日作二十四日以行狀癸亥至己卯推之知二字衍也

唐王遙授先生兵部職方司主事

元譜

九月至嘉定

過吳其沆家

徐譜據同初行狀先生凡三過其居戊子年寄薛棗詩云只有延陵心尙挂姑蘇樹亦謂其沆也

十二月十九日權厝貞孝柩於司馬塋

東偏

元譜

是年詩有京口卽事二首

徐譜案是年史可法駐揚州高傑移屯瓜州宏

光命可法諭四鎮厲兵秣馬駐防河淮克期進師可法檄諸鎮出兵高傑首奉命渡泗水所部王之綱前驅薄睢陽可法進次河上先生京口卽事詩云白羽出揚州黃旗下石頭又云大將臨江日中

原望捷時皆

是年正月事 京闕篇一首金陵雜詩四首

徐譜先

雜詩云重聞百五日遙祭十三陵謂是年三月癸巳遙祭諸陵也又正殿虛椒寢一首蓋謂宏光自去年命選淑女至此年四月又選於元輝殿規諷之意深矣 千里一首 元譜各詩皆五

月以前作

秋山二首表哀詩一首奉先妣彙葬詩一首

是年作軍制論形勢論田功論錢法論

三年丙戌三十四歲

三月唐王督師黃道周舉兵至徽州戰敗被執不屈死

唐王將入贛州鄭芝龍使軍民遮留不得行乃駐於延

平十月明兩江總督丁魁楚廣西巡撫瞿式耜等立桂

顧譜

三

王於肇慶府以明年為永厯元年

徐譜

十一月

王師下

建甯延平等府唐王走汀州執而殺之

元譜

明大學士蘇

觀生又立唐王弟聿錞於廣州改元紹武十二月 王

師入廣州殺聿錞

徐譜

五月先生祖庶母黃氏卒 十月十二日命家人趙

和等遷居

元譜未詳 遷居何地

將往閩中赴職方之召以母

喪未葬不果行

元譜

是年詩有延平使至一首海上四首不去三首

穆案

池北偶談有論落日江頭送

伍員員字用韻有據一條

老鶴萬里心一首

作吳同初行狀

四年丁亥三十五歲

秋至海上 十月十日命家人趙和迎祖庶母黃氏

柩葬於司馬公域外之西偏

元譜 穆案先生蒼王山史書先祖有二妾炎

武所逮事其七也葬之域外

二十日亥時葬貞孝王太安人於賜

塋東仲逢府君之兆

元譜案少司馬葬時用歲丁亥月辛亥日丁亥時辛亥貞孝之

葬千支

二十一日具弔奠禮

十二月二十一日移

家語濂涇先生廬墓

元譜

送歸莊往吳興

徐譜元恭時赴吳興

覓兄德清教諭繼登骨

哀執友松江陳太僕子龍同邑顧推官

顧譜

主

咸正吳縣楊主事廷樞及推官二子天遶天達先後

死難各以詩弔之

元譜子龍字卧子青浦人崇禎丁丑進士兵科給事中受魯王邵院

職銜與松江提督吳勝兆通謀是年夏勝兆反事泄

遶子龍并逮藏匿子龍之嘉定侯岐曾及同邑顧天

正字端木天啟甲子舉人咸安府推官丙戌四月自

關中歸知弟錢塘令咸建舉人咸受先已徇節聞唐

王立於閩州密疏附寄舟山黃斌卿屬其轉達為邏

卒所獲以告提督吳勝兆勝兆祕之及是年六月勝

兆反密疏遂發逮至金陵為洪承疇所殺後二子之

死僅一月廷樞字維斗崇禎庚午南京解元福王時

薦授兵部主事兼監察御史馬阮當國抑不能用罷

歸至是年四月遁居山陽當事搜索得之絕食五日

不死作絕命詞十二首裂衣帛血書之終以不屈被

殺於蘆

墟村中

是年詩有贈顧推官一首

徐譜案張秉貞之挾潞王出降顧咸建棄官去

追及之於吳江閏六月朔殺之詩中臬卿血云云蓋述此事又先生之從軍於吳咸正必同行故有句吳古下國難與秦風齊之句其後哭咸正詩曰及乎上郡還始結同盟契崎嶇戎馬間周旋止一歲所謂崎嶇周旋者即指從軍耳

大漢行義士行秦皇行各一首

墟里一首塞下曲二首海上行一首

徐譜詩云大海天之東其

處有黃金之宮上界帝子居其中又云或言有巨魚身如十洲長幾化為龍不可當一旦失水愁旁皇蓋謂魯王之入海徒以海水為金湯舟楫為官殿終於淪亡也又云但見鯨魚出沒鑿齒磨牙先生知鄭芝龍之負恩喪國其子成功始則附閩繼則附粵終不為魯王用而舟山非可以圖存故又云東浮大海難復難不如歸去持魚竿以明決不宜往之意神道表以為幾豫吳勝兆之禍欲赴海

顧譜

三

上道梗不前者似未知先生之意也穆案據元譜則先生實曾至海上謝山云道梗不前仍非實錄但詩編於塞下曲後塞下曲云即今三月鶯花滿此詩當作于春末夏初時尙未赴海上耳明年戊子將遠行詩云去秋闕東

哭楊主事一首推官二

子被執一首淄川行一首

元譜為孫之獬作也之獬淄川人天啟壬戌進

士媚奄得官侍講名在逆案中入國朝為禮部侍郎順治二年六月升兵部尙書總督軍務招撫江西後乞歸里中是年九月土賊丁可澤句引叛賊謝遷等陷淄川擒之獬支解死結云取汝一頭謝元元當由之

哭顧推官一首

徐譜咸正至江寧總督洪承疇問曰

汝知史可法在乎不在乎咸正荅曰汝知洪承疇死乎不死乎洪默然遂殺之詩云檻車赴白門忠孝詞色厲竟作戎首論

哭陳太僕一首奉先妣葬

卒踐捐生誓謂此也

於侍郎公墓左一首墓後結廬三楹一首精衛一

首吳興行一首

作王時沐墓志

五年戊子三十六歲

秋至湖上

元譜 徐譜案將遠行詩云去秋闕東溟今年泛五湖偶來詩云偶來湖上已三秋

蓋自秋迄冬泛五湖也

冬抵京口

是年語濂涇家中又被

劫

元譜

是年詩有越鳥巢南枝一首江介多悲風一首擬

唐人五言八韻六首

穆案六詩皆非泛擬乞師悲往事也擊筑投筆明素志也

顧譜

音

波瀟聞雞以不忘恢復望諸公也歸里則知時之不可為而倦飛思還也云擬唐人者曾膺唐王之

詔受其冠帶也

常熟縣耿侯水利書一首

元譜謙案常昭合志耿橋字蘭

錫獻縣進士萬厯三十二年以調繁至講求水利東浚橫浦橫溪李墓鹽鍊塘北浚福山塘西浚奚

浦三丈浦凡土田高低宜蓄宜泄尺寸不遺而其開浚之法區畫周至約束嚴明具載所著水利全

書其立說以水利用湖不用江尤不易之論

穆案耿侯水利書郡國利病書采之頗備 偶來

一首浯溪碑歌一首僻開封案一首

元譜謙案略見人心錄僻

名家亂後歸釋謂去冠故去山去髮故去人因姓米氏自號米堆山

將遠行一首京

口一首

六年己丑三十七歲

春登靈巖山 清明封墓樹 秋至吳江過八尺

納妾韓氏 元譜

是年詩有石射崩山一首

先生自注吳郡志靈巖山在城西三十里一名

石射崩山春半一首

元譜中有云洪州七月圍糧盡力亦殫指江西金聲桓事聲桓以去年戊子七月據南昌叛是年正月為官兵所破聲桓中二矢投水死仍磔屍示衆

首秋鷹一首八尺一首 懷人一尺一節然此八尺孤帆一

葉舟云云八尺二字似非地名所未詳也 桃花溪歌贈陳處士梅一首

穆案梅字鼎和餘集有常熟陳君墓志 瞿公子元銷將往桂林不得

達而歸一首 元譜元銷常熟人父式耜為廣西巡撫南都陷與丁魁楚等立承明王由

顧譜

五

榔於梧州式耜為文淵閣大學士留守桂林王師破桂林與總督張同儼俱被難

七年庚寅三十八歲

正月五日韓氏生子林元名之曰詒穀

元譜謙案崑山張元賡著

卮言謂先生無子蓋天奄也殊誕

時怨家有欲傾陷之者乃變衣

冠偽作商賈游金壇登顧龍山

元譜山在縣南五里

再至鎮江

登北固樓已復往嘉興

是年詩有顧龍山高皇帝題詞一首

元譜元末丁酉十一月明

太祖駐蹕此山題詞云望東南隱隱神壇獨跨征車信步登山煙寺迂迂雲林鬱鬱風竹珊珊塵不染浮生九寰客中有僧舍三間他日偷閒花鳥娛情山水相關 重至京口一首

榜人曲二首流轉一首秀州一首

徐譜案流轉詩云云蓋先生自

乙酉以後展轉江浙之境於今五年至此乃欲北至中原故鈔書自序云炎武之游四方十有八年亦以此年為始也 穆案秀州詩云將從馬伏波田牧邊郡北蓋至此而北游之志決矣

八年辛卯三十九歲

至金陵初謁孝陵

元譜

拜侍郎公祠

穆案此句元譜本有車君刪去非也

辯見乙酉下

八月十四日至淮安與山陽王起田略徐

州萬年少壽祺定交

元譜文集有王起田墓志壽祺字年少壽祺庚午舉人工詩文

書畫又工寫美人他若琴棋刀劍百工技藝細而女紅刺繡粗而革工縫紉無不通曉風流豪宕傾動一時滄桑後罷公車僧冠僧服自名明志道人沙門慧壽痛飲食肉如故邳徐之亂移家公路浦著有隰西

顧譜

堂集抵清江浦

元譜

是年詩有恭謁孝陵一首

穆案郡國利病書孝陵在南都外城內鍾山之

陽懿文陵附於其側

拜先曾王父木主於朝天宮後祠中一

首贈萬舉人壽祺一首淮東一首

元譜為劉澤清作也澤清為福

王時四鎮之一開府淮東頗事聲色順治二年五月福王出走七月澤清率所部納降又三年戊子陰與曹縣叛寇通許以內應遂作亂陷曹縣十月英親王討平之詰其由知出澤清乃族誅之詩中云地下逢黃侯謂靖國公黃得功也得功先於乙酉六月 王師據江口時迎戰中流矢死 贈

八一首

九年壬辰四十歲

入郡城奠姊壻陳皇士之父文莊公祠

元譜文莊名仁錫字明卿

號芝臺天啟壬戌探花南京國子監祭酒福王時贈詹事諡文莊宏光元年子濟生濟楨奉詔建祠於卧龍街關廟之右濟生字皇士以廕歷官至太僕寺丞

穆案靜志居詩話皇士經亂歸田緝啟禎兩朝遺詩又命工傳寫明三百年來忠臣

義士像褒以為冊可稱好事矣至吳縣之橫山展拜

遠祖黃門公墓

元譜墓在橫山東越來溪上盧襄石湖志云墓上有一巨石橫卧可二丈

許石上古松如蓋湖上望見之卽知為野王墓也先生時尙如故

遇路舍人澤溥於

虎正

元譜舍人時攜家奉母寄居湖上徐譜按先生去歲贈萬壽祺詩云會待淮水平清秋發吳

榜又贈人詩云路旁多行人一南一以北南北遂分手去去焉所極蓋所送之人北行而先生仍南歸吳

故拜黃門墓而路澤溥詩亦云相逢金閨西也穆案先生有送書小帖云路安卿名澤濃曲周人故總

顧譜

毛

督皓月公之長子又廣師篇云險阻備嘗與時屈伸吾不如路安卿注互見詩下

自唐市仍

返千墩

至清江浦渡河抵王家營

是年六月弟

子巖得子洪慎

元譜作十九日謙案崑新合志洪慎字汝嘉試成均得州倅以親老辭歸

從父炎武卒於晉走三千里扶輿葬祖塋承遺命以子宏佐為炎武殤子詒穀後性愛客就所居西偏疏

泉壘石與故人嘯詠以終穆案據衍生元譜先生卒於曲沃從弟巖自崑山來偕衍生扶柩歸不云洪慎

也衍生又云以遺書致之立齋兩表兄及汝嘉從叔兄則洪慎時在都中未嘗至晉甚明當是志誤

父穆庵得子巖

元譜崑新合志巖字大雲好學工詩少游太學嘗作落花詩百首傳誦輦

下

先生有世僕陸恩叛投里豪葉方恒

元譜方恒字媚初崇

禎壬午舉人順治戊戌進士官至山東濟寧道僉事穆案順治戊戌進士履歷便覽葉方恒字敬默父

重華戊辰進士太常少卿望雲樓刻歸元恭與
葉媚初手札陸恩作陸欽後刻集仍改作陸恩

案鈔書自序年四十斐然欲有所作

徐譜

是年詩有同族兄存愉拜黃門公墓一首贈路舍

人澤溥一首

元譜澤溥父振飛字見白天啟乙丑進士涇陽知縣崇禎中屢遷至僉都

御史總督漕運巡撫淮揚北都陷福王立於南京河南副使呂弼周爲闖賊節度使來代振飛癸未進士涇陽武懷爲賊防禦使招撫徐沛振飛擊擒二人竿弼周於法場命軍士人射三矢乃解磔之縛懷徇諸市鞭入十檻車獻諸南朝伏誅故詩中云捨魁獻行朝逆黨皆戰慄又云天子呼恩官干戈對王使者唐王聿鍵會以罪劄守陵中官虐之振飛上疏槩寬罪宗得釋乙酉南京破聿鍵自立於福州越召振飛制書有朕有守困恩官路振飛云云旣至拜太子太保吏部尙書兼文淵閣大學

顧譜

天

士官一子職方員外郎又錄守淮功蔭錦衣世干戶順治三年王師攻克仙霞關聿鍵走汀州振飛追起不及汀州破走居海島明年將赴永明王乃以悲憤成疾而卒粵中賜諡文貞 清江

浦二首丈夫一首王家營一首傳聞三首

元譜是歲永明

王在肇慶李定國攻陷廣西王遣使召定國入衛蓋王爲其下孫可望所制間關奔竄故也

爲常熟楊子彝作祠堂記

元譜謙案汪琬楊顧兩先生傳云萬厯之季士

之爲文者喜倡新說畔違傳注彝與太倉顧夢麟力明先儒之說天下翕然從風稱楊顧學以歲貢爲松江訓導作興人材甚廣居五載擢知都昌縣以道阻弗克赴任明亡遂不出晚歲目盲猶令人讀書其側爲諸生講說無少倦年七十九卒

十年癸巳年四十一歲

三月魯王去監國號不知所終

徐譜

春至金陵二月再謁孝陵並謁太祖御容於靈谷寺

元譜謙案靈谷寺梁天監十三年為寶誌公建塔於鍾山玩珠峯前名開善精舍後為開善寺宋改名太平興國寺後名蔣山寺明初改寺於舊基之東五里而舊基遂為孝陵太祖帝后御容今攝山優曇庵中亦有摹本不知卽十月三謁孝陵并作圖 詒穀殤

更納戴氏

元譜謙案歸元恭集戲贈先生納姬詩云同心初縮在秦淮孤寄清江音問乖雖異

九秋婕妤怨已如一月太常齋占熊從此歡無既弋鴈何妨老自偕不待王郎去迎接西風今送入君懷自注謂寧人於金陵納姬置之清江浦至是姬得南歸云云今則不辨所納何氏以時事案之或是戴也

松案先生去年自王家營仍歸洞庭山是年有路舍

顧譜

无

人家詩路居於洞庭東山也由洞庭山至江寧復自

江寧歸吳贈楊永言詩序云今復來吳下感舊有贈

又贈郝將軍詩序云今為醫於吳之上津橋言及舊

事感而有贈贈劉教諭詩亦云栖遲十載五湖湄皆

在吳之蹟也

徐譜 穆案此段可補元譜二月後至九月之間

是年詩有路舍人家見東武四先厓一首

元譜舍人父文

貞公在閩時特請製新厓

再謁孝陵一首恭謁高皇帝御容一

首贈朱監紀四輔一首監紀示游粵詩一首贈鄔

處士繼思一首

徐譜先生此數年中往來無定而金陵揚州市井皆屢至故贈鄔繼

思詩云年年尋杜甫一過浣花
溪鄔賣藥揚州市先生頻過之
昔有一首楊明府

永言復來吳下一首送歸高士之淮上一首贈劉

教諭永錫一首

元譜案永錫字欽爾號贍庵魏縣人崇禎丙子舉人癸未謁選長洲

教諭邑令遂寧李實廉知其貧欲煩以吏事謝不應已署上海令事與妻子日食蔬粥居三月還長洲乙酉之變率妻栗氏及童僕二十餘人隱居相城大吏遣人說之永錫拔劍欲自裁乃止謂其妻曰彼再至我與若立自決矣皆裂尺帛握之會海上兵起乃罷永錫有女許字未嫁亂後恐詒父母憂絕粒而死其母哭之成疾亦死後大水乏食家童相繼死埋骨道旁永錫遣子臨與婦歸魏臨既歸思父不置假貸得百金欲馳以獻父星夜南下馬驚墮地被傷死初永錫長八九尺容貌甚偉至是毀形骨立見者哀之久之成疾漸劇一夕大呼烈皇帝者三遂卒時甲午秋也同時有齊丈人者

顧譜

三

撫其喪葬於閭門外半塘以妻女附之 穆案靜志居詩話永錫有洹水遺詩又曰洹水至性之士兵後隱居相城有大吏強之仕祖禡疾視曰我中原男子年二十渡漳河登大伾躍馬鳴鞘兩河豪傑誰不知我欲見辱邪取壁上所挂劍欲自到門下士抱持之得解旣而女妻相繼餓死子爲盜所傷亦死久之洹水歿其弟子徐晟陳 贈郝將軍太三島等經紀其喪葬之虎丘山塘

極一首孝陵圖一首十廟一首

元譜謙案洪武二年立十廟於雞鳴

山又增功臣廟祀徐達以下二十一人爲十一後又增四廟今已半就圯廢

十一年甲午四十二歲

春至金陵卜居神烈山下

元譜 穆案神道表先生僑居神烈山下徧游沿江

一帶以觀舊都畿輔之勝

由儀真歷太平登采石磯東抵蕪湖

秋游燕子磯留宿僧院至冬始還元譜 是年長甥乾

學以選貢入成均穆據儻園集補 第三甥元文鄉試中式

舉人元譜

先生此數年未歸崑山觀松江別友人詩言十載違

鄉縣三年旅舊都可知矣徐譜

是年詩有金山一首僑居神烈山下一首古隱士

二首真州一首太平一首噪磯一首元譜磯在蕪湖江上

一首久留燕子磯院中一首徐譜詩云寄食清江院從秋又涉冬蓋冬

盡又歸神烈僑居故明年元旦得在陵下 范文正公祠一首錢生蕭潤

顧譜

至

之父出示所輯方書一首元譜蕭潤字楚日無錫人著有南忠錄諸書

十二年乙未四十三歲

二月初五日午刻江南地震六月初八日地又震元譜

元旦四謁孝陵穆補 春自金陵還崑山 五月十三

日擒叛奴陸恩數其罪沈諸水叛黨復投葉氏訟之

官移獄松江元譜 先生贈路光祿詩序云先是有

叛而投里豪余持之急乃欲陷余重案余聞亟擒之

數其罪沈諸水其壻復投豪訟之郡行千金求殺余

余既待訊法當囚繫乃不之獄曹而繫諸豪奴之家

論豪計不行而余有戒心乃浩然有山東之行矣

神道表獄日急有為先生求救於某公者某欲先生

自稱門下而後許之其人知先生必不可而懼失某公之援也乃自書一刺與之先生聞之急索刺還不得列揭於通衢以自白某公亦笑曰寧人之卜也曲周路舍人識兵備使者乃為愬之始得移訊松江而事解 穆案為先生求救者歸高士元恭某公者謂錢謙益也 謙案歸元恭集與葉唱初書弟到郡時知寧人兄窘於事勢將有不測輿論亦多以兄為已甚故弟語稍激切然論其究竟愛寧人亦所以愛兄也已而崑老輩委曲相勸兄亦動惻隱之心要於兄之自為計亦大便而弟輩則羣而誦兄之高義昨在西郊文初子佩諸君及二三遠方友人問及弟公言於眾曰此事誤在顧而葉能不終訟可謂仁人君子人皆服兄為有量及歸寓忽聞有變局為之大驚兄嘗謂寧人城府深密機械滿腹兄前已諾和議而忽出取難之題目迫之以必不能從之事是名雖日和實欲戰也兄豈亦有城府機械邪崑老極和平之人亦以兄為太甚今將去矣弟亦即日同國馨去矣但思兄若不冒就和即和而必欲云云寧人計無復之

顧譜

三

必自經溝瀆無疑也陸思人奴也尙不可殺而迫其主以取償寧人非尋常無聞之人又事無死法而一旦迫之致死於兄便乎不便乎寧人無親子弟料死後必無與申冤者即有兄自當有以待之固知殺寧人萬萬無害獨不畏清議乎寧人腹笥之富文筆之妙非弟一人之私言即灌老諸公皆擊節稱賞四方之士見其詩古文者往往咨嗟愛慕兄能殺寧人之身能并其生平之著述而滅之乎使天下後世讀其詩古文者以為如此文人而殺之者乃葉唱初也此名美乎不美乎自古文人之受禍者如子蘭殺屈原姚賈殺韓非後世讀離騷及三公子之書無不唾罵子蘭姚賈陳同甫為小人構陷入獄每讀其傳為之髮指皆裂以兄平日自待之高明何苦而為此事邪想兄之意以為寧人即死於牢獄死於桎梏不得謂媚初殺之吾誰欺當世士大夫有口亦可畏也凡此之言皆所謂愛寧人即以愛兄也云云核其語意松江之獄所由來歟 徐譜先生乙未年答原一公肅兩甥書云奴隸鴟張親朋瀾倒或有聞死灰之語流

涕而省韓安覽窮鳥之文撫心而明
趙壹終憑公論得脫危機謂此事也

是年詩有元旦陵下作一首歸生晟陳生芳績書

來荅之一首贈路光祿太平一首穆案錢飲光明末野史永厯紀

事上規模濶大好彷彿漢光武平時恩舊皆以南陽故人目之如路振飛遠隔三吳募能召至者賞銀五百兩給以六品京秩振飛至即日拜相官其子太平為卿又案餘集王國翰墓志稱太平嘗

奉桂王命徵兵於外至樂昌國翰往依之訓王生仍一首永夜一首訓

陳生芳績一首穆案芳績字亮工常熟人處士鼎和之子先生避難語濂涇時與鼎

和比鄰亮工時猶少也著有歷代地理沿革表四十七卷道光十三年其鄉人張觀察大鏞為刊行之贈路舍人一首錢行人邢寅一首

顧譜

重

十三年丙申四十四歲

春嶽解回崑山 三月本生母何太孺人卒 閏五

月至鍾山舊居嶽解後葉氏憾不釋遣刺客偵所往

至是追及於金陵太平門外擊之傷首遇救得免

是月初十日五謁孝陵 冬在鍾山度歲

元譜

是年詩有松江別張處士愨王處士焯諸友人一

首贈潘節士檉章一首檉章字力田吳江人稼堂之兄恭謁孝陵

一首王處士自松江來拜陵畢遂往蕪湖一首穆案

處士即下同游柵洪橋之王潢乙卯年閏五月十日詩有云更憶王符老飄零恨不同自注王徵君

黃昔日同詣孝陵行
香今年七十七矣
桃葉歌一首黃侍中祠一首

先生自注在南京三山門外柵洪橋謙案柵洪橋
祠今已無迹可尋城中金陵開之祠蓋續建也

王徵君潢具舟城西同楚二沙門小坐柵洪橋下

一首
謙案潢字元倬上元人父之藩慷慨好義潢能色養崇禎丙子舉於鄉先是戶部郎中倪

篤之薦於朝以賢良徵不就念世亂親老賦南陔詩以見志著有南陔集見江寧府志及上元縣志

穆案明詩絲引顧寧人論元倬詩云先生詩深以婉和而摯不失三百篇溫柔惇厚之旨

山一首賈倉部必選說易一首
穆案江寧府志儒林賈必選字徙南

上元人萬厯己酉舉入官戶部主事筦西新倉時巨璫總理兩部復遣其黨分伺六倉必選盡黜陋規無所染璫爲稍斂會同官倪篤之以屯豆下獄必選知其冤據事陳辨請九江幕俄遷桂林司理

顧譜

詩

升南工部虞衡司未任丁父艱歸卽杜門不出以
講學著書爲事卒年八十七著松蔭堂學易行世

旅中一首訓王處士九日見懷一首送張山人應

鼎還江陰一首
穆案道光二十年新修江陰縣志藝文門采先生此詩而應鼎之名

字翳如然則山人信能弁布荷衣鴻冥塵外者矣
和陳生芳績追痛兩尊

人之作二首

作方月斯詩序
謙案月斯佚其名穀城人明輔臣岳貢之子甲申後賣卜吳門夏節

愍完淳集有贈方穀城遺孤流落郡中詩先生序謂與方子訂交自單闕之歲今且六年矣余客鍾山而方子亦僑居雲間不數數見頃冬春之際余以仇家之訟至雲間逆旅中困不自聊而方子時相過慰藉與余周旋兩月因出其詩卅示余讀之云云以時事吹之當在是歲無疑

十四年丁酉四十五歲

元旦六謁孝陵

徐譜按元日詩云晨興自江上踰嶺走鍾山又云流轉雖不居咫尺猶天

顏蓋先生是時雖寓金陵而非神烈山之居矣

春自金陵仍返崑山避讎

將北游同人餞之歸元恭為文以贈其行

元譜序曰余與寧人

之交二十五年矣其他同學相與或二十年或十餘年蓋未嘗有經歲之別也今於寧人之北行也而不能無感慨焉寧人故世家崇禎之末祖父蠡源先生暨兄孝廉捐館一時喪荒賦徭蠲集以遺田入百畝與葉公子券價僅當田之半仍靳不與閱二載寧人請求無慮百次乃少畀之至十之六而逢國變公子者素倚其父與伯父之勢陵奪里中其產逼鄰寧人見顧氏世衰本蓄意吞之而寧人自母亡後絕迹居山中不出同人不平代為之請公子意弗善也適寧人之僕陸恩得罪於主公子鈎致之令誣寧人不軌

顧譜

壹

將興大獄以除顧氏事泄寧人率親友掩其僕執而箠之死其同謀者懼奔告公子公子挺身出與寧人訟執寧人囚諸奴家脇令自裁同人走叩憲副行提始出寧人比刑官以獄上寧人殺無罪奴擬城旦憲副與公子年家然心知是獄冤又知郡之官吏上下大小無非公子人者乃移獄雲間守坐寧人殺有罪奴擬杖而已公子忿怒遣刺客戕寧人寧人走金陵刺客及之太平門外擊之傷首墜驢會救得免而叛奴之黨受公子指糾數十人乘間切寧人家盡其屢世之傳以去寧人度與公子訟力不勝則浩然有遠行而同人之知寧人者攜尊榼送之酒半作而言曰寧人之出也其將為伍員之奔吳乎范雎之入秦乎吾輩所以望寧人者不在此夫宣尼大聖猶且遭魑畏匡文王之仁不殄厥愠寧人之學有本而樹立有素使窮年讀書山中誰復知寧人者今且登涉名山大川歷聘六國以廣其志而大其聲施焉知今日困厄非寧人行道於天下之發軔乎若曰怨仇是尋非賢人之志別離是非非良友之情於是同人咸曰善

請歌以壯其行而歸子爲之序至萊州與掖趙汝彥士完任子良唐

臣定交元譜士完字汝彥崇禎壬午舉人遭亂後棄家而南羈栖廢寺弟士冕官鎮江太守物色

得之強之歸士完故萊之巨族從兄士喆入復社有名同懷兄士元士亮士寬弟士冕並以才稱唐臣字

子良貢生弟虞臣亦以學問著**從唐臣假吳才老韻譜讀而校之**

過卽墨游勞山由青州至濟南與徐東癡夜張稷

若爾岐定交元譜東癡初名元善字長公慕嵇叔夜之爲人更名夜字東癡號嵇庵濟南新城人東髮能詩年二十九遭難母死遂棄諸生南游

江浙西游宛鄧歸遂不出舉博學鴻詞以老病辭爲文章原本經史王漁洋嘗索其稿但遜謝而已後往

江西渡潯陽稿盡沒於水漁洋爲撫拾遺詩二百餘首付之梓稷若名爾岐號蒿庵濟陽諸生先生與汪

鈍庵書云張君稷若所作儀禮鄭注句讀一書根本

顧譜

美

先儒立言簡當使朱子見之當不僅謝監獄之稱許也又與鈍庵論師道書云獨精三禮卓然經師吾不

如張稷若日知錄於喪禮停喪二條內備載稷若之說穆棻稷若生於萬厯四十年壬子長先生一歲

稷若歿先生以詩哭之云歷山東望正悽然忽報先生赴九泉寄去一書懸劍後貽來什襲絕韋前衡門

月冷巢鴛室墓道風枯宿艸田從此山東問三禮康成家法竟誰傳此詩亭林集不錄附見蒿庵集末

是年詩有元旦一首萊州一首安平君祠一首不

其山一首勞山歌一首徐譜按詩云春日會鼓聲逢逢則游勞山猶在春時

張饒州允掄山中彈琴一首穆案進士履歷便覽允掄字慈叔萊陽人

崇禎甲戌進士戶部主事丙子升員外丁丑升郎中戊寅升饒州知府徐譜此詩亦作於游勞山

時淮北大雨一首濟南一首秋柳一首訓徐處士

元善一首

徐譜夜亦有九日得顧寧人書約游黃山詩云故國千年恨他鄉九日心山陵

餘涕淚風雨罷登臨又以書勸先生為昌平承天之行則先生後此之謁天壽山處士政之也

作汝州知州錢君行狀

元譜公子大受字伯衡歲貢生官博興訓導以詩名

勞山圖志序

穆案池北偶談引先生勞山說注曰顧近寄所著日知錄內辯勞山三則

又與前說不同儀禮鄭注句讀序齊四王冢記

十五年戊戌四十六歲

春至泰安登泰山

元譜 穆案金石文字記岱岳觀造像下曰碑下為積土所壅予來

游數四最後募人發地二尺下而觀之乃得其全文又宋董元康題名下云右小石刻在岱岳觀余既錄唐碑往還數四道士謂子曰昨發地得二石請觀之云云據元譜先生凡至泰安者三記中云云未得其

顧譜

三

年謹志於初游旋赴兗州至曲阜謁孔林往鄒縣謁周公廟

孟廟過鄒平游張氏萬斛園

元譜故明兵部尚書張延登所居與邑

人馬宛斯驢訪碑郊外

穆補 金石文字記鄒平縣南五里有景相公墓景氏之

裔自洪武間有兩舉人今亦尚有諸生不能記其祖矣予至其邑有諸生二人來稱景氏之孫請問其祖為誰子取通鑒及五代史周世宗紀示之乃謝而去間一日往郊外視其墓碑雖剝落者十之一二而其日故中書侍郎平章事景公諱範字甚明白云云又謫觚云此僕在鄒平與邑人宛斯馬君名驢親訪其碑而錄之者 池北偶談馬驢字驄御一字宛斯順治己亥進士仕為淮安府推官終靈壁令生而清羸博雅者古尤精春秋左氏學著釋史一百六十篇篇為一卷始開闢原始迄古今人表其書最為精博時人稱為馬三代崑 抵章丘訪張隱君元明
元譜隱君名光啟世

山顧亭林尤服之

居章工白雲湖上少爲名諸生崇禎庚辰年四十遂
棄舉子業闢一園曰省園以種樹藝花自樂亂後足
不履城市年八十餘卒有張仲集詩
若干篇漁洋爲刪存百餘篇傳之
至長山主劉隱

君果庵家

元譜隱君名孔懷號果庵長山人精於考
覈先生主其家與之辯析疑義所著有四

書字徵詩經辯韻五經字徵
范文正公流寓長山攷諸書復至濟南元譜訪徐東癡

穆補案東癡有顧寧人見過艸堂得張元明手書詩
云江南有客來荒陂手持一緘兼致辭我聞整衣拜
且展中有故人書及詩云云再赴萊州之濰縣 入

都至薊州歷遵化玉田抵永平登孤竹山謁夷齊廟

是年先生從子熊登武科進士

元譜謙案崑新合
志熊字非熊又字

爾策性航文史不樂仕進嘗輯其先世自上
海遷崑宗譜簡覈有體爲從父炎武所稱

顧譜

彙

是年詩有登岱一首謁夫子廟一首七十二弟子

一首謁周公廟一首謁孟子廟一首萬斛園小集

一首仙隱祠二首濟南一首自笑一首訓韭溪草

堂聯句見懷一首濰縣一首衡王府一首督亢一

首京師一首薊州一首玉田道中一首永平一首

謁夷齊廟一首

十六年己亥四十七歲

出山海關返至永平之昌黎著營平二州史事六卷

元譜先生在永平適永平府志成
求先生作序因著此書作序應之

至昌平州初謁

天壽山

元譜 穆案昌平山水記天壽山在州北一十八里永樂五年七月皇后徐氏崩上命禮

部尚書趙玠等往擇地得吉壤於昌平縣東黃土山及車駕臨視封其山為天壽山以七年五月己卯作長陵自是列聖因之皆兆於長陵之左右而同為一域焉

出居庸關仍返山東

元 抵鄒平訂其縣志

穆據鄒平縣志補 施尙白縣志序是時比部張奉之請告家

居藏書多善本博采勤蒐進士馬宛斯討核詳實而吳門顧寧人自上谷來悉授以校之書遂成凡八卷順治歲次己亥九月督學使者施閏章書尙白宣城人號愚山晚號矩齋順治己丑進士由江西參議召試鴻博授侍講 奉之名萬選 逕長清訪碑靈巖山寺 穆補 金石

寺宋李迪詩下云右小石刻在長清縣靈巖山寺中其山距府九十里自前代稱為勝境宋金元人題字取多余至則當兵火之後從橫偃蹇路委之荆棘瓦礫之中然猶得唐一宋金元合四十餘以後不能悉數

顧譜

美

南歸次揚州旋復北上至天津度歲

徐譜案秋雨詩云秋雨合淮泗

一望無高深顧與冷詩序云余行三歲乃歸揚州而與冷卒又與江南諸子別詩云雲生岱北天多雨水決淮壩地有魚蓋秋雨之時先生正南下旋復北行至天津也 是年八月以雲南

平 特詔再行會試 補 甥 元文登進士一甲一名

元譜 穆案順治己亥進士履歷便覽徐元文榜姓陸庚子奉 旨復姓又立齋序歷代宅京記曰曩

者大廷對策謬荷先帝國士之知先生曷日必有體國經野之心而後可以登山臨水必有濟世安民之識而後可以 同里葉方藹一甲三名 徐譜方藹字子攷古論今 吉號訥庵穆案

訥庵方恒之胞弟也

是年詩有寄弟紆及友人江南三首山海關一首

望夫石一首昌黎一首三屯營一首恭謁十三陵

一首 穆案十三陵者成祖永樂長陵仁宗洪熙獻陵宣宗宣德景陵英宗正統裕陵憲宗成化

茂陵孝宗宏治泰陵武宗正德康陵世宗嘉靖永陵穆宗隆慶昭陵神宗萬厯定陵光宗泰昌慶陵

嘉宗天啟德陵凡十二陵 穆案昌合懷宗思陵為十三也 王太監墓一首 平山水

記大行皇帝攢官門外右為司禮 劉諫議祠一首

監太監王承恩墓以從死耐焉 自注在昌平舊縣今廢謙案諫議名黃字去華昌平人元時以昌平驛官宮禩奏請始為之立祠元

史泰定二年置諫議書 院於昌平縣者此也 居庸關二首重登靈巖一

首秋雨一首與江南諸子別一首天津一首舊滄

州一首

顧譜

作曳梯郎君祠記

十七年庚子四十八歲

二月至昌平再謁天壽山入都 六月仍赴山東

秋南歸過六合 穆案車君以過六合為明年由浙回蘇後事誤 抵金陵七謁

孝陵 元譜 徐譜神道表云既謁長陵念江南山水有未盡者復歸六謁孝陵作詩云問君何事三

千里春謁長陵秋孝陵是也 穆案 是年長甥乾學先生實七謁孝陵表云六謁誤

中式順天舉人 元 譜 女甥婿申穉舉南省鄉試弟一 據穆

檐園集補穉字叔旆號梅江吳縣人明大學士時行曾孫也先生又有姪女嫁太倉王吳弇州山人之裔也字維夏號碩園前明諸生善詩歌古文吳梅村歎

其才為天下無雙已未膺大科薦力疾入試報罷旋

卒 詔授中書顧張思雪亭筆記曰碩園娶
亭林姪女少受業於亭林故學有根柢云

先生是時寓居淮上案書吳潘二子事云潘子刻國

史攷異三卷寄余於淮上即謂是年也贈黃師正詩

揚州九月中煨芋試新酎又顧與冶詩序云冬余過

六合沈子遷出與冶詩一編皆先生此年南歸後行

蹤也

徐譜

是年詩有再謁天壽山陵一首送王文學麗正歸

新安一首

元譜自注生舊在金侍郎聲幕府案金正希聲於順治乙酉募鄉勇起義徽州

十月大兵破之徇難續錄

荅徐甥乾學一首白下一首重謁

顧譜

聖

孝陵一首贈林處士古度一首

元譜古度字茂之一字邗子福清人

時年已八十一亂後僑寓金陵著有茂之詩選

贈黃職方師正一首

元譜自注

建陽人案職方生平無攷釋詩意當亦受唐王職既敗而遁於金陵者

作顧與冶詩序

元譜謙案與冶字夢游江寧貢生河南副使璉之曾孫當選官棄去

王俾今世說述其軼事頗詳

穆案車君以與冶詩序為明年辛丑作案云此過六合作顧詩序一

則元譜未載今攷車君蓋誤以歸次揚州為今年事故誤以序中明年字屬之辛丑也

十八年辛丑四十九歲

是年為明桂王永祿十五年七月緬酋殺由榔從官十

二月獻由榔於

大軍明年四月殺於雲南

徐譜

回蘇至杭州渡江謁禹陵弔宋六陵 閏七月仍返

山東 十二月立春日輯山東攷古錄成 元譜 穆 案四庫書

提要存目載此書云王士禛居易錄記炎武嘗預修
山東通志或是時所遺稿本未可知也案居易錄明
言通志修於癸丑是為

康熙十二年也提要誤 是年申穉成進士 穆補 穉由內

閣中書改禮部主事進郎 中出為廣西提學僉事

是年適越往來皆由吳江之江村書潘吳二子事云

余往越州兩至其廬蓋至吳江卽訪潘力田也 徐 譜

是年詩有杭州二首 元譜指潞王 監國時事 禹陵一首宋六

陵一首顏神山中見橋一首 元譜山在益都 瀚案今為博山縣 許

顧譜

聖

為餘姚呂裁之章成作呂氏千字文序 元譜謙案 餘姚縣志

章成字裁之號秋崖大學士本曾孫與陳函輝張
明弼楊體元為意氣交函輝從事紹興薦章成為
翰林待詔章成曰悍將驕兵日事寇抄越城中顛
躓狼狽救死不遑豈復可為之日邪卒辭不赴函
輝死章成走哭於台州意有所觸則惘惘獨行欲
得異人而友之訪戴易於鄧尉遇顧炎武於昌平
山慷慨賦詩歷吳齊燕粵無所遇乃歸名其藏書
之室曰蓼園曰予集於蓼誰謂茶苦者病中自燬
其著述曰此無用之虛談也所存有浴日樓集八
卷秋崖詞據志載識先生於昌平山先生自己亥
庚子壬寅甲辰己酉丁巳先後凡六至昌平
此作序時已再至當是與章成相遇後矣

康熙元年壬寅五十歲

正月由山東入都 三月至昌平三謁天壽山十九

日謁懷宗橫官

元譜

昌平山水記大行皇帝御宇之日未卜山陵田妃薨葬悼陵之下

南距西山口一里餘遣工部右侍郎陳必謙等營建未畢而都城失守賊以大行皇帝大行皇后周氏梓官至昌平州之士民率錢募夫葬之田妃墓內移田妃於右帝居中后居左以田妃之椁為帝椁斬蓬藿而封之後乃建碑亭各一座門三道殿三間無陛兩廡各三間有周垣而規制狹小昔宋之南渡會稽諸陵皆曰橫官實陵而名不以陵春秋之法君弑賊不討不書葬實葬而名未葬今之言陵者名也未葬者實也實未葬而名葬臣子之義所不敢出也故從其實而書之也

出古北口往薊

州仍至昌平

五月二十八日先生誕辰有致饋者

作書辭之

至真定之新樂

元譜曰知錄木刀溝條自注余過新樂林君華

皖見示所修縣志云云穆棻順治十八年縉紳新樂知縣林華皖凝山福建莆田人拔貢

抵曲

顧譜

聖

陽謁北嶽恒山

元譜

穆棻金石文字記北嶽廟李

嶽廟中廟有唐時大碑五其上層為積土所蓋而余至時倉卒求梯不可得止就下方讀之云云

井陘

十月至大同之渾源州

度汾河至平陽府

元譜

是年公肅甥以江南奏銷案呈誤謫官鑾儀衛

經歷

穆棻有懷堂集補

是年詩有有事橫官時間緬國之報一首古北口

一首五十初度時在昌平一首

元譜曰知錄生日條下自注余昔年

薊門生日有致

餽者荅以書

北嶽廟一首井陘一首一鴈一首

徐譜先生之西征也以初冬就道故井陘詩云壑

冰當路白一鴈詩云一鴈渡汾河河邊積雪多也

堯廟一首

元譜案臨汾志堯陵在城東七十里有廟有金泰和二年碑記先生於日知錄

帝王陵條詳載諸說頗以臨汾志爲疑是時先生經游其地故有此作

有謁欖宮文郡國利病書序北嶽辨

二年癸卯五十一歲

正月自平陽登霍山

元譜謙案詩有春雪覆杉松句故知當在正月也 穆案金石

文字記霍山廟建文碑下云右小石刻在霍山中鎮廟西壁上余行天下見洪武永樂以來祭告岳瀆之文及宅碑記甚多獨未有建文年者乃此文雜於數十百碑之中而字畫完好無缺故亟錄之 游女

媧廟

元譜在趙城縣東八里

至太原訪傅處士青主

元譜傅名山字青主

初字青竹號齋廬別號公之宅陽曲人少受知於袁臨侯繼成崇禎中臨侯總督九江軍務爲巡按御史

顧譜

器

張孫振誣劾被逮山職納橐饋伏闕上書白其冤馬君常作義士傳比之裴瑜魏劭亂後爲道士褒以醫爲業工詩文書畫入逸品康熙己未召試博學鴻詞不應授中書舍人復不就 穆案臨侯於崇禎七年

由主客員外郎擢山西提學僉事巡按御史張孫振因請屬不應誣劾之其總督九江軍務則在崇禎十五年元譜敘述殊舛 又案青主生於萬厯三十四

年丙午長先生七歲潛工劄記老友山右傳青主先生顧寧人極稱其識字先生廣師篇云蕭然物外自得天機吾不如傳青主潘耒遂初堂集出太原郡城

東行可七八里有寺曰永祚雙塔巍然捐雲礙日見之四十里外浮浮若旌幢焉其下爲松莊傳隱君先生所居也 十七史商榷昔顧寧人宿傳青主家晨

未起青主呼曰汀芒矣寧人怪而問之青主笑曰子平日好談古音今何忽自昧之乎寧人亦不覺失笑

古音天呼若汀明呼若芒故青主以此戲之穆案天呼若汀雖本之陳第毛詩古音攷然實誤與先生之論音不合也青主一時戲言故先生亦不復置辯

至代州游五臺與富平李子因篤遇遂訂交

元譜李字天生

更字子德陝西富平籍山西洪洞人遂於經學著有受祺堂集康熙己未試鴻博授檢討以母老辭不許表三上乃允徐譜案先生於康熙己未與子德書云弟行年四十九是子德生於崇禎四年辛未少先生十八歲而先生作子德之父墓志云崇禎七年因篤方三歲三蓋四字之譌也穆案受祺堂集酬杜讓水詩注曹司農秋岳觀察大同陳使君祺公分藩鴈門予留此凡八年又王山史山志天生從陳祺公於塞上日事博綜九經諸史靡不淹通祺公視為畏友投契之深有同骨肉天生以是無內顧憂而益肆力於學及祺公備兵鴈平攜以入代復為具橐資游主組之英蓬華之彥俱與交歡傳青主顧寧人朱錫鬯輩尤以古道相砥厲陝西通志顧炎武嘗集杜句題贈因篤云文章來國士忠厚與鄉人鶴徵錄富孫案子德先生少孤外祖田時需撫之成立受業其門吾鄉曹倦翁觀察三晉先生以故人子相從因

顧譜

望

善代州馮觀察雲驥雅愛其風土人物居句注夏屋閒者十年穆案倦翁名溶字潔躬又字秋岳秀水人崇禎丁丑進士順治初由戶部侍郎出為廣東布政使左遷山西陽和道裁缺候用旋丁母憂歸不復出雲驥字訥生代州人順治乙未進士就大同教授官至四川提學僉事在汾州聞執友

吳赤溟炎潘力田樾章遭湖州莊氏私史之難遙祭

於旅舍

元譜先生書吳潘二子事云蘇之吳江有吳炎潘樾章二子皆高才當國變後年皆二

十以上並棄其諸生欲成一代史書以繼遷固之後會湖州莊氏難作莊名廷鑑目雙盲不甚通曉古今以史遷有左工失明乃著國語之說奮欲著書其居鄰故閣輔朱公國楨家朱公嘗取國事及公卿誌狀疏草命胥鈔錄凡數十秩未成書而卒廷鑑得之則招致賓客日夜編輯為明書書冗雜不足道也廷鑑死無子家貲可萬金其父允城流涕曰吾三子皆已析產獨仲子死無後吾哀其志當先刻其書而後為

之置嗣遂梓行之慕吳潘盛名引以為重列諸參閱姓名中書凡百餘秩頗有忌諱語本前人詆斥之詞未經刪削者莊氏既巨富浙人得其書往往持而恐嚇之得所欲以去歸安令吳之榮者以賊繫獄遇赦得出有吏教之買此書恐嚇莊氏莊氏欲應之或曰踵此而來盡子之財不足以給不如以一訟絕之遂謝之榮之榮告諸大吏大吏右莊氏不直之榮之榮入京師摘忌諱語密奏之四大臣大怒遣官至杭執莊生之父及其兄廷鉞及弟姪等并列名於書者十八人皆論死其刻書鬻書并知府推官之不發覺者亦坐之發廷鑑之墓焚其骨籍沒其家產所殺七十餘人而吳潘二子與其難方莊生作書時屬客延予一至其家子薄其人不學竟去以是不列名獲免於難 謙案潘力田與吳赤溟同艸朔明史以實錄為綱領凡志乘文集墓銘家傳有關史事者以類相從稽其異同核其虛實為國史攷異一書頗有稱許之者所著又有松陵文獻若干卷

由汾州歷聞喜縣之裴村拜晉公祠

顧譜

吳

徐 取道蒲州入潼關游西嶽太華過訪王山史宏撰

於華陰 元譜山史名宏撰字無異華陰人明諸生康熙戊午以鴻博徵不赴者學好古收藏法書

名畫金石最富居於華下有讀易廬撰易象圖述及山志砥齋集 穆案廣師云好學不倦篤於朋友吾

不如王山史先生又有送韻譜小帖手蹟云王無異名宏撰一字文修號山史住華陰縣西嶽廟南小堡

內故少司馬公之子 至西安 元譜 穆案長安詩關中聲氣之領袖也 云積雨乍開寒淒其

秋已半是先生以 游富平館李子德家 徐譜見寄

八月至西安也 又西至乾州 徐 十月過訪李處士中孚於盤屋

遂訂交 元譜處士名容字中孚盤屋人少孤力學經明行修事寡母彭尤以孝著康熙戊午以鴻

博徵不赴當事強迫之昇至近郊操刀欲自戕始得謝病歸 穆案處士生於天啟七年丁卯少先生十

四歲二曲集處士年譜云癸卯十月朔東吳顧寧人來訪寧人博物宏通上下古今靡不辨定既而歎曰堯舜之知而不徧物急先務也吾人當務之急原自有在若舍而不務惟驚精神於上下古今之間正昔人所謂拋却自家無盡藏沿門託鉢效貧兒也寧人為之憮然又廣師云堅苦力學無師而成吾不如李中

爭 往驪山訪明宗室存杠

元譜存杠字伯常朱子斗諠斗之子

存杠命

子烈及甥王太和受業

徐譜案先生後有寄伯常並二門人詩 穆案王山史山

志青門七子皆宗室之賢而篤於學者也各有詩文集卓然成家余所及與之游者子斗翁而已亂後數往省之翁亦喜余嘗對人有松柏之譽翁子伯嘗存杠年長於余以翁與余善而待余以執友之禮甚恭然余固尊事翁不敢以鴈行進也嘗與顧亭林言及亭林入青門特訪其家時翁已歿見伯嘗索翁著作讀之以爲之序今伯嘗亦歿其子孫冒楊氏蓋從翁之母姓也 出關至太原

元譜

顧譜

畢

先生荅汪茗文書云年過五十乃知不學禮無以立之旨又與人書云某自五十以後篤志經史其於音學深有所得今爲五書以續三百篇以來久絕之傳而別著日知錄上篇經術中篇治道下篇博聞共三十餘卷

徐譜茗文號鈍翁長洲人順治乙未進士由主事召試鴻博授編修著有堯峯詩文鈔

穆案茗文生於天啟四年甲子少先生十一歲

是年詩有元旦一首霍山一首女媧廟一首晉王

府一首贈傅處士山一首訓傅處士一首陸來復

述代許曦艸疏攻鄭鄴事一首詠史一首李克用

墓一首五臺山一首訓李處士因篤一首送申公

子涵光一首

穆案送韻譜小帖云申冕盟名涵光永年人太僕公之長子今庶常隨叔

之兄也太僕公甲申殉國難案太僕公名佳允謚節愍隨叔名涵盼順治辛丑進士冕孟著有聰山集

訓史庶常可程一首

元譜可程字赤豹大興籍祥符人崇禎癸未進士閣

部可法同祖弟京師留可程降賊賊敗南歸可法請置之理福王以可法故令養母可程遂寓南京

後寓宜興閱四十年乃卒穆案睿親王致可法書所云入關破賊識介弟於清班者謂可程也

祭吳潘二節士一首寄節士之弟耒一首

元譜耒字次耕

號稼堂康熙己未以布衣試鴻博授檢討受業於先生又得王錫闡及兄程章之傳凡詩古文厯算

聲音之學罔不窮極根源著有遂初堂集穆王案次耕生於順治三年丙戌少先生三十三歲

顧譜

吳

官谷一首蒲州西門外鐵牛一首潼關一首華山

一首驪山行一首長安一首乾陵一首將去關中

別中尉存杠於慈恩寺塔下一首

作五臺山記裴村記復庵記貞烈堂記朱子斗詩

序

穆案靜志居詩話誼斗秦愍王九世孫有集才情橫溢極爲富平李孔德所稱覽其祀竈干一

百二十字雖未悉工而浩泚不可及也

三年甲辰五十二歲

正月五日至蒲州之滎河游后土祠適汾州

元譜穆案金

石文字記今汾陽有大相小相二村相里氏之後尙有數十家因攷北齊寺碑題名多相里氏至今干有

餘年而裔孫猶居於此不獨晉俗淳樸而山谷之險
猶足以自保故能累代不遷若山東河南則兵火之
餘人民散亡欲求元時
遺族已寥寥不可見矣
自大同至西口入都 七

月至昌平四謁天壽山奠懷宗櫬宮 至河南輝縣

訪孫夏峯先生

元譜 穆案先生丙午年送韻譜小帖云孫徵君名奇逢字啟泰容城人

今住輝縣萬厯庚子舉人今年八十三河北學者之
宗師也 元譜夏峯先生年十七領鄉薦嘗參高陽
孫承宗督師關門軍事與左忠毅魏忠節周忠介相
善天啟末三公忤逆奄相繼逮繫先生拮据調護供
橐饋遺弟奇彥同鹿監軍善繼子馳書督師求援督
師因上疏以邊事請陛見都門喧傳與兵至闕逆奄
聞之繞御牀泣督師方抵通州降旨勒回諸公遂不
免崇禎丙子容城被圍設方略拒守城賴以全事聞
特詔褒嘉寇氛漸逼移家五峯順治初復移家輝縣
之夏峯生平讀書談道務爲聖賢之學兩朝徵聘凡

顧譜

晃

十一次輒堅謝不出康
熙十四年卒年九十二 返至泰安州度歲

元譜

是年詩有后土祠一首龍門一首自大同至西口

四首有事櫬宮一首贈孫徵君一首

有謁櫬宮文

四年乙巳五十三歲

由泰安至德州復回濟南置田舍於章丘之大桑家

莊 元譜先是章丘人謝長吉世泰負先生貲若干至是以田產償焉謙案靜志居詩話謂先生兵後盡

鬻其產寄居章丘別治田舍久而爲土人攘奪者此也又先生甲寅年有刈禾長白山下詩案長白山在章丘長山二縣之交刈禾處卽桑家莊產業也

秋至曲阜再謁孔林游闕

里元譜與顏修來光敏訂交穆據手蹟補札見丙午修來一字遜甫曲阜人康

熙丁未進士官吏部考工司郎中著有樂圖集

是年詩有訓程工部先貞一首

元譜先貞字正夫德州人明工部侍郎

紹孫以祖廕歷官工部員外郎濟南府志工部告病歸家居二十年以扶風教崇簡樸相勗勉里中節義之事搜采成秩年六十七豫製一棺題曰休息庵所著有燕山游稿蕙庵詩艸若干卷 穆案復社姓氏先貞名列德州弟一

有與修來手札云詩本音二冊送上中有駁正者乃衛太史筆也此書未定不必鈔錄只將坊刻詩經一本圈注其不合及太瑣碎者置之可也更乞教正為荷底事一有信即求示之穆案此札以丙午札推之知當在此年蓋與修來初識面時也衛太史名既齊字爾錫猗氏人康熙甲辰進士 又

顧譜

手

案手蹟向藏修來先生家頃歸湖北荆宜施道陶君樸所穆於戊戌春獲觀錄副存之後凡言手蹟及手札者皆同

五年丙午五十四歲

春由大桑家莊過兗州

穆據手蹟補

至廣平之曲周 游

太原時秀水朱錫鬯彝尊客晉藩署過訪先生於東

郊因與訂交

元譜謙案彝尊字錫鬯號竹垞以布衣試鴻博授簡討徐譜案竹垞年譜康熙四年秋至太原五年春客山西布政王公顯祚幕

其年二月游晉祠三月游風峪先生贈詩言殊域送良辰又云艸沒青驄晚霜浮白墮春則相見必於春也 穆案竹垞生於崇禎二年己巳少先生十六歲廣師云文章爾雅宅心 南海屈大均亦自關中來會和厚吾不如朱錫鬯

元譜曝書亭集注屈五少爲番禺諸生名紹隆謙素
屈字介子一字翁山爲僧名今種字靈一後加冠巾
池北偶談屈介子適秦隴與秦中名士李因篤輩爲
友作華岳百韻固原守將某見而慕其才以甥女妻
之自固原攜妻至代州上谷再游京師下吳會自金
陵歸粵 徐譜健庵有懷舅氏詩云自別維亭二載
餘風塵驅走近何如健庵曾游太原 出雁門 元譜
疑是時與先生相遇也維亭俟考 案重至代州詩云雁門春艸碧
且復過滹沱蓋在三月杪也 適應州 重過大同

遇故代府中尉俊晰訪李子德於代州牧陳祺公上

年署

元譜上年字祺公清苑人順治己丑進士

與子德輩二十餘人勸貲

墾荒於雁門之北

元譜案先生與潘次耕書有云近稍貨貲本於雁門之北五臺之東

應募墾荒闢草萊披荆榛而立室廬又云彼地有水而不能用當事遣人到南方求能造水車水碾水磨

顧譜

至

之人與夫能出貲以耕者又云北方開山之利過於墾荒畜牧之獲饒於耕耨云云 穆案據王山史山志則子德卽 入京師復往山東游泰山謁天慶宮 以是年返秦

十月著韻補正成

至兗州守署度歲

元譜穆案兗州志

此年知府爲彭繩祖貢生黃安人

是年公肅甥復原官未任以父

憂歸

穆據有懷堂集補

是年詩有寄劉處士大來一首

元譜處士無攷玩詩中云云蓋山左

人而嘗客代州牧幕者

朱處士彝尊過余於太原東郊一首

屈山人自關中至一首重過代州贈李處士一首

出雁門關一首應州二首重至大同一首

元譜日知錄九

族一條自注余丁未歲在大同過代州中尉俊晰年近五十攷其世次於孝宗爲昆季云云案先生游代州在丙午年丁未則未嘗至代編年詩集系此詩於丙午原自符合或日知錄誤寫作丁未耳
得伯常中尉書却寄一首

作聖慈天慶宮記韻補正序

是年先生有寄顏修來手蹟云去秋得接光塵恨首路匆匆未獲信宿之留以聆微言而商大業至於四方同人遙相問訊無不仰贊宏才以爲今代復有知之姿庶幾之品也仲春偶過兗署未得親詣闕里再待雅譚專俾齋所刻韻譜呈正大方至前日所留詩本音稿係未改定之書其中有舛誤者拈寫二條附上閱過粘卷內付還它日當攜全書奉觀更求指誨耳率爾未盡 徐譜以此札系之四年乙巳去秋得接光塵下附案云前札云卽過兗州又云諸容面悉必修來於去秋自關中

顧譜

五

歸究與先生晤也穆案先生以韻譜寄人是一時事據送書小帖云孫徵君今年八十三知必是丙午云去秋得接光塵者先生於乙巳秋謁孔林游闕里與修來相晤也蓋前札雖云卽過兗郡而實於泰安度歲未卽踐言耳

又一通云捧讀大筆清新嫵逸逼似唐人所謂不意永嘉之末復聞正始之音者矣舊刻二冊乃五六年前作中有誤韻幸爲藏之河北關中書共六書馳上姓氏居址別開一紙煩照單分致

又一通云昨枉顧以主人不在率爾慢去殊深不安統俟文旄東過面頌并求惠示西征大作耳長路關山濁涇清渭干維珍重且起作書數千字恐使人來取匆匆遂不能詳

又一通云魯公書家廟碑多寶塔碑爭坐位帖俱在西安府學俗所謂碑洞者其所書郭敬之家廟碑在布政司內奉使蔡州題字并石刻像在同州感懷略碑在三原縣碑洞中石經及漢唐字但有

錢卽可買不必用官府惟各州縣古碑非官府不能致然多是唐碑惟郃陽曹全碑極佳其他若麟游之九成宮碑長武之虞恭公碑俱佳若多印得曹虞二碑各一幅見惠最感 穆案以上三札當在修來倣衰西征之時

又一通云弟以今六月至鴈門時李君天生自關中來言修來社翁在方伯署中不多會客初秋入都而徹鄉沈釋老亦自關中來交相推許計太華終南之勝二脩函谷之阻周秦漢唐之蹟並已收載之行笈矣山史兄揚王兩做門人並得一見否石珍社翁想閉戶著書卧遊五岳胸中當別具一工壑而鴻文大製日新富有則兩君固並驅中原矣弟頃至岱下俟主人之歸卽過宛郡先此奉候并問秦中諸子消息所留詩本音乞付下已大加刪改將以新本就正也諸容面悉不旣百一 穆案徐譜以此札系之三年甲辰以元譜證之蓋前札在春末此札在冬仲也所云六月至鴈門乃重

顧譜

畫

至大同時事所云楊王兩門人者據送韻譜小帖云楊伯常名謙故王孫也住西安府南入里大塔堡內大塔者慈恩寺塔也或駕在藩司署中則求於到日卽遣人致之又云共書六封各送韻譜一本伯常則二本故有七本案楊氏何以爲故王孫以字伯常及住大塔堡攷之蓋楊謙卽朱存杠鼎革後變其名氏也大塔卽前與存杠別處獨寄韻譜二本者存杠之子烈甥王太和皆受業於先生所謂楊王兩門人也沈繹老者沈荃字貞蕤號繹堂華亭人順治壬辰翰林 又案頃借得王山史山志有云伯嘗劬其子孫冒楊氏喜臆測之不爽也詳見癸卯下

又一通云大作清勁無一俗筆太華伊闕諸作爲集中第一思悲翁戰城南亦有白傳諷諭之遺意大雅之音將復起於今日矣敬服敬服元稿返上略商數字識以浮票未知有當否諸容晤悉 穆案此上二札當在西征旣還之後

又有不得其年與事者三通附載於此一通云仙舟一膳良裕積懷王程靡及不獲攀留信宿以罄願言猶為耿耿耳所寄書版乞付去俾家訓如命勘正容於秋仲入都面奉率此附候不悉又一通云昨出抵暮始歸承駕左顧失迓為罪家訓勘畢送上并用硃筆以便一覽即得幸為另鈔一本仍乞原

本見賜感感

又一通云弟纔至城中尙未拜呈老社翁須兩三日以未申二時過我則得晤矣大才何藉弟筆想未見刻啟耳附上一紙不盡

六年丁未五十五歲

春留究李署刪訂近儒名論甲集

穆補先生與修來手蹟云弟向日

錄有古今集論五十卷頃究李劉年翁延弟至署刪取其切於經學治術之要者付諸梓人名曰近儒名

顧譜

書

論甲集因此淹留尙有旬月如貴地友人家有鄴架之藏欲一就觀且得以晤言講習尤幸事也日下欲借唐荆川稗編第一套鈔錄幾首未知可轉覓否大小阮才名已達之當事如便中至郡可投一刺極相企慕也新詩并乞惠示以便奉揚休譽燭下艸此附啓不盡 穆案兗州府志同知表劉澤遠恩貢安化人康熙八年任所謂究李疑即其人八年或六年之謫或先題署後實任未能臆決也修來即以此年成進士足證編書為正二月閒事 徐譜大小阮才名者修來與叔伯珣俱有時名也穆案伯珣字季相明河間府知府允紹次子以陪祀特授壽州州同修復芍陂之利工詩古文著有祇芳園集 南歸

至山陽主王起田家 開雕音學五書於淮上張力

臣昭父子任校寫之役

元譜力臣山陽諸生號亟齋以賣書畫為生尤精六書之

學貧而耆古多集金石文字有昭陵六駿圖贊焦山陸鶴銘攷傳於世許翰案又有濟寧學官漢碑釋文

濟寧潘氏嘗刻之而所傳不廣
夫本說文正字體酌古今之間而手書之則張君昭
與其二子叶增叶箕又廣師云精心六書信而好古
吾不如張力臣 健庵有題張力臣小像七絕二首
其次章曰奇字揚雲未渺茫茂先家法在巾箱對君
轉復思元歎洒淚風前誦渭陽自注力臣方為舅氏
亭林校刻音學五書 受祺堂集有寄力臣詩曰一
代儒宗同所向仰須金石正皇初自注謂寧人先生
時所著書多屬君校刻 潛工劄記寧人著有字書
五種託力臣繕寫授梓力臣曾寄一樣本來果博且
精不可 及也 北行抵曲周拜路文貞公祠 入都從孫

思仁借得春秋纂例春秋權衡漢上易傳等書清苑

陳祺公資之薪水紙筆傳寫以歸

元譜詳見鈔書自序 穆案先生有

手札云弟爲一二相知所留似須秋杪方可行昨論
鈔書者能爲弟覓二人否又一通云弟以校讎之忙

顧譜

壹

不及親叩專經走送別有一函求投入理署令叔先
生并希致知己之言不敢忘惟努力讀書以庶幾無
負相期之意也二 東還主德州程工部正夫李刑
札疑皆在是時

部紫瀾家

元譜李名濤號述齋芮城令李霖瞻
浹弟康熙丙辰翰林官至刑部侍郎

是年詩有淮上別王生略一首

徐譜案王略因先
生之故以女妻潘

未是年未來至山陽成昏於王氏見稼堂撰亡妻
王孺人壙誌特先生別王略時稼堂尙未至淮上
耳 贈蕭文學企昭一首 穆案企昭字文超漢陽人
順治丁酉副榜貢生四庫
書存目收企昭性理譜五卷云其書大旨在於
伸程朱而闢陸王與熊賜履闕道錄所見同 拜

路文貞墓一首過程工部一首過蘇祿國王墓一

首

謙案蘇祿國在東洋海中地近淳泥閣婆自古
荒服之地不通中國相傳其國分爲東西峒三

王而以東王為導明永樂十五年三王並率其妻子來朝貢因並封為國王居二十七日三王辭歸其東王次德州卒於館遂留葬乃遣使封其長子為蘇祿國王十八年西王遣使入貢十九年東王母遣使貢大珠一重七兩有奇二十二年復入貢自後不復至 本朝雍正五年始通貢乾隆十九年請三年一貢奉 旨五年一貢由福建巡撫代題自廈門入境達京師

作音學五書序程正夫詩序

是年六月陳祺公重刻廣韻於淮上

王山史山志李子德嘗得

廣韻舊本顧亭林言之陳祺公託張力臣為鈔木淮陰此唐人所用之韻也 徐譜案潘稼堂重刻古本廣韻序云先師顧亭林先生深明音學實始表章此書刻之淮上然其所見乃內府刊本已經刪削者久而覺其書之不完作後序以志遺憾穆案先生蓋誤以宋陳彭年等重修廣韻為廣韻足

顧譜

美

本故疑此本已經刪削也稼堂竹垞亦同此見四庫總目提要辨之最覈

七年戊申五十六歲

春在都寓慈仁寺

徐譜慈仁寺在廣寧門大街額曰大報國慈仁寺 穆案受祺堂集

奉荅先生贈詩五十韻有云憶折前津柳同炊古寺

羹自注前年與先生同客慈仁寺子先別去按即此

年春事蓋子德既去之後先生始聞黃培獄事東行

也道光二十三年夏何太史紹基劾賞為先生建祠

堂於寺西偏隙地一區架屋三楹几筵禮器悉備歲

春秋致饗祀焉二十四年落成二月十四日辛亥公

祭穆撰文曰先生生當叔季業貫漢唐學堪為王者

師志非以名山老身甘荒遐慰九原貞孝之心時際

雲雷灑六謁園陵之淚北征初賦策二馬以來游東

道既通餽十餐而恐後咨民生之利病邑乘必搜究

阨塞之險夸邊亭親歷采山鍊冶喻半生尙論之精

勤訂韻諧聲發萬古文之要眇况乎志存淑世斐

構書堂雅慕伏波厲精田牧臬此不擁懲東林復社
之末流墨突未黔棄濂涇桑莊如斂屣惟慈仁之古
寺曾作寓公計偉節之邁行適在明日誦孔德炊羹
之句下榻何頻緬無異築室之謀顧廬宛在荆榛乍
啟觴豆初蠲規陋雲臺典同石室所覲雲車風馬盼
蠶來臨庶幾學海儒林精神不朽尙饗又五月二十
八日祭文先生行成忠孝學洞古今懲末造之蹈虛
進吾徒以考實凡今代文苑儒林之彥敬佩遺書合
天下東脩尙友之懷思隆美報專祠式啟吉祀祗蠲
敢因載誕之辰奉薦迎神之曲雖薊門卻饋痛援往
例於靈均而石室修儀展效拜經

牽連卽星馳赴鞫三月下濟南府獄

元譜 先生手蹟云康熙七年

二月十五日在京師慈仁寺寓中忽聞山東有案株
連卽出都門於三月二日抵濟南始知爲不識面之
姜元衡所誣姜元衡者萊州卽墨縣故兵部尙書黃
公家僕黃寬之孫黃瓚之子本名黃元衡中進士官

顧譜

毛

翰林以養親回籍揭告其主原任錦衣衛都指揮使
黃培見任浦江縣黃坦見任鳳陽府推官黃貞麟等
一十四人逆詩一案於五年六月奉旨發督撫親
審事歷三載初無干涉忽於今正月三十日撫院審
時稟稱有忠節錄卽啟禎集一書元衡口供啟禎集
體錄字體陳濟生所作係崑山顧寧人到黃家搜輯
發刻者咨行原籍逮證據其所告此書中有黃御史
琮卽傳一篇有云家居二年握髮以終以爲坦父
不會刺頭之證有顧推官正傳一篇有云晚與寧人
游有云有寧人所爲狀在以爲寧人搜輯此書之證
不知此傳何人投稿何人親見刻板見在何處此書
得之何方而就此握髮一語果足以證已故二十餘
年黃御史之不刺頭否就此與游二語果足以證寧
人之卽顧寧人又卽搜輯此書之人否且讀邸報此
書已於六年二月曾經沈天甫出首矣請略言之昔
敵郡有陳明卿先生以王戍探花官至國子祭酒好
刻古書有資治通鑑大學衍義等書一二十種行世
其子濟生亦好刻書濟生已故有光棍施明者從海

外來與沈天甫等合夥偽造此書假已故陳濟生之名而羅江南北之名士巨室於其中以爲挾害之具又偽造原任閣輔吳姓一序以騙許其子見任中書吳元萊奉旨圈議部議書內有名之人共七百名內有寫序寫詩譏傷本朝之人五十餘名合行查究奉旨沈天甫夏麟奇呂中逃走之施明未來之

吳石林及代主控告之葉大等合夥指造逆詩肆行騙詐雖稱逆詩從海外帶來茫無憑據又云編詩之陳濟生久經物故而從海內帶詩之施明又經逃走此等奸棍嚇詐平人搖動良民誣稱謀叛以行挾害大干法紀爾部即將沈天甫夏麟奇呂中葉大俱行嚴審擬罪具奏逃走之施明未來之吳石林俱著嚴行緝拿獲日也著擬罪具奏刑部審得沈天甫等供稱騙詐吳中書銀二千兩未給將此書出首欲圖三品前程是實奉旨將沈天甫夏麟奇呂中葉大四人於閏四月二十二日押赴西市處斬施明吳石林緝拿未獲今元衡所首之書一百二十餘葉與沈天甫之三百一十六葉者雖刪去頗多而詩卽啟禎之

顧譜

委

詩傳卽此詩之傳編造之人卽陳濟生其爲一書不問可知也恭釋明旨不直曰陳濟生而加以又云二字又云者據沈天甫之所云是已故之濟生聖明猶燭其誣罔而元衡欲以此牽事外之人而翻久定之案其南北通逆一稟云據各刻本山左有丈石詩社有大社江南有吟社有遺清等社皆係故明廢臣與招羣懷貳之輩南北通信書中確載有隱叛與中興等情或宦孽通奸或匹夫起義小則謗讟大則悖逆職係史臣宜明日張膽秉筆誅逆故敢昧死陳揭逆刻種種罪在不赦北人之書削我廟號仍存明號且感憤乎鴟張虎豹乎王侯南人之書以我朝爲東國爲虎穴以僞王爲福京爲行在北人之書曰斬虜首黃培刻郭汾陽王考傳中有斬首四千級語擁胡姬征鐵嶺黃培詩有云怒女嶺頭殺金微又有思漢威儀紀漢春秋南人之書有黃御史握髮一傳又有起義有舉事有勸衡王倡義及迎魯王浙東王上益王等事又有吳人與魯藩舟中密語又有平敵將軍有懸高皇帝像慟哭及入閩入海等事北人之

書有含章館詩集友晉軒詩集夕霏亭詩郭汾陽王
考傳南人之書有政禎集卽忠節錄歲寒詩東山詩
史傲文信國集子美句百八十章其北人則黃培所
刻十二君唱和序跋等人其南人則政禎集所載姓
名籍貫俱在刻本中約三百餘人是元衡之意不但
陷黃坦陷顧寧人而并欲陷此刻本有名之三百餘
人也不知元衡與已斬之沈天甫逃走之施明何親
何故何以得此海內帶來之書而前唱後和如出一
口其與不識面之顧寧人刻本有名之三百餘人何
離何隙而必欲與黃氏之十二君者一網而盡殺之
推其本意自知以奴告主之罪律所不赦欲別起一
大獄以陷人而爲自脫之計遂蹈於明旨所謂嚇
詐平人搖動良民誣稱謀叛以行掠奪者而不覺也
天道神明不僭不濫今於三月四日束身詣院投到
伏聽審鞫至教唆陷害別有其人尙容續布統惟詳
察江南布衣顧寧人頓首穆案進士履歷便覽黃元
衡字元璿卽墨縣籍膠州人順治己丑科會試十八
名欽授內翰林國史院庶吉士辛卯升宏文院編修

顧譜

堯

曾祖繼節祖寬父瓚又黃貞麟字振在卽墨人順治
戊戌會試二百八名戶部觀政庚子授江南鳳陽府
推官曾祖兼善廩生祖宗曉潞安衛經歷父墀庠生
又手札云在都時極荷惓惓之愛今姜元衡叛及
弟名具題請旨弟已赴濟南投到矣先有一札致
譚年翁業詳此事始末念知已聞之必倍懇切謹此
布啟前沈天甫所指造陳濟生逆書有序有目有詩
有傳原狀稱共三百一十六葉今元衡所首之書無
序無日無詩止傳一百餘葉知却中原書已燬刪去
天甫狀中已經摘出者稱另是一書據元衡南北通
逆情由一揭欲借此書另起大獄而羅書內有名之
三百餘人於其中以翻主僕名分之案不知就此百
餘葉中篇篇有濟生名則卽此一書之明證也奉
旨爲沈天甫指造之書卽已故之陳濟生尙屬誣罔
而况餘人乎弟敢不惜微軀出而剖白此事尤望大
君子主持公論此札仍乞傳與譚年翁一觀并以告
諸吳越之同聲氣者廣韻留程宅候取不盡又一
通云前有一函想已徹覽弟不遵明哲之訓果有此

累今江夏之驕吝足以致敗而與之同事奈何奈何南冠而縶竟不得出一切詳之舟老書中推知已爲之壯拯懸切懸切餘語去价能道不悉又一通云弟來此區區之意尙未得少申爲歎廿四日出都前往厯下如有札寄示乞寫德州北李宅家報付報房封遞三四日可達李老先生諱源字星來原任河津令與弟交頗密卽爲專人齎至省城也事畢再容趨至九頓報至德州先到蕭宅次卽傳至李宅有二李故稱北以別之又一通云來諭倦倦深感愛厚所云屢有言相致者止於舟札見之它皆未到卽賦梅者止有一札無兩札也所云但當力辯有無勿牽別事敬如台旨箚中之書昨至德州點簡二日悉取而焚之矣并復此中之事大抵上有求而下不應弟遂無保出之法黃氏絕不照管債主斷絕日用艱難莊田之麥俱爲劉根割去每日以數文燒餅度活何以能支欲乞一問南夏諸公若天生至晉可爲弟作書促之入京持輦上一二甬至厯下必當有所濟弟已別有字往關中矣一切統希垂照不宜舟書可互觀

顧譜

卒

之穆案子德荅先生贈詩有云客返關中路書傳厯下城自注客秋有鄉人至自濟南拜先生書又一通云五月十九日院審先取有同案中年老者四五人保識黃御史曾已剃頭口供次辯啟禎集中有寧人字無顧姓又不在于黃御史一篇傳內并審出章工地土情由惟問姜要顧寧人輯書實證無詞以對又扳卽墨老諸生杜廷交祖馱醜爲證又展轉推出所從得書之人爲萊陽縣孫榮之乃積年走空之人今并行提去矣雖未保出而是非已定此皆上臺秉公持正及大人君子孚號壯拯之力惟有世世尸祝茲因便羽先此奉聞元譜衍生案云是獄爲謝長吉主峻長吉卽乙巳歲坑貲不償而以大桑家莊房產作抵者是秋九月先生與長吉對簿始得開釋穆案翁玉濤聽竹山房詩話謂亭林游濟南爲一達官置之獄蓋耳食之言非實事也子德荅先生贈詩有云莠萊矜野語虞芮亂囂聲自注訟起因小人奪先生田又云歛權江波大潛楊海汝輕自注時訟牒株累多人用已結海上事何紹基案札中所稱撫院者

宛平劉公芳躅也國史本傳公以順治七年任山東巡撫康熙十一年始以憂去在任者二十三年嘗奏請緝盜不得豫勒名數以防捏陷又賊證未明不得以初供定讞又請撤山東錢局皆得旨允行蓋仁明君子也赴東詩序墨蹟本有撫院劉公之語後來刻集乃刪去此節何也徐譜案是年春竹垞至山東客撫院劉公幕中則先生之脫於患難竹垞當與有力焉穆案顏修來有送朱錫鬯之濟南詩曰攜手河梁悵去塵歷山遙望柳條春訟庭尚有南冠客莫向燕臺思故人自注時亭林以詔獄在濟南又案中屢稱譚年翁及舟老者譚吉璉字舟石嘉興人明太僕卿昌言孫父貞良五經進士舟石以監生試補宏文院撰文中書遷延安同知升登州知府鶴徵錄引亭林語云舟石勤於讀經叩其書齋插架十三經注疏手施朱墨始終無一誤句我行天下僅見此人六月十七日戌時地連震數次自此而南聲如雷城垣顛撲文廟亦毀同時

顧譜

奎

被震者濟南兗州東昌等郡共五十九處沂州郯城

死傷尤甚

元譜 穆案此年山東地震事漁洋年譜亦載之又子德奉荅先生贈詩經句喧地

坂舉國句天晴自注時地震淫雨

秋從子熊來省於濟南

元譜後隨先生入都

十月獄解得釋

元譜 先生手札云弟於九月二十日保出十一月十日一案之人俱已

赴院畫供想有題結之望凡所以入險能出困而不躓者皆知已扶持之力當世世尸祝不敢以楮墨宣矣前具近詩六章曾微覽否屢有札與舟公托其致感而未見一報豈其移寓或石頭之沈浮邪今有一函乞致之近况詳之函中可共覽也旅食無依暫寄徐玉老署中不謂有延安之陞則此中別無主人矣萬老先生書已投似蒙注念院批取保一宿便發也弟候命下結案即詣都中叩謝如尙遲則俟舍甥北上時代弟九頓台墀今來者玉老之僕屬其三日後走領回書返寒不莊幸宿長至日弟名正具 穆

案徐玉老者濟南府志有徐真修還安人康熙中由拔貢官濟南通判旋升延安同知蓋卽其人

是年詩有赴東六首徐譜詩有云荏苒四五日乃至攀髯時是訟繫時當三月

十九日也穆案子德荅先生贈詩有云節至通蘋藻自注先生在難不廢時祭李子德

聞余在難特走燕中告急諸友人復馳至濟南省

視於其行也作詩贈之一首穆案子德春懷詩之第五章有云歷下東

湖青濱州歷山東望白雲樓深知鄒子繫非罪敢謂魯連排眾謀欲陟岱宗俟它日將觀滄海難久

留詠此年赴東馳救及因疾先還事也

歸元恭文鈔有與先生書云戊申春夏之交聞兄以山左縉紳相讎之事連及時適有海陵之行無從問得確耗秋間還從令甥處知兄遂不免狂獄私心憂之未幾而得所寄書及六詩讀之深歎兄

顧譜

奎

之善處憂患張元節之亡命雖幸免禍君子譏之兄乃自詣獄不惟舉動光明揆之事理亦自宜爾蓋兩姓交惡而委罪於兄兄身出則事白事白則身全兄之慷慨就獄乃精於脫禍者也但不知出獄之後復栖遲何所弟前書中戲詰三窟後察之亦不甚確惟濟上一窟是實而聞又爲人所賣趨薊免幸脫於羅將仍依此窟抑復別尋窟乎一笑六詩已和得奉覽其中迂怪不俊及江南樂土等語初非因此事而發蓋別有爲前書自言精於音韻之學者書已成弟未見及但友人頗傳兄論音韻必宗上古謂孔子未免有誤此語大駭人聽許瀚案語似駭人實無可駭傳語者謂得具旨君未見其人耳先生於此道復安有所謂也歸君韻學始亦未精因此度兄學益博則僻益甚將不獨音韻爲然其它議論倘或類此不亦迂怪之甚者乎卻子語迂單子知其不免况又加之以怪乎此平生故人所以切切憂之願兄抑賢知之過以就中庸也向讀所寄山陵詩忠義感激使人泣下願兄之去墳墓十餘年矣初因避讎勢非得已歲

月既久怨讎已釋且今年讎家已盡望赴任更無所慮柳子厚竄南方惟以不得上工墓爲恨謂其祖先曾不若馬醫夏畦之鬼猶得享歲時之祭彼以得罪不能歸兄今欲歸其孰禦之獨無工墓之思乎此又平生故人所懇懇於懷者也

和詩不免局於短篇未能盡達所懷故復及之令子定已長成曾再索三索否弟則屢抱山簡之痛方深伯道之悲也年來筆耕僅能餬口雖不閉戶亦難遠遊惟去歲爲先太僕遺集事與季侍御相商一渡長江耳詩古文以乏人繕寫不能遠寄刻文一首呈覽立齋太史北上艸此

附侯便羽幸惠德音

八年己酉五十七歲

春入都寓七聖庵旋往山東已復入都寓文昌閣

三月往昌平五謁天壽山及懷宗櫬宮是行也與李

顧譜

奎

子德偕

元譜 穆案受祺堂詩集有舊年寧人先生以無妄繫濟南走書報我觸暑馳視苦疾作

辭還先生寄贈行三十韻詩春日晤保州重會薊門奉荅前詩廣五十韻一首詩有云甫定他鄉榻俄從

上日觥自注先生以二月朔至又云每詢邨邑樹誰薦寢園櫻自注時在清明是先生此年與子德會合及謁陵之時日也二月朔至保定一節譜亦失載

又案江藩宋學淵源記謂天生於甲申乙酉間與先生冒鋒刃閒關至燕中兩謁愍帝櫬

回都移寓公肅宮是并先生詩文集亦未之見也

甥邸舍

元譜 穆案時公肅起補國史院修撰旋進祕書院侍講秋典試陝西

四月

出都至順德歷邯鄲返章工與謝長吉對簿案始結

元譜

先生有與顏修來手札云夏初匆匆出都歎

然之懷難以筆道想道履彌勝大業彌增令叔先生

今在都門亦當聽鵠起之音奏鹿鳴之什矣弟久滯

安德仰藉洪庇章工一案已得小結雖陷害之情未

明而霸占之律已正轉蓬思息倦鳥知還九仞之功
非仗婁侯不能終此一簣敢乞鼎致其詳在札中未
緘以舟老正值文場不敢瀆札并乞於試畢日道念
小价王登往莊故另遣潘一廉其人謹愿望示回諭
詳文於二十日後到廳更懇
家報中速問之至禱至禱

赴大名歸逕保定

冬抵平原潘次耕耒來受學

穆補 案遂初堂集補遺有己酉冬自淮陰抵

平原呈亭林先生六十韻詩詩末云汝野黃雲凍沂
山白艸枯隻身經雨雪遠道涉崎嶇先生荅詩云蕭
蕭行李鴈飛秋是次耕以
冬初謁先生於平原也

十一月至都主申叔旆

又主謝方山重輝

元譜方山名未詳穆案方山名重輝德州人以父陞廕官至刑部郎

中陞字伊晉萬厯丁未進士官至建極殿大學士
國初徵爲左柱國內院大學士卒諡清義宋牧仲李
湘北田山蘊集中均有與方山酬唱之作趙飴山談
龍錄舉本朝詩人山左有九皆各有所就了無扶持

顧譜

畬

依傍而德州謝刑部方山重輝居其一漁洋詩話稱
其過鎮佛寺詩池北偶談又述方山言銀瓦寺古鏡
事又嘗序其所著杏村集曰去膚存骨去枝葉存老
幹真賞甚稀存之篋中以待元次山杜清碧其人定
相賞於弦指之外可謂推獎不遺餘力而臨清汪灝
送方山告歸詩云真得意時惟嘯咏不如人處是功
名蓋亦恬於進取者又案鶴徵錄潘次耕之試鴻博
也由左諭德盧琦及刑部主事謝重輝薦舉然則方
山學行亦約略可見矣 先生有與顏修來札云老
年臺旣晉秩寅清而令兄復駿蜚東國凡在知已莫
不欣忭弟有訟事未了尙缺叩賀茲有德州方山謝
年兄入都附此申候方山爲內院清義公之冢嗣嗣
翻文雅更能熟於古今少年中鮮其儔匹屬以蔭職
赴部一切仰祈照拂緣弟夏秋主於其家斯夕對譚
心所歸依惟在門下至於居官涉世之道亦望時時
提命貴鄉才俊可爲後勁不俟弟言之畢也冬杪圖
晤不悉中懷穆案札云晉秩寅清者修來以中書舍
人恭逢 聖祖臨雍加恩四氏遷禮部儀制司

主事也云令兄駿蜚東國者修來
是年次甥秉義
兄光猷以是年秋領本省鄉薦也

中式順天舉人 執友王起田王思齡歿
元譜思齡里居出處

無攷

是年詩有樓桑廟一首有事於攢宮一首贈李貢

士嘉一首邯鄲一首邢州一首自大名至保定子

德已先一月西行一首潘節士之弟未遠來受學

一首 徐譜案是年潘耒將讀書於婦翁王略家六月略卒十一月耒妻亦卒故耒去山陽適平

原也時當已冬盡矣

有謁攢宮文王起田墓志

顧譜

奎

九年庚戌五十八歲

四月往德州六月程正夫李紫瀾延先生於家講易

至九月初講畢卽以是月入都九日與朱錫鬯及嘉

定陸翼王元輔在北平孫氏研山齋詳定所藏古碑

刻 元譜謙案元輔號鞠隱經學湛深陶庵弟子學術志行不愧師門曝書亭集跋李龍眠九歌圖卷康

熙庚戌九月九日偕崑山顧炎武寧人嘉定陸元輔翼王永平申涵光臯孟嘉興譚吉璉舟石觀於宛平

孫氏研山齋是年竹垞又有同紀處士映鍾杜太史鎮譚舍人兄吉璉集孫侍郎研山齋四律其弟三首

尾句云齊東回首望取憶虎頭癡自注謂顧子炎武蓋研山一集之後卽出都竹垞復有宴集而憶及之

也 出都至曲周訪路安卿 歷河南至山西復回

山東度歲 是年初刻日知錄八卷

元譜 徐譜 初刻八卷本有

七七一條今刻本無見全謝山經史問荅今刻本弟
六卷有一條有錄無書是錄為先生自定書則經後
人刪 長甥乾學登進士一甲三名 元譜 穆案是
年公肅擢國子

監祭酒 瞻園集書錢糧論後曰舅氏亭林先生學
博而識精於天文河渠禮樂兵農錢穀之故上下古
今洞悉原委數往來畿輔齊魯秦晉間盱衡時事間
有所作錢糧論二篇至為痛切仲長統昌言崔寔政
論之儔匹也某昨歲對策謂須得公忠強幹之臣權
萬物之有無計百姓之贏絀而為之變通蓋寔本於
先生之論 紹基按健庵對策云漢唐三代以帛為
租宋始用錢金章宗鑄銀曰承安寶貨公私迄今用
之礦脈久閉海船已停民間之銀日耗而不生而上
供者必以常額宋齊邱有言錢非耕桑所得以錢收
稅是教民棄本逐末
也此寔本於錢糧論

顧譜

奕

是年詩有述古一首德州講易畢奉柬諸君一首

輓殷公子岳一首

元譜岳字伯巖一字宗山雞澤
人有留耕草堂詩集 穆案池

北偶談殷岳工五言古詩平生不
解為近體常為睢寧令輒自罷歸

是年程正夫有贈先生序云東吳顧亭林先生今
之大儒於書無所不讀習熟國家典制以至人情
物理淹貫會通折衷而守之卓乎為經濟之學者
也而失意於時君子惜之以故北游上國歷燕趙
之墟上太行渡黃河出塞入關極秦晉之鄙折而
留滯於齊魯間皆得周覽其名山將以擬太史公
之故事乃每過吾州輒見訪如僑札之歡臯梁之
托也為余談說經史不憚娓娓或留信宿或浹月
經時然後乃去因見其著述之富汗牛充棟要皆
崇正黜邪一軌於聖賢之微旨抽關啟鑰盡見其
全其辯詳以覈其論典以要其思平寔以遠其義
純粹以精本於經而不泥於昔聞原於史而不拘

於成說多前賢所未明一旦自我發之者自漢唐以來諸賢林立觀其意思略與鄭康成王文中輩相彷彿皆能深造理窟立追大雅以斯文爲己任者也以視今之作者不啻奏黃鐘大呂於秋蟲響荅之前其鉅細不侔矣假使先生得時而駕爲當代柱石功業所至不過封侯而止其於閑先王之道以津逮將來爲天下後世之利且孰得而孰失乎今年結夏於此與二三同人講易復得發其日知錄一書觀之多攷古論世之學而其大指在於明經術扶王道爲之三歎服膺勸其出以惠學者此自亭林支峯蔓壑余老病荒忽書數語其後附以不朽必欲東觀大海盡十洲三島之奇則有先生所著之全書在非一朝一夕所得而卒業者矣余不佞倘如豫之五爻疾而不死請得讀書養氣十年之後文思少進爲先

生細論之康熙九年八月

是年爲路安卿之舅氏王君國翰撰墓志銘

顧譜

奎

十年辛亥五十九歲

從子洪善洪慎來省先生於都門 入都主原一甥

家 夏熊青岳閣學欲薦先生佐修明史力辭之

元譜

謙案青岳名賜履字敬修孝感人順治戊戌進士謚文端又戊午荅潘次耕書云辛亥之夏孝感特簡相招欲吾佐之修史吾荅以果有此命非死則逃原一在座與聞都人士亦頗有傳之者耿耿此心終始不變云

出都歷忻州之靜樂平定州之盂縣至太原

云

元譜 穆案是年太原知府爲延津周令樹曝書亭

集辛亥年春有送周郡丞令樹遷太原守詩是也令

樹重建晉祠碑亭記往崑山顧炎武爲令樹言唐宋

人題名及詩多刻之古碑陰碑陰旣滿往往闌入行

間此獨以御製御書唐人無敢刻一字至宋始有題

名碑陰及兩旁者而正文特完好云云按記作於明

年壬子端午後三日所謂往者卽此
年事也令樹字計百順治乙未進士

爲太原守周

計百令樹點定荀悅漢紀

穆補遂初堂集代人所重刻漢紀序晉陽書肆之

書漫不足觀民間又鮮藏本間訪傳青主徵君於松
莊案間見有荀氏書喜甚假以歸手自校讎往往與
班書相出入蓋荀書雖據班書他所摭採尙多故頗
存異同又有班書所未載者參得失廣異聞固悅本
志也後人每据班書以改此書而其誤彌甚宋吳巖
李氏已言印本多譌此本爲明黃姬水所刻舛錯不
少適顧亭林先生來爲點定一過刊誤存疑遂爲善
本云云案次耕雙塔寺雅集詩序出太原郡城東南
行七八里松莊傅隱君青主所居也太守延津計百
周君歲之初吉率子若壻屏騶從挈壺觴躬造於廬
是訪青主者爲郡守周令樹也又次耕太原守周令
樹墓志云余布衣時嘗讀書太原署中則此敘卽代
周作也又九日同惠元龍家雙南兄登瑞光寺塔詩
注辛亥九日同閩古古傳青主飲太原新寺是次耕

顧譜

交

以此年客太原周假書顧校
書潘代作書序皆一時事也

十月交城令趙恒夫

天羽邀與華亭陸集生慶臻上海蔡竹濤湘翦燭賦

詩元譜謙案恒夫名天羽號吉士休寧人入籍錢唐順治辛卯舉人由知縣內陞戶科給事中降補國子監學正著有續表忠記音韻正譌寄園寄所寄萬青閣全集集生名慶臻金山衛人崇禎壬午舉人順治八年揀選推官不赴游秦晉間晚始歸里著薺庵詩稿貧甚不克葬其親泣曰得墓田一笏營葬足矣故又號笏田竹濤名湘竹坨阮亭均與倡和後客死交城

是年詩有寄張文學昭時淮上有築隄之役一首

元譜案是年奏於淮揚界築翟家埧至十八年七月歲功山陽寶應高郵江都四州縣河西諸湖涸

出者招雙鴈一首夏日二首秋風行一首靜樂一
民佃之

首寄王高士錫闡一首

錫闡字寅旭一字昭冥號餘不亦號曉庵又號天同

一生吳江人精於麻筭著有太麻統西麻啟蒙丁未麻稿推步交食測日小記三辰晷志圓解曉庵新法麻說麻策左右旋問荅諸書 穆案廣師云學究天人確乎不拔吾不如王寅旭 又案廣師云所列不如之人十而見於詩文集者九獨與吳任臣交游之蹟無可攷見附識於此廣師云博聞強記羣書之府吾不如吳任臣任臣字志伊一字爾器浙江仁和廩生福建莆田人已未試鴻博二等授檢討著有周禮大義禮通十國春秋山海經廣注等書魏冰叔稱當世著作有不可少之書三十國春秋其一也王倬今世說云吳志伊志行端慤博學深思兼精天官奇壬之術又精樂律嘗於市上見編鐘一枚曰此大呂鐘也後滌視款識果然

孟縣北藏山一首

十一年壬子六十歲

顧譜

癸

由山西至京主公肅甥從兄平庵甥徐履忱來省

元譜

平庵名孝宏以貢選泰興縣訓導卽武孝廉爾策之父

五月至濟南

八月

入都仍主公肅甥

十月往德州

元譜云舍甥久積傾慕

先生手蹟

昨奉叩未晤今擬於初四日扳駕一談俾弟亦得侍聆誨言至感至感弟在初旬內亦欲出都矣又一通云五日前曾走叩未晤既台命諄諄不敢固強舍甥容另卜日奉候但弟日下卽擬出都不得追陪一敘奈何奈何尙容趨別未悉又一通云前走叩未得面弟以十二三出都往德州此刻擬一造別并問貴鄉有旅伴可同行否退谷先生常問起居附及 由河南穆案此三札以元譜推尋情事當在是時

至山西 元譜與閻百詩若璩相遇於太原

徐譜案尙書古文疏證有

壬子冬客太原與顧寧人論朱謀瑋水經注箋事 穆案潛研堂集閻先生傳康熙元年始游京師旋改

歸太原故籍為諸生祭酒顧先生炎武游太原以所撰日知錄相質即為改訂數條顧虛心從之又潛正劄記有與先生論幽并營在禹貢九州外一條云余時同客太原面質正云云又曰吾與君所共游者非石嶺關以南乎潛正生於崇禎九年丙子少先生二十三歲松案潛正補正日知錄凡四十一條復糾肇域志言晉穆侯晉境不得至界休之非又言代四遷不止於三江西三僅知其二說具載所著劄記中然與劉超宗書言先生之書精且博與戴唐器書言讀顧氏音學五書心花怒生背汗淡出又言此地縉紳有如馬宛斯其人者文學中有如傅青主顧寧人其人者使後生小子感奮興起紹明古學直追金華嘉定諸先生之遺風其服膺先生至矣

度歲於靜樂

衷和敏德來

學

元譜所載未詳其人

寓書潘次耕議撫吳江族子衍生為

嗣

是年從子洪善鄉試中式舉人

元譜

原一主順

顧譜

字

天鄉試

韓元少出其門

有撫其取副榜不及漢軍者坐降級

歸

穆據有懷堂集補

潘稼堂贈先生六十壽序云吾師亭林先生負名世

之資學貫天人而遭罹厄會崎嶇戎馬之間顛沛岸

獄之下瀕危者數矣卒自全客游二十歲窮邊絕塞

靡險不經而筋力不怠今六十矣精明疆固無減壯

年

徐譜

是年詩有讀李處士襄城紀事一首寄楊高士瑀

一首

謙案瑀字雪臣武進人著有飛樓集一百二十卷年七十餘卒穆案廣師云讀書為己

探蹟洞微吾不如楊雪臣健庵雪臣七十壽序生
生少日好立奇節既而厚自刻厲率諸子鍵戶讀
書自經史而外分授天官地理厯律兵農之書出
則與惲遜初講學南田及東林書院如是者餘三
十
齊祭器行一首題李先生矩亭一首謙案惠太史周惕李

君墓表君諱源字江餘一字星來德州人順治丙
戌進士授河津令有能稱罷歸為人和易恬退好
讀書至老不倦於古今河渠漕屯兵農諸事討論
尤精云云濟南府志稱源歸里後築退庵因以自
號植花竹購圖書崑山顧處士炎武聞源談易數
歎曰今之管輅也 穆案此卽先生戊申赴東手
蹟所謂北

李家也 瓠一首土門旅宿一首

謙案先生是年有與李武曾書云弟夏五出都仲
秋復入年來蹤跡大抵在此將讀退谷先生之藏
書如好音見惠亦復易達頃者日知錄已刻成樣
本特寄上一部天末萬山中冀覽此如覲面也率

顧譜

主

爾不宣據手
書墨蹟補入

穆案望雲樓帖又載與潘次耕手札云昨退翁見
召午後趨往而太史公已行不得一晤幸致意明
日有便酌可於晡時過我昏後遣騎送回此啟次
耕賢弟炎武頓首以時攷之當在此年八月復入
都門時也 又案周令樹重建晉祠碑亭記末云
時同游者有炎武之弟子吳江潘耒記作於此年
端午後三日意次耕由太原入都冬乃
南歸也故有與議立族子衍生之書

十二年癸丑六十一歲

正月由靜樂南歸至揚州 元譜作由山西之山入都東據手札正說見後

主公肅甥 四月至德州訂州志 返章丘桑家莊

八月游濟南 元譜 寓通志局 穆據居易錄及手蹟補居易錄山東通志修於癸

丑當事既視爲具文秉筆者又鹵莽滅裂不諳掌故人物一門竟將曹縣李襄敏秉單縣秦襄毅紘沂州王恭簡景三鉅公姓名事實削去不存一字其餘可概見矣時方伯施泰瞻天齋主其事聘吳郡顧炎武在局而不一是正可惜也 先生有與顏修來手札云弟今年寓跡半在歷下半在章丘而修志之局郡邑之書頗備弟得藉以自成一山東肇域記若貴省之志山川古跡稍爲刪改其餘概未經目雖抱素餐之譏幸無芸人之病然以視令叔先生則真魯之兩生不敢望後塵矣汝陽歸我治之四年始得皆爲良田今將覓主售之然後束書西行爲入山讀書之計所刻座右銘一通並音學五書面葉呈教近日又成日知錄八卷韋布之士僅能立言惟達而在上者爲之推廣其教於人心世道不無小補也率此附候不宣 穆案通志之役張稷若亦在局中見所作李織齋文鈔序李織齋者卽先生諱觚十事所云樂安李象先也

十月自章丘至德州哭程正夫工部又聞從

顧譜

圭

叔父穆庵及歸元恭訃設祭於桑家莊 入都得溟

南報 元譜是年朝議 撤三藩兵衛 寄潘次耕書令族子衍生北

上 在京度歲 元譜 是年次甥秉義登進士一甲三

名 穆補 韓茨榜茨字 元少號慕廬長洲人

是年詩有贈錢編修秉鐙一首 元譜秉鐙字幼光 後改名澄之字飲

光宏光時客嘉善錢吏部仲馭家馬阮方興大獄逮捕諸清流飲光名亦在捕中乃變姓名逸去南都失守飲光走粵東妻孥盡死於震澤乃爲僧衰釋名西頑七年後始返故里編修蓋唐藩遙授者穆案譜謂編修爲唐王遙授大誤穆嘗鈔得飲光所撰明末野史其永厯紀事篇載云永厯三年十二月二十四日上臨軒親試經義三道論一道詩一首取中八人授翰林院庶吉士秉鐙名在弟

二又一條云庚寅冬蒙臨軒特典改授庶吉士子
出山陰嚴公起恒門公在上前極稱子有制誥才
請改編修管制誥上領之然則飲光乃桂王間闕
從龍之彥矣故先生詩曰斷煙愁竹泣蒼梧秃筆
懷文來漲海也 松案飲光於壬子冬入都館冀
尚書鼎孳家見儋園集 謙案飲光嘗問易於漳
浦黃先生撰田間易學又撰田間詩學以小序首
句爲主采諸儒論說自注疏集傳外凡二十家於
名物訓詁山川地理言之尤詳詩得
香山劍南之神有藏山閣稿田間集

先妣忌日

一首自章止回至德州則程工部逝已三日矣一

首有歎一首哭歸高士四首

穆案微雲堂雜記顧
寧人與吾友歸元恭

同里開元恭守鄉曲而寧人出游四方所至墾田
自給元恭嘗邀同社諸君子會於影園余以病不
果往元恭旋歿余以詩哭之又爲文祭之曰先王
道喪士習懦慳孔子有言必也狂獯歸奇顧怪字

顧譜

三

出於一時之選漁獵子史貫穿經傳志高氣盛雄
傑魁岸顧游四方燕塞秦甸君獨閉門枯守筆硯
跡弛不羈俗人笑嫻抱太僕文
蒐羅拾攜胡忽隕公逝如飛電

有從叔父穆庵府君行狀

是年先生有荅李武會書云黔中數千里所刻之
書并十行之牘乃不久而達又得手報至方山所
而寄我於樓煩鴈門之間若頻陽至近天生至密
而遠容三楚此時猶未見弟之成書也堂集受職
夏有得寧人先生書感賦一首人事之不齊有
如此者可爲喟然一歎此書中有二條未得高明
駁正輒乃自行簡舉容改後再呈且續錄又得六
卷未必來者之不勝於今日也交城縣刻弟所正
之七經誤字附上一紙比容維揚頗能攝疾遠承
注問并謝附李來書云客春黔陽一緘奉候想入
記室自後驅車關塞不覺踰年朔氣愁人每憶江
鄉景物恨不能奮飛與先生共語鶯黃柳碧間也

邇來道體何似肺病想不復作甚念之弟新正入都爲諸公所留遂下司勳之榻屈指邗江繫纜又在來春爲耿耿耳所攜台札一一致到阮亭匆匆屬筆前貽錫鬯物面致久矣君館於東撫君甚善也好風南來時惠遠音以慰翹切謙案武曾秋錦山房集序辛亥春從曹澹餘侍郎入黔朱竹垞江湖載酒集亦有寄武曾在貴竹金縷曲詞中有上巳浮杯匆匆別句則武曾之往貴州是辛亥三月茲書首云客春黔陽一札當指到黔之次年壬子而此書之發蓋在癸丑歲也謙得兩先生手翰故於今年並補錄之第以是年朱李兩家蹤跡就竹垞年譜證之與李書所云多不相符而元譜於先生今年亦未有揚州養疴之事其中如何舛迕未敢臆斷存之以俟續攷 穆案據元譜辛亥十月在交城令所此云交城縣所刻七經誤字知必在辛亥之後據此年寄修來札云又成日知錄八卷此云續錄又得六卷知必在此年之前先生上年於靜樂度歲故云寄我於樓煩鴈門之間比容雅

顧譜

書

揚則作復書之地也然則此札必在癸丑春首竟由靜樂南征元譜誤云之山東耳若良年一札則與先生書前後俱不相應知者先生既以著書相寄不容更無一語相復又漁洋以壬子夏典試四川差旋遂奉母夫人諱家居此有阮亭匆匆屬筆之語札必不作於癸丑更無疑也此札或前或後不敢遽定然考健庵李分虎詩集序曰長水李斯年武曾分虎三兄弟俱淵雅負雋才俱好遠游六年前斯年游粵東武曾游黔中而分虎尤越在萬里外在五溪六詔間旣念家有老母日南天末不可以久居則由金齒歷貴筑從其仲兄武曾聞關跋涉以歸蓋歸南踰時而西南之變作致吳逆以十三年正月反而先生丙辰冬有與分虎詩曰李生符自南中歸構李三年矣則武曾之歸當在此年冬盡札首又有此後驅車關塞不覺踰年朔氣愁人云云似是自黔歸後又作西北之游意此札亦當在乙卯丙辰間也車君因先生書有比容

維揚語李書有邗江繫纜語遂誤仍爲來書耳曹

澹餘侍郎者安正曹申吉也康熙十年由兵部侍郎授貴州巡撫吳三桂反申吉從賊後不知所終或云三桂疑而磔之矣 又案頃借得良年秋錦山房集其子潮借跋云是編卽以行止出處爲卷次蓋仍然編年也癸丑歲九友詩其弟二首爲懷崑山顧寧人炎武尾句云昨者日知錄寄我楚南峯確係歲壬子也春杪有聞斯年兄從嶺南歸營艸堂於長水東村相見當在今臘詩又二月中得分虎自滇中寄詩有云約束琴書好歸去莫令又過菊花時歸途與分虎舟中夜坐共話家園詩有云武陵烟霞照江底人家茅屋秋雲裏則於晚秋道出湖南也此年蹤跡合之健庵詩序無不一一符合次年甲寅家居有家讌及同人游宴諸作次年乙卯歷游邗上滁州懷遠龍山諸處所謂自後驅車闕塞不覺踰年也此後或家居或暫出游以未遠涉故詩亦不詳其偕健庵官坊集錢遵王述古堂及立齋園居落成招飲諸作則丁巳後徐氏兄弟居憂時事然則此札必在戊午應詔北上後

顧譜

五

無疑時漁洋已服闋改官翰林竹垞亦被薦入都與札中云云又一符合也据知容春云者特回憶往事非孤指作札之前一年而先生之札及貽竹垞物何由得良年攜來此間情事則不可臆推矣良年初襲虞姓名兆潢又名法遠後復姓名李良年字武曾號秋錦嘉興人生於崇禎六年癸酉少先生二十歲

十三年甲寅六十二歲

正月出京由易州往汾州 四月至德州回濟南

度歲於桑家莊 元譜

是年詩有廣昌道中二首寄問傅處士土堂山中

一首與胡處士庭訪北齊碑一首 元譜謙案庭字季子汾陽人青

主弟子 穆案戴東原修汾州志庭父名遇春崇禎戊辰進士由聊城知縣擢戶部主事庭自李自成之亂遂與弟同並隱居講學庭於易詩春秋論語大學孟子皆有論著又曰顧炎武其學上繼漢唐攷核之儒其金石文字記所載大相里齊天保三年相里寺碑郭社村唐乾封二年郭君碑文侯村唐上元三年任君碑小相里唐相里瑞碑 詠史 晉天福五年相里金碑皆身至其地摹拓者

二首路光祿書來敘江東同好諸友一時徂謝一首過矩亭一首潘次耕南歸寄示一首子房一首 刈禾長白山下一首歲暮一首

十四年乙卯六十三歲

從子洪善來省於章工 赴濟陽訪張稷若 往德

顧譜

美

州送程工部葬 八月自山東歷河南抵山西之祁

縣主戴楓仲廷棧家

元譜楓仲名廷棧祁縣人家多藏書及法書名畫著有半可集

與傅青主王漁洋友善謙案竹南漫錄楓仲博學好古所居丹楓閣上圖書鼎彝羅列左右人方之倪迂

清 閱 楓仲爲築室祁之南山 穆據受祺堂集荅戴楓仲見懷詩注補詩云漢室聞

遺老君爲築艸亭自注顧亭林將起山堂祁之南山戴力任之

先生因之置書堂焉

穆據蒿庵集及竹垞詩話補

蒿庵自敘墓志所著有儀禮鄭注句讀遇崑山顧寧人錄一本藏山西祁

縣所立書堂靜志居詩話寧人於山西營書院一區盡取家中所藏十四經二十一史暨明累朝實錄插籤於架子嘗分書題其柱云入則孝出則弟守先王之道以待後學誦其詩讀其書友天下之士尙論古人 穆案先生又嘗欲作書堂於西河之介休聚天下之書藏之以貽後之學者見健庵兄弟徵書啓

十月六日張帝臣某及張又南雲翼過訪元譜帝臣無攷

又南名雲翼咸寧人靖逆侯甘肅提督勇之長子以父廕官大理寺卿是年春平涼王輔臣反三月輔臣

誦大將軍符劄招勇勇斬其使命長子雲翼赴京首

奏勇得晉侯爵閏五月大破賊於鞏昌收復寧州等

衛之陷賊者亂遂平勇喜與賢士大夫夫延接同里若

李中孚王山史李子德咸與之爲忘分交謙案先生

著左傳杜解補正三卷又南捐貲刻之 穆案衍生

嘗寫歷代宅京記一部贈靖逆侯其時又南已襲爵

矣 納妾於靜樂元譜先生辛亥在太原遇傳青主

妾 是年公肅改翰林院學士原一復元官穆補彥和時

官中 允 是年詩有兄子洪善北來言及近年吳中有開松

江之役一首元譜案康熙十年二月江蘇巡撫馬祐奏濬劉家河五千一百八十八丈十

二月委蘇松常道參議韓佐周及蘇松二府同知

通判師佐王永熙周祚昌等董濬吳淞江一萬四

百九十一丈各於海口置閘其經費則奏准留蘇

松常三府漕折銀九萬兩浙省杭嘉湖三府漕折

銀五萬兩充費同藩司慕天顏檄行所屬督理是

年九月崑山知縣董正位申詳開濬瓦浦凡三十
六里是月興工至十二年五月訖工邑諸生朱青
以歲旱請於巡撫浚注浦自刁家橋東出吳淞民
賴其利改注浦日朱浦詩中有云那聞父老復愁
兵秦關楚塞方酣戰者是歲以耿吳二逆之故天
下騷然所在 閏五月十日二首過張貢士爾岐一
多不靖云 首送程工部葬一首寄路舍人一首孫徵君葬於
夏峯時僑寓太原不獲執紼一首

顧譜

毛

元譜案李徵君年譜乙卯冬顧寧人書來寧人自
癸卯蓋厓別後雖足迹遍天下而音問時寄是時
徵君流寓富平寄書略云先生龍德而隱確乎不
拔真吾道所倚爲長城同人所望爲山斗者也今
講學之士其篤信而深造者推先生異日九疇之
訪丹書之受必有可以贊後王而啟來學者側聞
卜築平陽管幼安復見於茲
弟將策蹇渭上一敘渴悵也

是年撰陳鼎和墓誌

十五年丙辰六十四歲

正月自山西之山東 二月入都主原一甥

元譜 穆案原

一時官右贊善餘集有與潘次耕札云原一官彌貴
客彌多便佞者留剛方者去今且欲延一二學問之
士以蓋其羣醜吾以六十四之舅氏主於其家見彼
蠅趨蟻附之流駭人耳目至於徵色發聲而拒之乃

顧譜

矣

僅得 三月回山東 五月入都二十八日先生誕
自免

辰原一具酒稱祝 秋至薊州仍入都 十一月二

十四日先生第五妹徐太夫人訃到二十七日成服

越二日設奠 命撫子衍生北上並寓書湖州沈允

斌三會沈度汪涵昆季附其家眷舟至京 元譜 謙 案沈度汪

名涵一字心齋歸安人康熙丙辰進士官至閣學一
統志稱其督學福建時試士公明雖勛貴請托弗許
所拔皆名宿以朱子分年讀書法課士士習爲之不
變秩滿去閩人鞠清著書院祀之允斌未攷 穆案
康熙丙辰進士履歷便覽沈三會允斌丙午年生歸
安籍烏程人壬子十二名會試三十六名二甲二名
欽選清書庶吉士戊午授編修沈涵度汪丁酉年生
歸安人乙卯五名會試十七名二甲三名欽選清書

庶吉士戊午授編修三代同蓋胞兄弟也以生年核之度汪是年二十歲允斌若生於丙午纔十一歲耳丙子殆甲子之誤是時年二十三也然試年多不足據如下顧洪善生於崇禎壬午而履歷作戊子則減六歲也 又案康熙十八年己未會試允斌度汪皆充同考 在京度歲 是年

從子洪善成進士 元改中書 穆補康熙丙辰進士履歷便覽顧洪善字達夫

戊子年正月十六日生崑山人子十四名舉人會試十二名二甲十六名 先生有手札云歲云莫矣欲走齋中一晤不知可得片刻之暇商訂風雅否此間殊覺總總弟於二十七日移至舍姪寓中度節肇域記想已閱畢幸付下此啓以元譜攷之知必在是時蓋因徐氏居憂故於成服之日卽移至達夫寓中也 從子洪慎得子於崑命名世樞字之日榮緒後更

名宏佐字復呂立爲殤子詒穀後 元譜崑新合志宏佐年十三補松江

顧譜

堯

府庠生長洲何焯跋其文勉以繩武年未二十病瘵卒 健庵立孫議舅氏亭林先生立從子洪慎之子世樞爲孫或者曰無子而立孫非昭穆之序是使世樞有祖而無禰也先生卽有子而殤殤不立後蓋擇諸族兄弟之子以爲嗣乎子應之曰不然自夫子之告子游已謂三代以後天下爲家各親其親各子其子爲人之同情是則兄弟之子必親於從兄弟之子從兄弟之子必親於族兄弟之子也明矣古人之立宗也自非大宗五世親盡則族屬絕苟謂兄弟之子無當立者舍兄弟之孫弗立而立疏遠族屬之子爲嗣其於祖若考之意果無憾乎有國者之繼世與士大夫之承家其理則一而已矣吾外家顧氏侍郎公有二子贊善公爲大宗夢庵公繼禰之宗也夢庵公有子未昏而夭貞孝王孺人服喪衰以歸於顧又十二年先生生先生方在襁褓夢庵公撫而立之爲貞孝後先生實吾外祖賓瑤公之子於賓瑤公之子孫爲至親賓瑤公諸孫洪善家適也洪泰孤子不得爲人後吾仲舅子嚴失明年老唯洪慎一子非支子不

得爲人後洪慎生三子矣立世樞爲先生後不亦可乎晉書荀顛傳顛無子以從孫徽嗣中興初以顛兄元孫序爲顛後封臨淮公荀氏潁川名族子姓甚繁豈無昭穆之倫可立爲子者而獨以從孫嗣其必不舍親屬而他立也禮之權而不失經者又何琦之從父以孫紹族祖琦以爲宗緒不絕若昆弟以孫若曾孫後之理宜然也禮緣事而興不必拘常以爲礙也故雷次宗釋儀禮爲人後者之文以爲不言所後之父者或後祖父或後高曾凡諸所後皆備於其中庾純云爲人後者三年或爲子或爲孫若荀大尉養兄孫以爲孫是小記所謂爲祖後者也祖所養孫猶子而孫奉祖猶父無改父祖之差同三年也何琦庾純古所稱知禮之君子其言鑿鑿如此惟庾蔚之謂間代取嗣古未之聞然試以各親其親之常情準之則必喟然發寤以爲不悖於先王之道矣故昭穆相續其常也如親屬無當立者不得已而立從孫爲孫如父子之誼仍不改其昭穆之倫毋亦勢之不得不然而聖人之所許與子故詳論之以告吾母黨云甥徐

顧譜

卒

乾學謹議 謙案先生與李秉瞻書猶子衍生稍知禮法不好嬉戲竟立以爲子而崑山從弟子嚴連得二孫又令荆妻抱其一以爲殤兒之後云云所抱者卽洪慎之子宏佐本先生立爲殤子詒穀之後先生之治命也而衍生立爲子亦先生初意且相隨五六年並爲之授室以至於視舍飯恩義亦非泛常乃稽其家譜立爲先生後者別名洪瑞又不詳洪瑞之所出豈先生旣歿家人乃斥退衍生復爲立洪瑞邪抑洪瑞卽衍生之改名邪均不可攷矣 穆案洪瑞蓋衍生之譜名歷代宅京記後有衍生跋云先府君著書俱有自序茲編告成最晚甫脫稿府君捐館徐相國遣人取去自念雲泥勢阻無能往索至相國歸田後始獲檢還不肖衍生泣血誌案立齋以康熙二十年九月致仕歸里距先生之歿已九年又元和顧廣圻家藏先生著書目錄衍生手蹟也跋云歲丙子不肖衍生於舊篋中檢得此本讀之泣然因追想當年多所不符丁亥冬於宛陵旅舍出而錄之云云丙子爲康熙三十五年丁亥爲康熙四十六年距先生

之歿二十六年矣康熙壬戌衍生年十七至康熙丁亥衍生年四十有三矣抱業稱孤曾無異說豈有家
人斥退之理得此二證
車君之疑可渙然釋矣

是年詩有漢三君詩三首楚僧元瑛談湖南三十

年來事作四絕句四首簷下雀一首

元譜蓋居徐氏寓邸時作

薊門送子德歸關中一首

徐譜子德蓋自先生詩獄事畢至此年重至京

師

寄李生符一首

徐譜符字分虎良年之弟

作日知錄自序與戴耘野書

徐譜戴笠初名鼎立字則之更名笠字耘

野又字曼公吳江人潘稼堂之師

先生是年有與黃太冲書云辛丑之歲一至武林便思東渡娥江謁先生之杖履而逡巡未果及至

顧譜

全

北方十有五載流覽山川周行邊塞粗得古人之陳迹而離羣索居幾同僮父年逾六十迄無所成如何如何伏念炎武自中年以前不過從諸文士之後注蟲魚吟風月而已積以歲月窮探古今然後知後海先河爲山覆簣而於聖賢六經之指國家治亂之原生民根本之計漸有所窺未得就正有道頃過薊門見貴門人陳萬兩君具論起居無恙因出大著待訪錄讀之再三於是知天下之未嘗無人百王之敝可以復起而三代之盛可以徐還也天下之事有其識者未必遭其時而當其時者或無其識古之君子所以著書待後有王者起得而師之然而易窮則變變則通通則久聖人復起不易吾言可預信於今日也炎武以管見爲日知錄一書竊自幸其中所論同於先生者十之六七但鄙著恒自改竄未刻其已刻八卷及錢糧論二篇乃數年前筆也先附呈大教倘辱收諸同志之末賜以抨彈不厭往復以開末學之愚以貽後人以幸萬世曷任禱切謙案此書不載集中茲從

黎洲所著思舊錄中補入 穆案黎洲生於萬厯
三十八年庚戌長先生三歲陳萬兩君者陳介眉
錫嘏定海人是以年成進士入翰林萬謂季野先
生時客健庵尙書家 又車君於辛丑下案云先
生丙辰歲與黃太冲書是年曾至武林並未渡江
兩元譜乃謂抵紹興謁禹陵未知何據然先生實
有謁禹陵宋六陵諸詩又似親履其地者不敢強
解闕疑可也許瀚案娥江在紹興東嵒縣未渡娥
江非未渡錢塘江固無害其抵紹興謁禹陵也此
言一至武林者猶言一至浙江耳卽東至紹興仍
可說一至
武林也

十六年丁巳六十五歲

正月與甥原一彥和公肅話別於天寧寺

元譜 穆案寺在廣

寧門外

二月至昌平六謁天壽山及懷宗櫝宮是行

顧譜

全

也與王山史偕 四月出都十三日至德州見撫子

衍生及衍生之師李旣足雲霑於張簡可家

元譜先三日衍

生及師李旣足附沈度汪家眷至德州將入都先生預留書張簡可家止之至是相見行父子禮 謙案張簡可未攷 穆案自此以下 皆衍生所親見故記述頗詳 訪李霖瞻浹李星

來源

元譜霖瞻名浹號陶庵德州人順治丙戌進士延慶知州芮城知縣潘次耕陶庵詩序先生雅慕靖節爲人築一室 曰陶庵日哦其中 是月二十一日自德州至鄭家

口二十四日抵曲周主路安卿家祀先於旅寓 五

月七日移寓曲周之增福廟

元譜主僧名晏如時當塗令賀宣三應旌亦寓

廟中

延旣足暫留課子卽去之山西道汾州之介休霍

州之靈石

九月入陝主王山史家

穆補訂

王山史山志丁巳秋

九月初三日亭林入關主於子家將同作買山之計
頻陽郭九芝明府聞之以書來曰聞顧寧人先生已
抵山居寧人命世宿儒道駕儼然非無所期而至止
關學不振已久斯其為大興之日邪予復之曰弟年
近五十始歸正學今幸寧人先生不棄正欲策厲駕
鈍收效桑榆云云 受祺堂集有承問寧人先生中
秋抵華下阻雨尙稽省視悵然有作四首又詣華陰
時寧人先生未至一宿而行二首元譜記先生冬入
陝十一月始訪山史於華陰以王李所記核之知譜
誤也蓋衍生雖南來尙留德州未隨行故所記稍差
耳
訪李中孚於富平東南軍砦之北 元譜李徵君年譜寧人自山右
來訪密邇徵君時至臥室盤桓語必達且案徵君年
譜系此則於丙辰冬攷衍生元譜丙辰年未嘗入秦
其至富平實系丁巳當時衍生已隨 李子德來迎因
侍往來應無誤記李譜或偶譌耳

顧譜

全

過所居月明山下登堂拜母

徐譜山在富平縣東北七十五里子德居於山

下 穆案受祺堂集邑里絕句詩注頻山亦名月明山

十一月游太華重訪

山史於華陰

穆訂

復回山西度歲於太原之祁縣

是

歲從子洪慎舉次子先生名之曰世棠字曰思召 元譜

此下日即寄書從弟子嚴欲立世樞為殤子詒穀後並屬達夫致詞 謙案崑新合志世棠以諸生入太

學喜蒐羅先世手澤以長子炯詩為宏佐後構遺清堂貯從祖炎武遺書俾世守焉 嫁妾於李

又泉 元譜先生規友人書云於靜樂買一妾立嗣議定即出而嫁之李又泉無攷 穆案餘集有與

潘次耕札云去秋已遣祁縣之妾以時考之去秋即指此年或靜樂所買之妾乃祁縣人邪日知錄月食

條下有云靜樂李鱸習西洋之學疑又泉即鱸之字矣

是年詩有事於櫝宮一首贈賈太監宗一首陵
下人言上年冬祭時有聲自寶城出一首郭林宗
墓一首介休一首介之推祠一首霍北道中懷關

西諸君一首河上一首

案丙辰年叛將王輔臣踞
陝西之龍駒砦斷商雒南

路旋復引川寇犯通渭是年輔臣爲大將軍圍海
州十二月 朝命招撫乃率衆降而賊黨吳之茂寇秦
州十二月 朝命建威將軍吳丹略地華商副都
統佟舒渾敗賊於峻嶺復山陽縣故詩有去年方
門爭掘濠守 朝那云云 雨中至華下宿王山史家一首過李

子德四首

徐譜案鶴徵錄云天生與亭林竹垞暨
李良年爲布衣兄弟天生年小於顧朱

而長於良年二歲雖在客所及私寓無或亂者故
詩云及門初拜母讓齒忝爲兄穆案受祺堂集有

顧譜

畝

寧人先生冒訪山村留宿
見贈四詩用韻奉答四首 阜帽一首采芝一首寄

李生雲霑一首

有蒼曾庭聞書

元譜庭聞名晚初名傳燈寧都舉
人弟名傳燦字青藜皆駿雄自命

有雙丁
之日 作華陰王氏宗祠記

十七年戊午六十六歲

春由太原入關中富平令郭九芝傳芳

元譜大同人
穆案陝西

通志令長名宦郭傳芳字九芝大同威遠衛人由選
貢授咸寧縣佐攝郃陽長安篆俱有聲遷富平知縣
滇逆之變涼寇竊發傳芳偵賊將入境乘霧搗巢斬
獲有功時軍書旁午傳芳轉輸有法民不告勞又受
祺堂集與九芝詩至多九芝
一字獻素明年升任達州 迎先生於二十里外

譜

穆案餘集先生有與潘次耕書曰潁陽令郭公既迎中孚而僑居其邑今復遣人千里來迎可稱重道之風而天生遂欲爲我買田結婚之計雖未可必然中心願之矣又受禛堂集有陳情歸賦雲中曲呈郭明府詩曰晨起呼童秣吾馬爲公親介初度觴前年是日杯相屬左有東吳右二曲自注謂寧人先生中孚家兄正此年秋事又云今此二妙跡稍遠太原徵君聲光續自注時迎青主傳先生至案明年先生出游嵩少冬仲始旋關中故云跡稍遠而

九芝又迎青主入關信乎好賢之篤矣

閏三月遣

子德家人至曲周接衍生及既足期會於富平軍砦

李中孚家 四月朔九芝邀先生至署富南庵旋移

寓朱公子樹滋齋中

元譜樹滋字長源故宣府巡撫都御史之馮子長齋繡佛以終

其與既足次弟故友遺詩

元譜穆案尙書古文疏證卷八余戊午應薦至京

顧譜

金

師崑山顧炎武寧人時在富平有自富平來傳其新論者云云

時 朝議以纂修明史特開博學宏儒科徵舉海內

名儒官爲資送以是年冬齊集都門候試先生同邑

葉訥庵閣學及長洲韓慕廬侍講欲以先生名應薦

已而知先生志不可屈乃已於是先生絕迹不至都

中 元譜穆案已未詞科錄賈崧按葉訥庵侍郎欲舉亭林亭林固辭致書者三遂不列薦剡常熟吳

龍錫有詩云終南山下艸連天种放猶慚古史箋到底不曾書鶴板江南惟有顧圭年

冬張又南廷尉承父命來聘往蘭州堅辭之

元譜張靖逆時

提督

蘭州 潼商道胡狷庵戴仁來訪欲聘至署亦辭不

往元譜何獨庵未詳穆案何乃胡謫陝西通志分巡潼商道有胡戴仁北直容城人康熙十四年以參

議任過同州之華陰達華州止吏目王二華爾謙署

元譜爾謙常熟人

是年詩有春雨一首寄同時二三處士被薦者一

首井中心史歌一首夏日一首元譜時秦隴苦旱梓潼篇

一首和王山史燕中對菊一首關中雜詩五首過

朝邑王處士建常一首元譜建常字仲復邠州長武人居河渭之間早棄帖

括以著述自娛著有律呂圖說二卷

有蒼潘次耕書與李湘北書元譜湘北名天馥合肥籍永城人順治戊

顧譜

全

戊進士官至大學士謚文定著有容齋集徐譜湘北時官內閣學士子德之舉鴻博是湘北所薦

故先生為子德致書與李星來書蒼李紫瀾書與友人辭往

教書蒼李子德書與友人書

十八年己未六十七歲

正月往延安抵同官縣拜寇公墓元譜穆案寇公名慎字永修同官

人墓在縣東南義興原餘集有寇公墓志曰天啟六年寇公為蘇州知府炎武年十四以童子試見公被

一言之獎於今五十有四年而始得至同官拜公於墓下旋攜衍生移寓華下山

史所構新齋元譜案先生關中雜詩第五首自注云山史新構小齋將延余住又元譜是

年二月攜衍生往華陰主王山史家而先生與從子書則謂新正已移至華下據正穆案受禪堂集有

題無異先生顧廬三首序曰無異先生初韜是廬學
易其中因以顏之顧亭林先生至華下借居之亭林
先生既歿山翁改署今名李生見而哀之且多山翁
之敦夙好也為詩紀寔云爾然則所構新齋卽山史
之讀易
廬矣
先是山史以朱子於淳熙乙巳寄祿華州雲

臺觀欲為建祠堂兼營書院以居先生因遷入山史

家元譜先生與從子書云新正已移至華下祠堂
書院之事雖皆秦人為之然吾亦須自買堡中書

室一所水田四五十畝為饗餼之計秦人慕經學重
處士持清議寔與他省不同華陰縮數關河之口一

且有警入山守險不過十里之遙若志在四方則一
出關門亦有建飯之勢餘集有與潘次耕札曰朱

子祠堂山史但能割地耳經營之事吾將一身任之
穆案祠堂於辛酉夏始落成書院則當因山史甫

游故未竟其業故先生與李中孚書曰不欲再起書
院蓋不欲借祠堂之名自營菟裘也受祺堂集有奉

顧譜

全

先生詩曰曾論微祀虛邊豆許傍新宮自築堂自注
先生有約居雲臺觀朱子祠內徐譜是年李子德

自京師還潘稼堂贈詩有云吾師顧亭林名德今第
一停車華山陽與君等膠漆又云吾師築書堂髣髴

近箭栝雲臺崇陽祠氣象甚宏豁見君樂
難支管席諒不割謂先生在華陰時事也 三月出

關作嵩少之游元譜穆案金石文字記開母廟石
闕記今在嵩山啟母廟南歲屠維協

洽暮春余親至廟下視此石闕云云又有嵩山太室
神道石闕銘云在登封縣中岳廟南百餘步又有少

室神道石闕銘云在登封縣西十
里邢家鋪西距少室山尚十餘里 四月至曲周旋

由河南抵汾州 馬右實嗣光掣甘肅道欲挈姊氏

赴任時右實已患病止之弗聽元譜嗣光無效穆
案順治丙戌進士履

悉便覽馬嗣光榜名剛字右實睢州人工部觀政授
北直廣平知縣丁亥調湖廣辰溪知縣戊子本省同

考庚寅考察已亥補江南懷寧知縣戊申升吏部驗封司主事庚戌會試同考本年升稽勳司員外郎奉旨改名又庚戌同考吏部驗封清吏司主事馬剛裕三河南籍山東臨朐人又順治十八年籍紳懷寧知縣馬剛孚胸河南睢州人又受祺堂集有送馬右實吏部分巡肅州詩時子德應鴻博試在京師也

長洲毛錦銜今鳳來受業 奠王式吾及平陽王

九如

元譜二人俱無攷

十一月回華陰 十二月二十七

日張又南廷尉夜半造訪 是年葉訥庵閣學充明

史館總裁欲招先生入史局復力卻之

元譜

公肅甥

二月

召監修明史九月赴闕

穆補

是年詩有寄子嚴一首寄次耕一首次耕書來言

顧譜

全

時貴有求觀余所著書者一首雲臺觀一首西鵝

路一首雒陽一首嵩山會善寺一首少林寺一首

嵩山一首測景臺一首

謙案潘耒游中嶽記告城鎮即古之陽城也周公卜

洛立表測景以此為地中今有測景臺存焉臺高五丈縱廣三丈形體正方而缺其北面十之二三以懸壺滴漏當缺處鋪平石一行於地其長視臺之高廣可二丈許刻水道其上以承壺漏視水所至以定時俗謂之量天尺規制古樸思理精微非周公不能作臺南一石高丈許上立一表其長八尺是謂土圭此唐儀鳳中所立見杜氏通典 卓太傅祠一首梁園一首

海上 一首五嶽 一首贈張力臣 一首

元譜時力子臣北游

德西歸省吾於汾州天寧寺一首

穆案汾州志李因篤與崑山顧

炎武太原閩若璵皆以博古精考核爲學者推
重其至汾陽因顧炎武游汾時取道而來也 寄

次耕四首歲暮西還時李生雲霑方讀鹽鐵論一

首

作寇公墓志銘爲吳江朱處士明德作廣宋遺民

錄序

元譜明德字不遠隱居爛溪之濱少治經義
有聲別著句吳外史編記鼎革時事甚悉

書太虛山人象象譚後與潘次耕書與公肅甥書

與葉訢庵書與史館諸君書荅湯荆峴書

元譜案
文正謝

病里居時先生曾以書通問既開局修明史文正
分編太祖本紀四卷列傳十餘卷以書來詢荅之
如此謙案湯子遺書內載有荅先生書一通 穆
案受祺堂集有與湯荆峴詩云東吳披裘翁足跡

顧譜

允

天下徧掉臂凌遠
皋惟公接游燕

與人書二十二

元譜案崇福宮
在登封縣北嵩

陽書院之旁井叔氏葉名封武昌人順治丁亥進
士康熙中授延平推官改知登封舉鴻博報罷入
爲兵馬指揮介石氏耿名介順治壬辰進士登封
人康熙十八年以兵備副使家居講學時登封令
爲長洲張璠此書疑張於未竟工時以書相質故
荅之如此其明年功竣湯文正公爲作嵩陽書院
記

十九年庚申六十八歲

元旦作一聯云六十年前二聖升遐之歲三千里外

孤忠未死之人以明神宗光宗俱崩於萬厯庚申也

正月至富平 二月先生仲姊訃至間二日成服

設祭

三月山西使曾章山寅致餽

元譜 穆案 寅江西清江

人康熙癸丑翰林

四月山史有諸母卒為議服及葬祭之

禮

五月送馬右實喪出關既足附之南歸

二十

八日先生誕辰富平令郭九芝將親來致祝力止之

華陰令遲屏萬維城造訪因與謀建朱子祠堂事遲

欣然捐俸為倡

元譜 穆案屏萬又字間生受祺堂 集有贈華陰遲明府屏萬詩云雲臺

樹接紫陽祠適館陶潛附一枝隔代虛傳提舉祿新 官兼致艸堂贊正謂此事次句自注謂寧人先生又

寄荅孟謀嶽麓詩注朱祠倡於遲明府成於董明府 董號裕庵 又陝西通志遲維城廣寧人康熙十九

年任華陰令歷任五載嚴禁刁風 獎拔善類建朱子祠堂春秋奉祀

十月攜衍生往

顧譜

卒

汾州之陽城里訪前中尉朱敏浮

元譜 穆案汾州 志有朱敏濛字龍

澤慶成府鎮國將軍李自成之亂罵賊死敏浮當卽 其兄弟行志既錄先生詩於藝文乃不詳敏浮出處

何也陽城里在 縣東南十里

汾州守周西水于漆延請入署

元譜

穆案汾州志 于漆江浦拔貢

十一月元配王安人卒於崑山訃

至次日出署十一日成服設祭逢七祭奠焚帛如常

儀 度歲於王位沖德元中翰家

元譜 穆案汾州 志王德元汾陽人

由貢官兵部 職方司主事

是年公肅擢左都御史原一以贊善

充明史館總裁

穆補

是年詩有送康文學乃心歸邵陽一首

元譜乃心 字太乙邵

陽人漁洋奉使祭告西岳游慈恩寺見太乙題秦莊襄王墓絕句亟稱之康以此得名學使陸儼庭德元拔之充貢是科以第五人冠其經長安語云關中二李不如一康著有莘野集友人來

座中口占二絕二首送李生雲霄南歸寄戴笠王

錫闡二高士二首訓族子涓一首元譜涓字伊人太倉人著有水

鄉朱處士鶴齡寄尚書埠傳一首元譜鶴齡字長孺吳江諸生甲

申後自號愚庵絕意仕進專心經學以朱子格擊小序太過乃集諸家說疏通序義為毛詩通義以蔡氏釋書未精撰尚書埠傳以胡氏傳春秋多偏見鑿說乃合唐宋以來諸儒之解撰春秋集說又以杜氏注左傳未盡合俗儒又以林注亂之撰讀左日鈔自著詩文曰愚庵小集又注杜工部李義山詩與先生及同里陳啟源相友善 哭李侍御灌谿先生模一首元譜

顧譜

空

侍御字子木吳縣人天啟乙丑進士東莞知縣行取遷河南道御史 華下有懷顧推

官一首華陰古蹟二首悼亡五首穆案詩有云送汝黃泉六歲孫

謂世樞也世樞以丙辰生 冬至寓汾州之陽城里 至明年送碩人葬六歲矣

中尉敏浮家祭畢而飲三首

有音學五書後序荅王山史書荅王仲復書穆案王山

史山志王仲復司寇心一公之從子也其學一以考亭為師持躬處物悉有矩矱昔司寇為逆黨誣害追臧仲復先君舉囊助之故仲復長而家貧遭亂棄諸生破迹渭濱教授生徒足不入城市關西高蹈當推獨步庚申春子治先君側室張氏之喪雖其出也微念至孝苦節五十六年意不忍薄為之加禮纔以從事時亭林已在予家仲復貽書亭林謂發乎情而不能止乎禮義非賢者所為時子

事已舉未之能從然不敢忘好友之規也 元譜
謙嘗以此事實之李申耆太史兆洛太史曰王山
史幼嗣叔父其本生父母俱存其父攜之入都詳
見山史集中兩書未具原始幾若山史爲撫於張
氏者如此則有慈母如母及庶母慈已之服豈僅
以祖免從事乎後人有以此義駁先生者然書稱
諸母固非慈母比也特以 與友人辭祝書與王山
少申數語致啟羣疑耳

史書

元譜案是時山史客游於外先生從山右寄書

復張又南書與毛錦

衡書與公肅甥書與王虹友書

元譜虹友名攄號汲園廩監生太常

時敏第

七子 荅公肅甥書

元譜以上三書疑皆庚申在華陰時作時三藩扇動秦隴

間輓輪旁午故於公肅書中詳及時事

二十年辛酉六十九歲

顧譜

奎

二月望先生去汾州

元譜去汾州日別劉學使梅汾州太守周西水于漆州司馬黃

伯華良驥

穆案劉梅字訓夫故城人順治戊戌進士良驥福建龍溪生員時官汾州通判

往曲

沃至解州運城

元譜穆案運城在鹽池北路郵

鹽運使黃棻園斐

來會

元譜穆案斐浙江鄞縣人康熙庚戌翰林與健庵同年儋園集有送黃棻園視鹽河東詩

晦日往荅卽延先生入署 四月五日棻園丁內艱

先生入弔畢旋出署攜衍生入關至華陰訪山史山

史先於二月南游吳越遂出棻園之餽落成朱子祠

堂 七月旣足自南來 八月二日自華陰俶裝至

山西由運城抵曲沃縣縣令熊耐徒僕聞先生至命

輿至候馬驛相迎入城寓元帝廟

元譜 穆案曲沃志熊侯江西新淦

人進士康熙十八年任進士履歷便覽侯字匪菽清江人順治己亥進士候馬驛在縣西南三十里

十一日先生患歐瀉十八日既足得其父母凶問星

夜馳歸 九月移寓上坡韓氏鏡家十月又移寓下

坡韓村韓旬公宣之宜園

元譜 穆案進士履歷便覽韓宣又字裕齋康熙己

未進士曲沃志韓村在縣南五里之韓河里許齊燕韓旬公傳曰吾師顧寧人先生江左大儒千里造訪

挾圖書子僕館之宜園顧歿先生視合斂撫幼子收其四方遺貲走書告其家并維持還里穆又聞曲沃

人云先生館于宜園之白石樓 望後病稍減

元譜 穆案受祺堂集有亭林先生寓曲沃卧

病小愈走書相問即遣使起居奉詩五首

為衍生議婚靳氏

元譜 穆案曲沃靳氏為

顧譜

壹

漢靳彊之裔代有名人世居縣東北二十五里之曲村

媒四人廣東道仇君昌

祚義學師衛處士蒿縣令熊君僕貳尹徐君嘉霖

元譜

穆案曲沃志昌祚字振先朔賢里人初以恩貢授

鄖陽通判遷潮州府同知將抵潮聞總兵劉進忠叛急返程鄉為邏者所獲逼受偽職昌祚引雒自刺餓

十二日賊遣黨來視終不發一言以瘖報賊意少解羈賊巢者三年潮平得旨從優議敘授惠潮兵備道

旋以艱歸蒿字匪菽初名麟貞字瑞鳴以居母喪易今名字與汾陽曹良直太原傅山友善晚年闢絳山書院教授其中人稱絳山先生嘉霖嘉興人

是年詩有寄題貞孝墓後四柿一首贈衛處士蒿

一首訓李子德一首

穆案訓子德詩據子德哭先生詩注當在明年正月易簣

之日集本於寄題貞孝墓後四柿題下已注云重光作噩此題下復注歲陽歲名知是誤也因贈毛

錦銜一首未知當在何時故仍類次於此

贈毛錦銜一首

二十一年壬戌七十歲

正月四日旬公設宴會賓友八日先生早起將荅賀

熊令及諸官紳上馬失足墜地疾作竟日夜歐瀉不

止初九日丑刻捐館韓熊仇衛徐郭諸君爲經紀棺

斂并典邑人秦氏之室停柩其中

元譜云不肖衍生榮榮子立侍奉而

已年雖十七日未經此大事賴韓熊仇衛徐郭諸公經紀棺椁含斂並典秦氏之室停柩而不肖廬焉

穆案郭名未詳

三月先生從弟巖自崑山來偕衍生扶柩

顧譜

畧

歸

元譜 穆案王山史山志辛酉秋予至嘉興訪曹秋岳司農相見卽致悼亭林之歿爲文獻之惜予

日亭林無恙尙在予家予來時亭林亦有山西之行秋岳且驚且喜逾年壬戌夏予在海州接聞百詩手

札云亭林於春初歿於曲沃予爲位而哭之慟秋予西歸取道揚州將往崑山過淮安見張力臣云亭林

之柩尙未歸不知何以淹滯於彼深以不獲撫柩一哭爲憾又怪亭林未歿江南何以遽有此問擗管偶

記涕下

葬於司馬賜塋東偏嗣父仲逢府君之昭位

沾衿 元譜終七後不肖入關取向所寄各姓處書籍嗣大雲叔於三月望前抵曲沃簡閱遺書文稿二十四日

衍從關中旋沃同居喪次所有遺書文券皆攜往都中致之健庵立齋兩表兄及汝嘉兄衍忝爲之後會

不得一寓目焉慟哉惜哉 謙案塋在崑山六保門尙書浦爲五圖鳴字圩計三十八畝三分六釐

人潘耒爲之表

元譜 穆案此文遂初堂集不載

道光二十一年辛丑奉

旨顧炎武准其入祀崑山鄉賢祠

禮部謹題為題請入祀鄉賢事禮科抄

出江蘇巡撫會同江蘇學政疏稱崑山縣先儒顧炎武砥礪廉隅匡扶名教題請入祀鄉賢祠造具事實冊結具題請旨奉旨該部議奏欽此欽遵抄出

到部臣等議得定例各省舉報名宦鄉賢該督撫學政每年八月前具題並將事實冊結送部詳覈於歲

底彙題又崇祀名宦鄉賢應確核事蹟倘名實不能相副及僅以人品學問空言譽美並無實跡者即行

指駁等語今查該省送事實冊內開已故江蘇崑山縣先儒顧炎武植躬清峻砥行端方講求經世之學

歷覽天下府州縣志及歷代奏疏文集復周流西北偏行邊塞得之日驗成一百二十卷曰天下郡國利

病書別有一百卷曰肇域志又著有音學五書考古功深斟酌允當其餘所著有日知錄三十二卷五經

同異三冊左傳杜解補正三卷九經誤字一卷石經

顧譜

奎

考一卷金石文字記六卷求古錄一卷吳才老韻補

正一卷二十一史表十卷歷代宅京記二十卷昌平

山水記二卷十九陵圖志六卷萬歲山考一卷岱岳

記入卷北平古今記十卷建康古今記十卷營平二

州史事六卷弗錄十五卷詩律蒙告一卷其他雜著

不可枚舉所有顧炎武題請入祀鄉賢之處係屬名

實相副臣等謹擬准其入祀鄉賢祠再此本向歸彙

題合併聲明臣等未敢擅便謹題請旨於道光

二十一年十二月十七日題
十九日奉旨依議欽此

穆案先生著書之可攷者日知錄三十二卷

衍生云潘稼堂

先生攜至閩中同汪晦庵先生刻四庫書收入子

部禱家類三有提要一篇案坊間有大小二版本

又有嘉定黃汝成集釋本云曾得潘次耕刪飾元秩

許瀚案吳縣王亮生藏一抄本黃曾借校其本乃未

經清刪者耳補遺四卷有袖古音表三卷易音三卷

瀚親見之

珍本

詩本音十卷唐韻正二十卷音論三卷統名音學五

書衍生云五書刻於淮上後為張力臣鬻於安溪李公案潘稼堂有訪顧亭林先生遺書不得詩序

言音學五書刻於淮浦張力臣家力臣亡其子以板質於人不可復問則以為力臣鬻之者誣也四庫

書收入經部小學類三有提要五篇五經同異三卷有常熟蔣氏刻左

傳杜解補正三卷衍生云爵憲張又南先生捐貲刻四庫書收入經部春秋類四有

提要一篇九經誤字一卷四庫書收入經部五經石經攷

一卷四庫書收入史部目求古錄一卷衍生書目無四庫書收

入史部目錄類三有提要一篇彭文勤知聖道齋集有跋尾金石文字記六卷四庫

書收入史部目錄類二有提要二篇竹垞有辨韻補金石文字記一條見徐健庵日下舊聞攷序

顧譜

奕

正一卷衍生書目作二卷四庫全書收昌平山水

記二卷文集六卷養新錄顧寧人文集初印本有讀隋書一篇本馬貴與之說寧人手

鈔之意欲採入日知錄潘次耕誤切為顧作乃以讀隋書為題收入集中今本無此篇則次耕已覺其謬矣

詩集五卷衍生云已上七種潘稼堂先生捐貲刻誦觚十事一卷四庫

全書地理類存目有提要一篇顧氏譜系攷一卷衍生云已上二種潘稼堂刻譜系攷

作顧氏譜略二十一史年表十卷天下郡國利病書一百

卷有四川龍氏聚珍版本四庫全歷代宅京記二

十卷四庫書目歷代下有帝王二字收入史部地理類一蘇州府志云一作歷代都城官闕攷二十

卷十九陵圖志六卷徐譜案潘稼堂呈先生詩注云有昌平山水等圖當即此書

萬歲山攷一卷肇域記一百卷

記一作志嚴杰云肇域志手彙今存仁和

許周士主政家蠅頭小楷一筆不苟蘇州府志曰今存山東二冊

岱嶽記入卷北平

古今記十卷建康古今記十卷營平二州史事六卷

四庫總目又有營平二州地名記一卷收入史部地理類三有提要一篇

弗錄十五卷詩

律蒙告一卷救文格論一卷

蘇州府志又有禊錄一卷

下學指南

一卷當務書六卷菰中隨筆三卷

有曲阜孔氏刻本徐譜案拜經樓

詩話載詩律蒙告一條注云見菰中隨筆今刻本無

官田始末攷一卷京東攷

古錄一卷

此書吳震方說鈴中收之四庫書存目謂其文皆見炎武所撰日知錄及昌平山水

記殆震方勦取別行偽立此名也案衍生書日本有此名提要殊武斷蓋先生所著書其精華無不采入

顧譜

卷

日知錄者不但此一書也

山東攷古錄一卷

此及京東攷古錄四庫全書地理類存目

各有提要一篇

熹廟諒闇記一卷聖朝記事一卷又近有一

統志案說一書乃襍纂方輿紀要中總論合為一編

坊賈不知其為宛溪題曰顧亭林原本其妄蓋不待

辯也

松案先生勘定之書有西安府儒學碑目見先生文

集有勘定家訓近儒名論甲集見先生手蹟有纂錄

易解程朱各自為書見蒼汪荅文書有纂錄南都時

事

近坊刻有聖安皇帝本紀二卷題先生撰疑卽此書

見與載耘野書有點定

荀悅漢紀見潘稼堂重刻漢紀序有區言五十卷治

河事一秩見何義門菰中隨筆序有備錄見江左十

五子詩選注案詩選徐昂發關索詩注引顧亭林備錄又嘗欲編輯姓氏

書健庵有與先生論姓氏書見日知錄徐譜

王山史山志顧亭林古所謂義士不合於時以游爲

隱者也手姿不揚而留心經術胸中富有日新不易

窺測下筆爲文直入唐宋大家之室講明音韻克傳

絕緒他所爲日知錄金石文字記天下利病諸書卷

秩之積幾於等身朝野傾慕之行誼甚高而與人過

顧譜

矣

嚴詩文矜重心所不欲雖百計求之終不可得或以

是致怨弗顧也居恒自奉極儉辭受之際頗有權衡

四方之游必以圖書自隨手所鈔錄皆作蠅頭行楷

萬字如一每見予輩或宴飲終日輒爲攢眉客退必

戒曰可惜一日虛度矣其勤厲如此所著昌平山水

記二卷巨細咸存尺寸不爽凡親歷對證三易稿矣

而亭林猶以爲未愜正使博問強記或尙有人而精

詳不苟未見其倫也山志又載先生論假借轉注一條論極乖刺與先生平日之說

正相反蓋係山史誤記故不取也

又曰博稽詳研發前人所未發爲不朽之業者顧亭林之於音韻梅定九之於厯數顧景范之於地理也又曰劉太室居母喪三十六月除服顧亭林馳書論之謂先王制禮不敢過也秦俗以是曰謂之三周親友送卽吉之儀至有稱賀者亭林曰君子有終身之喪祭日之謂也哀之不暇而何賀焉或有言以次日舉者亭林比之朝祥莫歌之類斯不易之言也又曰子嘗作三案論獨是移宮而於挺擊紅丸不盡同東林諸君子之意亭林頗然之

顧譜

完

閩百詩南雷黃氏哀詞當髮未燥時卽愛從海內讀書者游博而能精上下五百年縱橫一萬里僅僅得三人焉曰錢牧齋宗伯也曰顧亭林處士也及先生而三先生云亡上距牧齋薨已三十有二年卽亭林歿亦且十四五年

穆案南雷卒於康熙乙亥距先生之亡實十三年

蓋至是而海內讀書種子盡矣

潛正劄記有與戴唐器書云十二聖人者錢牧齋馮定遠黃南雷呂晚村魏叔子汪茗文朱錫鬯顧梁汾顧寧人杜子皇程子上鄭汝器更增喻嘉言黃龍士

凡十四人謂之聖人乃唐人以蕭統爲聖人之聖非周孔也

李文貞顧寧人小傳自幼博涉強識好爲蒐討辯論之學十三經諸史劬及子集稗野列代名人著述微文碎義無不攷究騎驢走天下所至荒山頽阻有古碑版遺蹟必披榛菅拭斑藓讀之手錄其要以歸十餘歲至七十而老勤如一日於六書音義尤有獨得余始官庶吉士曾相遇爲半日話又七年復來京師則寧人歿矣聞其書已成亟求觀之寧人之學於是

顧譜

百

始窺其備有顧氏之書然後三代之文可讀雅頌之音各得其所自漢晉以來未之有也書旣刻厚自寶祕曰五十年後乃有知我者耳衛先生爾錫言其地理書用心尤多然未見也孤僻負氣譏訶古今人必刺切徑情傷物以是吳人訾之然近代博雅淹洽未見其比

潘次耕日知錄序崑山顧寧人先生生長世族負絕異之資潛心古學九經諸史略能背誦尤留心當世之故實錄奏報手自鈔節經世要務一一講求當明

末年奮欲有所自樹而迄不得試窮約以老然憂天
閔人之志未嘗少衰事關民生國命者必窮源溯本
討論其所以然足跡半天下所至交其賢豪長者攷
其山川風俗疾苦利病如指諸掌精力絕人無它者
好自少至老未嘗一日廢書出必載書數篋自隨旅
店少休披尋探討曾無倦色有一疑義反復參攷必
歸於至當有一獨見援古證今必暢其說而後止當
代文人才士甚多然語學問必斂衽推顧先生凡制
度典禮有不能明者必質諸先生墜文軼事有不知
者必徵諸先生先生手畫口誦探源竟委人人各得
其意去天下無賢不肖皆知先生爲通儒也

又贈先生六十壽序先生之學邃于經術而又洞達
當世之故其言覈而通大而有體要上自經籍圖史
方輿音律下至名物器數元元本本至精至悉有功
後學不在康成下

湯孔伯有荅先生書云前歲山史自關中見訪詢及
交游名賢卽曰吳郡顧先生品高學博國家典制郡
邑掌故天文厯象河漕兵農之屬無不洞悉原委坐

而言起而可見諸行事真當今第一有用儒者也後
晤甫艸元禮計東字甫艸舉人葉舒崇字元禮進士俱吳江人 往往言與山
史同吾道之衰久矣得大力闡明豈非斯人之幸

汪茗文荅從弟論師道書僕宦游十五年矣其有經
學修明者得二人焉曰顧子寧人李子天生

朱錫鬯靜志居詩話論先生詩云詩無長語事必精
當詞必古雅抒山長老所云清景當中天地秋色庶
幾似之

繆天自云天自名承謀一名泳又字于野嘉興人有苕溪集 詩有俚語經顧

顧譜

五

寧人筆輒典

無名氏隨筆記先生一日在京師酒次王漁洋問樂
府蝴蝶行能記否先生應口誦之不失一字蝴蝶行
最詰屈難讀學者所不經意者也漁洋歎服穆案此
事未得

其年附
記於此

王蘭泉昶與汪容甫書聞顧亭林先生少時每年以
春夏溫經請文學中聲音宏做者四人設左右坐置
注疏本於前先生居中其前亦置經本使一人誦而
已聽之遇其中字句不同或偶忘者詳問而辯論之

凡讀二十紙再易一人四人周而復始計一日溫書
二百紙十三經畢接溫三史或南北史故亭林先生
之學如此習熟而纖悉不遺也

江藩漢學師承記炎武生性兀傲不諧於世身本南
人好居北土嘗謂人曰性不能舟行食稻而喜餐麥
跨鞍

程魚門晉芳正學論亭林黎洲博極羣書其於古今
治亂興廢得失之數皆融貫於胸中因筆之於書以
爲世世法

顧譜

三

李子德哭顧亭林先生詩一百韵朝籙初零露浮雲
忽障天史無正月紀星脫少微躔一代摧梁木千春
恨杜鵑典刑今頓墜文獻爾俱全際剝哀吾道瞻叩
失大賢渾思焚著述未忍沒周旋勁節堪追溯名家
敢溢傳門詳吳郡後望庇武陵前畫省基藩牧彤毫

珥御鈿鍾靈簪紱第比美孝廉船

先生曾大父自方伯陞侍郎大父贊

善兄鄉舉

閱闕窺芳矩詞宗起卅年友兼鄉國盛聲挾俊

厨駢

少登復社

勝地頻交軫留都幾著鞭銜杯才最逸擲

管賦誰先吐納蒼江麗招尋紫陌連同過遵石渚獨

步採香茎競睹潛修洽徐教懿緒延遭時傷失路振
翼爽乘權上客逍遙久佳人契約偏徒勞股密勿莫
與救迤邐海涸龍虛碎山頽鳳不還難求雛翮好漫
惜領珠圓剖血探危躅攀髯少並肩鼎湖仍問渡喬

嶽遠懷仙信宿寒郊址恭圖寢廟塋

為孝陵圖

裝潢勤更

肅拂拭對增虔沐髮嘗辭舍傭身偶就屢北來馳險

阻

北謁十三陵

南嚮灑潺湲壞邱詢遺迹荒圻拜故阡湯

孫昭穆萃漢祖壁墉堅歷歷捫松檟兢兢執豆邊金
楹澄有赫碧瓦秀含煙灑埽甘從事勲華耻讓鐫

昌著

顧譜

高

平山水記特書森具體凡例發流泉古兆原分立斯文實

創編班揚愁覩甚左馬色蒼然自此淹羈旅餘齡肯

棄捐經搜墳典濶世譜乞提懸似欲超吟詠何曾叩

偓佺雄心灰弗已績學勵相宣逮夜隨燒燭長征亦

費研驅車攜竹笈入肆展霜箋疊案皆親注盈牀益

勉旃纖瑕攻琬琰

所論多摘古人之誤

細字炳丹鉛取誌惟徵

邑

著利病書必欲盡考縣志

遺聞迴匯川訂謨周利病往冊賴刪

詮屢易猶藏稿通行且待緣昌言昭日錄

著日知錄

暇力

正詩篇

著音學五書

轉叶音何陋葩騷韻累遷爰稽三頌

始盡洗六朝愆憤樂忘頭白遨遊任足穿觀恒趨裔
寒踐漫涉層淵積雪貞珉皎厓藤側蔓纏謂宜輕權
機翻喜跨鞞鞢到處逢迎備臨岐指顧牽公卿雖倒
屣華竇每安紘鄴架抽光敷郇厨領味專食不
兼味晴暎

裝澹澹素魄坐娟娟桂辣寧知老松疎那受憐刊垂
資祖籍把贈解囊錢晚結菟裘計將除蕝藻田隰苓

聊近採關阜儘高寒旬服羣推首邦衢舊象乾王風
留黍稷伯略杳鷹鷗遂逆洪河浪因窮太華巔臺祠

洵曠舉因朱文公會主管
雲臺觀倡爲主祠縣宰得循員華陰令遲君
任其事亭林

顧譜

一夏

歿遂陪享濁俗多崇墨豪蒼半雜禪迷津煩拯助出谷仗

陶甄漸覺嬰鳴侈俄開霽景鮮盍簪要奮激傾蓋及

狂顛縞帶曾貽晉先生初同曹司農公過厓
門晤余於陳使君席上清觴再

集燕嗣飲龔宗
伯公宅愚蒙沾善誘等列荷區銓謬許私盟

牒允期軼草元深恩鴻鴈並暫別鯉魚聯卜宅推中

表寓表弟
長源家披帷共醉眠頗耽亭水潔遲眺徑花妍匣

劍舒悲嘯堂琴寫靜便縱談衷曲盡遐寄物情燭鬼

微喧飛檄神州滿控弦縈腸彌悵望叱馭復翩翹積

歲兵機稔中宵客慮煎匿形乖辟穀覘夢罷迴畋憶

昨登嵩少懷其俯澗瀍凌晨謀稅野決意謝歸舫抵

絳依重郭

去秦居曲沃

誅茅假數椽泣麟微旨在哀鳳託

終焉臘杪纔呼走

遣使往訊起居

冰嚴薄餽綿報章驚絕筆

晨起承報余詩二十四韻夕卒

幽怨屈空拳耿介標孤性忠誠冠八

埏末繇齋志展疇使抱疴痊彼網欣連鶴維巢訝類

鳶心休沿板蕩目視爲戈鋌恐逸陽秋撰須存卽次

瓊外甥俱雋哲

謂三徐公司寇太史相國

猶子已騰騫

令姪中翰君洪善

幸接芻陰茂當提主器僞聖途湮豈斷儒術衆疑悛

鏡具睽峯壑生芻布几筵輒旌悲浩漫墓樹想葱芊

顧譜

真

直擬歌黃鳥真應駕白蓮招魂稱至德陟降蔣山邊

潘次耕己酉冬自淮陰抵平原呈亭林先生六十韻

耆德何寥落人倫孰楷模斯文知未墜夫子實通儒

世德推江表高名冠海隅才猷鼎鼐重器畧廟堂須

妙譽歸人傑英姿識鳳雛風雲遲絕足羽翼礙天衢

築版功名遠躬耕心事紆勞勞悲擊楫渺渺欲乘桴

廿載中原客單車萬里驅北游頻五岳作賦幾三都

漢塞雲隨鴈秦關月照榆胸中百郡志掌上列邊圖

先生有昌平山水等圖

結客傾豪俊論文盡顧廚襟懷小天地

聞見溢寰區學貫天人與身苞造化樞大文經緯著
讜論古今臚賈馬寧方駕班楊敢竝趨才高道乃契
心小聖爲符雅痛微言絕深嗟學術殊幾年犁傳注
百代掃榛蕪精理通爰象鴻猷擴典謨禮堂尊講席
絳帳盛生徒小子深瞻仰通家自友于追陪憶往歲
侍從足歡娛稽阮交原厚陳雷好不渝時時枉高駕
往往到菰蘆永漏杯同把明鐙筆共濡情淡等膠漆
調叶比笙竽各矢青雲志祇愁白日徂龍蛇夢俄兆
鵬鳥讖堪吁向子聞鄰笛王公憶酒鑪遙知悲宿草

顧譜

七

無處莫生芻落魄餘文舉伶仃有少孤素絃哀絕調
枯樹慘同株戢影依慈母含辛對阿奴向人言慷慨
伏枕淚模糊流浪來淮市飄零客射湖江關淹歲月
蹤跡混泥塗范叔綈袍盡相如四壁無三秋長旅食
半刺只窮途詎敢題鸚鵡那堪聽鷓鴣壯懷感馬援
岐路畏楊朱愁到思投筆窮來未棄襦橋寧爲枳變
蘭不效蕭敷把卷難窮牖編書亦絕蒲三冬曼倩惜
一榻幼安俱汲古慚修綆攻文愧小巫孤生原謫劣
曲學况牽拘窺豹非全目雕蟲豈壯夫夙懷期負笈

雅志有懸弧碩德惟劉董儒宗有鄭虛龍門雖自峻
蠡測肯辭愚問字侯芭去傳經服慎呼贏糧非早暮
命駕敢踟躕汶野黃雲凍沂山白草枯隻身經雨雪
遠道涉崎嶇捧杖微誠遂橫經鄙願輸駑駘還賴策
蓬草或堪扶斧削資良匠陶鎔付大鑪垂恩無以報
感激一微軀又呈亭林先生一首尼父志不達浩然
動歸思羣材良斐然裁成將待誰迴車訂六籍制作
通神祇三年致祥麟大道以不隳海內有先生人倫
之宗師學惟天人貫道乃汗隆宜嚴冬霜雪集萬木
爲之萎孤根獨巋然知天未喪斯周游遍五岳歷覽
環三垂天地有大文一一爲搜披成書藏名山故里
歸何遲下國寡良材斧斤諒難施區區園葵意朝陽
寧見知何當裹糧去萬里相迫隨泰岱峰崢嶸日觀
路險巖一覽小天下慰此平生期

王山史拜亭林先生墓詩三年客江東兩度撫君墓
野日滋宿草秋花淒零露緬惟同心交明誓金石固
稽古啟愚昧敬求祛冥悟惠然止吾廬一似形影附
同泣鹿馬石手攀神烈樹倏更四十春戚戚不忘故

疇昔夢雲闕白衣從玉輅連蜺下大荒偃蹇問天步
歎息桑榆景裴回崦嵫暮幽明事已非生死情一訴
灑淚歸山去長辭西州路又哭墓詩云與君長別九
年矣白馬重來千里餘獨拜荒工淒宿艸更揮老淚
問遺書爲憶神明恒若存莫將封禪比文園當年羊
傳徒輕爵何似龍門有外孫

葉封山志序曩余獲交
崑山顧亭林先生亭林

於當世士多否少可獨亟稱華陰王山史先生已山
史至京師余一見輒心儀之顧息息別去比亭林就
居山史之家兩人皆好學惇行志相得也康熙壬戌
歲莫余客揚州山史亦來則先是出游將二盈稔聞
亭林之歿
且周歲矣

顧譜

覓

鄞縣王梓材

高要蘇廷魁

道州何紹基

日照許瀚

肅寧苗夔參訂

晉江陳慶鏞

安丘王筠

順德羅惇行

武進趙振祚

平定張黼榮

固始祝兢校字

國史儒林傳

顧炎武字寧人初名絳崑山人明贊善紹芳孫年十四爲諸生耿介絕俗不與人苟同惟與同里歸莊相善相傳有歸奇顧怪之目其論學以博學有恥爲先嘗與友人論學云百餘年來之爲學者往往言心言性而茫然不得其解也命與仁夫子所罕言性與天道子貢所未得聞性命之理著之易傳未嘗數以語人其答問士則曰行已有恥其爲學則曰好古敏求其與門弟子言但曰允執厥中四海困窮天祿永終其告哀公明善之功

顧譜

章

先之以博學顏子幾於聖人猶曰博我以文自曾子而下篤實莫若子夏言仁則曰博學而篤志切問而近思今之君子則不然聚賓客門人數十百人與之言心性舍多學而識以求一貫之方置四海之困窮不言而講危微精一是必其道高于夫子而其弟子之賢于子貢也我弗敢知也孟子一書言心言性亦諄諄矣乃至萬章公孫丑陳代陳臻周霄彭更之所問與孟子之所答常在乎出處去就辭受取與之間是故性也命也天也夫子之所罕言而今之君子之所恒言也出處去就

辭受取與之辨孔子孟子之所恆言而今之君子所罕
言也愚所謂聖人之道者如之何曰博學於文日行已
有恥自一身以至於天下國家皆學之事也自子臣弟
友以至出入往來辭受取與之間皆有恥之事也士而
不先言恥則爲無本之人非好古多聞則爲空虛之學
以無本之人而講空虛之學吾見其日從事於聖人去
之彌遠也又曰今之理學禪學也不取之五經論語而
但資之語錄不知本矣其論文非有關於經旨世務者
皆謂之巧言不以搢筆故炎武之學大抵主於斂華就

顧譜

三

實救弊扶衰凡國家典制郡邑掌故天文儀象河漕兵
農之屬莫不窮究原委考正得失而又廣交賢豪長者
虛懷商榷不自滿假作廣師篇云學究天人確乎不拔
吾不如王錫闡讀書爲己探蹟洞微吾不如楊雪臣獨
精三禮卓然經師吾不如張爾岐蕭然物外自得天機
吾不如傅山堅苦力學無師而成吾不如李容險阻備
嘗與時屈伸吾不如路安卿

穆案本集所舉十人皆稱其字此改稱名國史體也

而楊雪臣名瑀路安卿名澤溥獨仍而不改何也

博聞強記羣書之府吾不如

吳任臣文章爾雅宅心和厚吾不如朱彝尊好學不倦

篤於友朋吾不如王宏撰精心六書信而好古吾不如張昭至於達而在位其可稱述者亦多有之然非布衣之所得議也炎武生平精力絕人自少至老無一刻離書

國朝稱學有根柢者以炎武爲最炎武撰天下郡國利病書一百二十卷歷覽諸史圖經實錄文編說部之類取其關於民生利病者且周流西北歷二十年其書始成別有肇域志一編則考索利病之餘合圖經而成者炎武精韻學撰音論三卷言古韻者自明陳第雖創闢

顧譜

三

榛蕪猶未遂密至炎武乃推尋經傳探討本原又詩本音十卷其書主第詩無協韻之說不與吳棫本音爭亦全不用補音之例但卽本經之韻互考且證以他書明古音原作是讀非有遷就故曰本音又易音三卷卽周易以求古音考證精確又唐韻正二十卷韻補正一卷古音表二卷皆能追復三代以來之音分部正帙而知其變自吳才老而下廓如也炎武又撰金石文字記求古錄與經史相證歐趙洪王不及其精而日知錄三十卷尤爲炎武終身精詣之書蓋積三十餘年而後成凡

經史吏治財賦典禮藝文之類皆疏通考證之炎武又以杜預左傳集解時有闕失作杜解補正三卷其他著作有石經考二十一史年表歷代帝王宅京記亭林文集詩集營平二州地名記昌平山水記山東考古錄譎觚菰中隨筆救文格論等書並有補於學術世道初炎武嗣母王氏未嫁守節嘗斷指療姑於崇禎十年被旌及聞明亡不食卒誠炎武勿出仕福王時崑山令楊永言薦炎武爲兵部司務旋以職方郎召皆未赴旣葬母遂出遊歷遭艱險所至之地以二騾二馬載書遇邊塞

顧譜

三

亭障呼老卒詢曲折有與平日所聞不合卽於坊肆中發書對勘或平原大野則於鞍上默誦諸經注疏在華陰與王宏撰等於雲臺觀側建朱子祠康熙間

詔舉博學鴻儒科又修明史大臣爭薦之並辭未赴康

熙二十一年卒於華陰年六十九

穆案先生年七十無卒於曲沃此皆誤

子門人以其喪歸葬崑山吳江潘耒敘其遺書行世

神道表

鄞全祖望鮎埼亭集

顧氏世爲江東四姓之一五代時由吳郡徙徐州

穆崇徐乃

滁之

浦村人其達者始自明正德間曰工科給事中廣東按

察使司僉事濠及刑科給事中濟刑科生兵部侍郎章志侍郎生左贊善紹芳及國子生紹芾贊善生官廕生同應同應之仲子曰絳卽先生也紹芾生同吉早卒聘王氏未婚守節以先生爲之後先生字曰寧人乙酉改名炎武亦或自署曰蔣山傭學者稱爲亭林先生少落

顧譜

嘉

落有大志不與人苟同耿介絕俗其雙瞳子中白而邊墨見者異之最與里中歸莊相善共遊復社相傳有歸奇顧怪之目於書無所不窺尤留心經世之學其時四國多虞太息天下乏材以至敗壞自崇禎己卯後歷覽二十一史十三朝實錄天下圖經前輩文編說部以至公移邸抄之類有關於民生之利害者隨錄之旁推互證務質之今日所可行而不爲泥古之空言曰天下那國利病書然猶未敢自信其後周流西北且二十年通行邊塞亭障無不了了而始成其別有一編曰肇域志

則考索利病之餘合圖經而成者予觀宋乾淳諸老以經世自命者莫如薛良齋而王道夫倪石林繼之葉水心尤精悍然當南北分裂聞而得之者多於見若陳同甫則皆欺人無實之大言故永嘉永康之學皆未甚粹未有若先生之探原竟委言言可以見之施行又一稟於王道而不少參以功利之說者也最精韻學能據遺經以正六朝唐人之失據唐人以正宋人之失欲追復三代以來之音分部正秩而究其所以不同以知古今音學之變其自吳才老而下廓如也則有曰音學五書

顧譜

臺

性喜金石之文到處卽蒐訪謂其在漢唐以前者足與古經相參考唐以後者亦足與諸史相證明蓋自歐趙洪王後未有若先生之精者則有曰金石文字記晚益篤志六經謂古今安得別有所謂理學者經學卽理學也自有舍經學以言理學者而後邪說以起不知舍經學則其所謂理學者禪學也故其本朱子之說參之以慈谿黃東發日抄所以歸咎於上蔡橫浦象山者甚峻於同時諸公雖以苦節推百泉二曲以經世之學推梨洲而論學則皆不合其書曰下學指南或疑其言太過

是固非吾輩所敢遽定然其謂經學卽理學則名言也而日知錄三十卷尤爲先生終身精詣之書凡經史之粹言具在焉蓋先生書尙多予不悉詳但詳其平生學業之所最重者初太安人王氏之守節也養先生於襁褓中太安人最孝嘗斷指以療君姑之疾崇禎九年直指王一鶚請旌於朝報可乙酉之夏太安人六十避兵常熟之郊謂先生曰我雖婦人哉然受國恩矣果有大故我則死之於是先生方應崑山令楊永言之辟與嘉定諸生吳其沆及歸莊共起兵奉故鄣撫王永祚以從

顧譜

夏

夏文忠公於吳江東授公兵部司務事旣不克永言行遁去其沆死之先生與莊幸得脫而太安人遂不食卒遺言後人莫事二姓次年閩中使至以職方郎召欲與族父延安推官咸正赴之念太安人尙未葬不果次年幾豫吳勝兆之禍更欲赴海上道梗不前先生雖世籍江南顧其姿稟頗不類吳會人以是不爲鄉里所喜而先生亦甚厭裙屐浮華之習嘗言古之疑衆者行僞而堅今之疑衆者行僞而脆了不足恃旣抱故國之戚焦原毒浪日無甯晷庚寅有怨家欲陷之乃變衣冠作商

賈遊京口又遊禾中次年之舊都拜謁孝陵癸巳再謁是冬又謁而圖焉次年遂僑居神烈山下遍遊沿江一帶以觀舊都畿輔之勝顧氏有三世僕曰陸恩見先生日出遊家中落叛投里豪丁酉先生四謁孝陵歸持之急乃欲告先生通海先生亟往擒之數其罪湛之水僕婿復投里豪以千金賄太守求殺先生不繫訟曹而卽繫之奴之家危甚獄日急有爲先生求救於某公者某公欲先生自稱門下而後許之其人知先生必不可而懼失某公之援乃私自書一刺以與之先生聞之急索

顧譜

五

刺還不得列揭於通衢以自白某公亦笑曰甯人之卞也曲周路舍人澤溥者故相文貞公振飛子也僑居洞庭之東山識兵備使者乃爲愬之始得移訊松江而事解於是先生浩然有去志五謁孝陵始東行墾田於章邱之長白山下以自給戊戌遍遊北都諸畿甸直抵山海關外以觀大東歸至昌平拜謁長陵以下圖而記之次年再謁旣而念江南山水有未盡者復歸六謁孝陵東遊直至會稽次年復北謁思陵由太原大同以入關中直至榆林是年浙中史禍作先生之故人吳潘二子

死之先生又幸而脫甲辰四謁思陵事畢墾田於雁門之北五臺之東初先生之居東也以其地溼不欲久留每言馬伏波田疇皆從塞上立業欲居代北嘗曰使吾澤中有牛羊千則江南不足懷也然又苦其地寒乃但經營創始使門人輩司之而身出遊丁未之淮上次年自山東入京師萊之黃氏有奴告其主所作詩者多株連自以爲得乃以吳人陳濟生所輯忠節錄指爲先生所作首之書中有名者三百餘人先生在京聞之馳赴山東自請勘訟繫半年富平李因篤自京師爲告急於

顧譜

夏

有力者親至厯下解之獄始白復入京師五謁思陵自是還往河北諸邊塞者幾十年丁巳六謁思陵始卜居陝之華陰初先生遍觀四方其心耿耿未下謂秦人慕經學重處士持清議實他邦所少而華陰縮轂關河之口雖足不出戶而能見天下之人聞天下之事一旦有警入山守險不過十里之遙若志在四方則一出關門亦有建瓴之便乃定居焉王徵君山史築齋延之先生置五十畝田於華下供晨夕而東西開墾所入別貯以備有事又餌沙苑蒺藜而甘之曰啖此久不肉不茗可

也凡先生之遊以二馬二騾載書自隨所至阨寒卽呼
老兵退卒詢其曲折或與平日所聞不合則卽坊肆中
發書而對勘之或徑行平原大野無足留意則於鞍上
默誦諸經注疏偶有遺忘則於坊肆中發書而孰復之
方大學士孝感熊公之自任史事也以書招先生爲助
答曰願以一死謝公最下則逃之世外孝感懼而止戊
午大科

詔下諸公爭欲致之先生豫令諸門人之在京者辭曰
刀繩具在無速我死

穆案先生之辭大科乃二徐之力
謝山蓋誤以梨洲之事例先生也

顧譜

五

次年大修明史諸公又欲特薦之貽書葉學士訥庵請
以身徇得免或曰先生盍亦聽人一薦薦而不出其名
愈高矣先生笑曰此所謂釣名者也今夫婦人之失所
天也從一而終之死靡慝其心豈欲見知於人若曰盍
亦令人強委會焉而力拒之以明節則吾未之聞矣華
下諸生請講學謝之曰近日二曲亦徒以講學故得名
遂招逼迫幾至凶死雖曰威武不屈然而名之爲累則
已甚矣又况東林覆轍有進於此者乎有求文者告之
曰文不關於經術政理之大不足爲也韓文公起八代

衰若但作原道諫佛骨表平淮西碑張中丞傳後諸篇而一切諛墓之文不作豈不誠山斗乎今猶未也其論爲學則曰諸君關學之餘也橫渠藍田之教以禮爲先孔子嘗言博我以文約之以禮而劉康公亦云民受天地之中以生所謂命也是以有動作禮義威儀之則以定命然則君子爲學舍禮何由近來講學之師專以聚徒立幟爲心而其教不肅方將賦茅鴟之不暇何問其餘尋以乙未春出關觀伊洛歷嵩少曰五嶽遊其四矣會年饑不欲久留渡河至代北復還華下先生旣負用

顧譜

章

世之略不得一遂而所至每小試之墾田度地累致千金故隨遇卽饒足徐尙書乾學兄弟甥也當其未遇先生振其乏至是鼎貴爲東南人士宗四方從之者如雲累書迎先生南歸願以別業居之且爲買田以養皆不至或叩之答曰昔歲孤生飄搖風雨今茲親串崛起雲霄思歸尼父之轅恐近伯鸞之竈且天仍夢夢世尙滔滔猶吾大夫未見君子徘徊渭川以畢餘年足矣庚申

其安人卒於崑山寄詩挽之而已次年卒於華陰

誤無

子徐尙書爲立從孫洪慎以承其祀

穆案洪慎乃先生之從子先生旣立

吳江族子行生爲嗣又立洪慎
之子世樞爲殤子後此皆誤
年六十九 門人奉喪

歸葬崑山之千墩高弟吳江潘耒收其遺書序而行之

又別輯亭林詩文集十卷而日知錄最盛傳歷年漸遠

讀先生之書者雖多而能言其大節者已罕且有不知

而妄爲立傳者以先生爲長洲人可哂也
穆案榕村集有顧寧人小

傳稱爲吳之長洲人謝山蓋卽指此徐尙書之冢孫涵持節粵中數千里

貽書以表見屬余沉吟久之及讀王高士不庵之言曰

甯人身負沉痛思大揭其親之志於天下奔走流離老

而無子其幽隱莫發數十年靡訴之衷曾不得快然一

顧譜

墓

吐而使後起少年推以多聞博學其辱已甚安得不掉

首故鄉甘於客死噫可痛也斯言也其足以表先生之

墓矣夫其銘曰先生兀兀佐王之學雲雷經綸以屯被

縛渺然高風寥天一鶴重泉拜母庶無愧作

何紹基顧先生祠詩

甲辰五月附

亭林先生祠小子始營繕繫惟城西偏慈仁森佛殿當時寺宇宏市集萃圖卷國初諸老儒買書乘暇宴先生結契廣僑寓置鑑扇至今雙松下彷彿見遺躅承平二百載光陰若流箭古碣餘斷龜空梁墜飢燕我卜隙地寬謂可靈爽奠諸公聞此議合作相呼忭畚鍤猥見屬木甍自遴揀刪蕪出古樹明月夜來冒崇崇屋三楹爛爛秋一片落成奉遺像覽揆潔盥薦肅然道義容警我塵土賤車徐譜歲月張子重論譔江南大河北餘韻蒐

顧譜

重

討徧

張石州據車秋舲徐星翁所撰亭林年譜合爲定本增益辨正甚博且精攜稿至山東江南蒐得遺

事詩文頗多

勒記待貞珉儀徵濡老硯

阮相國師記文尙未寄到

冬彙條

已飄春鷲復來囓次第皆識職初終矢無倦持衡

恩命被萬里指羅甸

五月一日紹基奉命主試貴州

登程復過祠仰

止有餘眷溯惟明代末世苦龍蛇戰氣節誠乃隆兵將多不練小儒獨何爲俗學爭相煽語錄飾陋窳詞章門輕舊先生任道堅千古係後先研窮經史通曠朗天人見鬱積忠孝懷慘澹時世變同時顧李閭驂靳隨勒鞞餘子因人成鞭鐙亦相戀經心執聖權首啓

熙朝彥兵刑禮樂尊九數六書衍漢宋包羣流周孔接
一線精光爍日星果力策雷電自非菰中人孰開衆目
眩欽惟

純廟年四庫盛編纂萬軸歸

文淵千士萃祕院儀徵實後至草創儒林傳論學采源
流全編有冕弁諸儒始相驚

乙覽大稱善

阮師撰 國史儒林傳以先生居首

元氣入人心史筆非私

擅小子雖懵學遺書早窺眇洎與脩史職讀傳生歎羨
從來聖道大青史資爛綸微言察天地正路化狂狷功

顧譜

三三

名與文章因時見陶鍊惟茲下學事萬古有繼禪儒林
道學分宋史妄矜銜六藝天道樞

班書儒林傳語意

傳例重班

掾先生冠儒林狂瀾植厓堰君親鑒吾身學行須貫穿
願從實踐入敢恃虛談便且當語黔士庶弗規爲瑱再
拜別先生歸來已寒霰

1000

